

Siunnersuummut oqaaseqaatit

Nassuaatit nalinginnaasut

1. Aallaqqasiut

Naalakkersuisut inuit tamarmik naligiittut pineqartussaasut isumaqarput. Kinaluunniit nunatsinni suiaassuseq, kingoqqiffik, innarluuteqarneq, innarluuteqarneq, ukiut, kinguaassiutitigut sammivik assigisaalluunniit tunngavigalugit assigiinngissitsivineqartutut misigissangilaq. Taamaammat Naalakkersuisut nunatsinni innuttaasunut tamanut toqqisisimanartunik atugassaqartitsinissaq sivisumik sulissutigaat, taamaalillutik kikkut tamarmik naligiimmik pisinnaatitaaffeqassammata, aamma inuunerminni naligiimmik periarfissaqarlutik. Kinaluunniit avataaniitinneqassanngilaq, kikkummi tamarmik pisariaqartinneqarput.

Kalaallit Nunaata inatsisaani maannakkut taamaallaat naligiissaaneq pillugu inatsiseqarpoq aamma ilaatigut assigiinngitsitsinissamik inerteqquteqarnermik imaqartumik, race il.il. pissutigalugit assigiinngitsitsineq pillugu inatsit pillugu pillugu peqqussuteqarpoq.

Naalakkersuisut aamma eqimattat allat suliffeqarnermi suliffeqarnerullu avataani assigiinngisitsinissamut sunniuteqarluartumik illersorneqarnissaq inatsisitigoortumik pisariaqartikkaat isumaqarput. Atuutsitsinissamut periarfissat sunniuteqarluartuunissaat, aammalu assigiinngisitsinermik eqquaasut, tamatuma naammagittaalliuutiginerata suliarineqarnissaanut periarfissaqarnissaat aamma pingaaruteqarput. Naammagittaalliornerullu ingerlanera innuttaasumut pisariitsusariaqarpoq atoruminartuusariaqarlunilu.

Ullumikkut assigiinngisitsinermut illersuineq amigaateqarpoq. Ilaatigut kinguaassiutitigut sammivik, innarluuteqarneq aamma inuiaassuseqarneq tunngavigalugit assigiinngisitsinermut illersorneqarnissaq, tunngaviusumik pisinnaatitaaffiuvoq, isumannaartariaqarluartoq, taamaalillutik inuiaqatigiinni kalaallini innuttaasut tamarmik toqqisisimanartumik inuusinnaassammata.

Kingoqqiffik, ammip qalipaataa, inuiaqatigiinni imaluunniit inuianni pinngorfik, upperisaq imaluunniit kinguaassiutitigut sammivik pissutigalugit assigiinngisitsinermut ilaatigut illersuinissaq inatsisini, ilaatigut asissuilluni nakkarsaallunilu oqaaseqarnerit pillugit pinerluttulerinermut inatsit § 100-ani atuuttuniippoq. Aalajangersakkap taassuma unioqqutinneqarnera pinerluttulerinermut inatsisitigut pineqaatissiinermik, naalagaaffimmi oqartussat ataaniittumik, kinguneqarsinnaavoq. Kisiannili immikkoortinnejarnissamut illersorneqarneq annertusarniarlugu aamma suliat pinerluttulerineq pillugu inatsimmi malittarisassat ataaniinngitsut sillimaffiginiarlugit immikkoortumi nuna tamakkerlugu inatsiseqarnissaq aamma pingaaruteqarpoq.

Taamaalilluni pinerluttulerinermut inatsisitigut suliassaqarfiup iluaniilernissaq inatsimmi siunertaanngilaq. Assigiinngisitsinermut illersuisunik maleruagassanik atuuttoqarani

pisoqartillugu, aammalu taamaallaat inuiaqatigiinni inatsisiniinnaq, inatsimmi maleruagassiinissaq siunertaavoq. Taamaattoq tassani ilaatinneqanngitsut tassaapput, inatsimmi § 20-mik, , unioqqutitsinerit, pinerluuteqarsimasunut suliassatut pisarnermissut suliarineqartussat, aamma tak. § 55.

Naalakkersuisut siunnersuut saqqummiunneqartoq inuiaqatigiinni kalaallini ineriartornerup pisariaqartup pinngitsoorneqarsinnaanngitsullu tungaanut alloriarnertut isigaat.

Kalaallit Nunaat nunani tamalaani pisussaaffinnik, ilaatigut nunani tamalaani inuit pisinnaatitaaffii pillugit nunani tamalaani isumaqatigiissutini nassuiardeqartunik, malinnittussaavoq. Pisussaaffiit taakkua assigiinngisitsinissap pitsaliornissaa pinngitsoortinnissaalu qulakteertussaavaat. Suliassaqarfimmi inatsiseqanngippat tamanna pisinnaanngilaq. Taamatuttaaq inatsit taanna malinnejanngippat, kinguneqartitsinissaq pisariaqarpoq.

Naligiinnissaq assigiinngisitsinnginnissarlu pillugit tunngaviusoq Inuit pisinnaatitaaffii pillugit Nunarsuarmioqatigiinnut nalunaarummi, 1948-mi Naalagaaffiit Peqatigiit inuit tamarmik kiffaanngissuseqarlutik inunngorsimasut aammalu naleqassutsimi pisinnaatitaaffinnilu naligiittut pillugu inuit pisinnaatitaaffiini tunngaviusuni aallaavissatut akuerisaanni, allaqqavoq.

Naligiissitaaneq assigiinngisitsinnginnissarlu pillugit Inatsisartut inatsisaannut siunnersuummi, Kalaallit Nunaanni assigiinngisitsinermut illersuinerup pitsangorsarneqarnissaanik aammalu inuit naligiissinneqarlutik pineqarnissaannik siuarsaanissamik kissaateqarneq, tamatumunnga ilanngullugu ilaatigut kingoqqiffik tunngavigalugu assigiinngisitsinerit suulluunniit atorunnaarsinneqarnissaat pillugu Naalagaaffiit Peqatigiit nunani tamalaani isumaqatigiissutaannik, arnanut tunngatillugu assigiinngisitsinerit suulluunniit atorunnaarsinneqarnissaat pillugu Naalagaaffiit Peqatigiit nunani tamalaani isumaqatigiissutaannik aammalu inuit innarluutillit pisinnaatitaaffii pillugit Naalagaaffiit Peqatigiit nunani tamalaani isumaqatigiissutaannik atuutsitsilernissap pitsangorsarneqarnissa aallaavagineqarput.

Siunnersuummi suaassuseq, naartuneq, meeravissiartaarneq erninermi sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnittaaseq, upperisaq imaluunniit upperisaqarneq pissutigalugit toqqaannartumik toqqaannanngitsumillu assigiinngisitsinissap inerteqquqtigineqarnera, inuiaqatigiinni sunut tamanut atuuttoq, atulersinneqassaaq.

Assigiinngisitsinissap inerteqquqtigineqarnerata unioqqutinneqarneranut naligiissitsinissamut aalajangiisartunut naammagittaalliorssinnaanissaq aammalu inuit innarligaasut taarsiivagineqarsinnaanissaat, aamma siunnersuutigineqarput.

Siunnersuummi, assigiinngisitsinissap nalinginnaasumik inerteqqutigineqarnera atuutsilernerisigut illersuinissaq pitsanngorsarneqassaaq. Aallaaviatigut assigiinngisitsinermut tunngavissaritaasut tamarmik assigiimmik assigiinngisitsinissamut illersorneqartariaqarput. Inatsisip ataatsimoortup killissaasa iluanni assigiinngisitsinermut tunngavissaritaasut akornanni assigiinngissutaasussat aamma sillimaffigineqarput.

Inatsisissatut siunnersuummi, Norgemi naligiissitaaneq assigiinngisitsinissallu inerteqqutigineqarnera pillugit inatsit, immikkoortuni arlalinni isumassarsiorfigineqarpoq. Norge assigiinngisitsinissamut illersuineq pillugu inatsisimini siuarsimasorujussuuvoq. Norgemi assigiinngisitsinnginnissamut ataatsimoortumik inatsisiornissaq toqqarneqarpoq, soorlu aamma inatsisissatut siunnersuummi matumani taamaaliortoqartoq. Naalakkersuisut ataatsimoortumik inatsiseqarnermi assigiinngisitsinissamut illersuineq sunniuteqarluartoq paasiuminartorlu Kalaallit Nunaanni anguneqassasoq, qularinngilluinnarpaat. Ataatsimoortumik inatsiseqalernerme inatsisip assigiinngisitsinissamut qanoq illersuinera aammalu inatsit naapertorlugu assigiinngisitsinnginnissamik pisussaaffiit suut pisussaaffiliunneqarnersut, aamma ataasiakkaanut takujuminarnerulissaq.

Siunnersuut Inuit Pisinnaatitaaffiinut Institutip aamma Inuit Pisinnaatitaaffii pillugit Siunnersuisoqatigiit nalunaarusiami "Naligiissitaaneq – Kalaallit Nunaanni killiffik 2019" inassuteqaataannut naapertuuppoq. Nalunaarusiami, suaassuseq, kingoqqiffik imaluunniit sumiuussuseq, innarluuteqarneq, ukiut, kinguaassiutitigut sammivik aamma upperisaq pissutigalugit suliffeqarnerup iluani aammalu avataani assigiinngisitsinissamut nalinginnaasumik illersuinissaq pillugu inatsisissatut siunnersummik saqqummiussinissaq Naalakkersuisut suliniutigissagaat, aammalu siunnersuummi arlaannaannulluunniit attuumassuteqanngitsumik naammagittaalliutinik aalajangiisartunik pilersitsinissaq pineqartunut ilaatinneqassasoq ilaatigut inassutigineqarpoq.

Manna inatsisissatut siunnersuummi Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersup sanioqqunnissaa siunertaanngilaq. Inatsisartut inatsisaat taanna Inatsisartut inatsisaannut siunnersuutigineqartumik unioqqutitsisutut isigineqanngilaq.

2. Siunnersuummi immikkoortut pingaarcerit

Assigiinngisitsinissap nalinginnaasumik inerteqqutigineqarnera

Kalaallit Nunaata inatsisaani assigiinngisitsinissap nalinginnaasumik inerteqqutigineqarneranik imaqtumik inatsiseqanngilaq.

Naligiissitaanermut inatsimmi suaassuseq pissutigalugu assigiinngisitsinissaq inerteqqutigineqarpoq. Tamatuma saniatigut, kingoqqiffik, ammip qalipaataa, inuiaqatigiinni imaluunniit inuiani pinngorfik, upperisaq aamma kinguaassiutitigut sammivik pissutigalugit assigiinngisitsinnginnissamut, tamanna tunngavigalugu qunusaarilluni, asissuilluni imaluunniit nakkarsaalluni oqaaseqarnerit assigisaalluunniit tamat akornanni saqqummiunneqarpata, pinerluttulerinermut inatsimmi § 100 illersuivoq. Tamatuma

saniatigut inuk takutitsinernut, katerisimaarnernut assigisaannullu tamat ornissinnaasaanni ingerlanneqartunut iseqquneqarani kiisalu inuup inatsimmi taaneqartut pissutigalugit sullinneqarumanani pisoqartillugu, kingoqqiffik il.il. pissutigalugit assigiinngisitsinissap inerteqququtigineqarnera pillugu inatsimmi maleruagassiisoqarpoq.

Kiisalu suliffeqarnermi tunngavissaqanngitsumik soraarsitsinerit atorfilinnut inatsimmi illersorneqarput. Taamaattoq inatsit atorfilinnuinnaq atuuppoq aammalu tunngavissaqanngitsumik soraarsitsineq qanoq paasineqassanersoq, tamatumanilu assigiinngisitsineq tunngavissaqanngitsumik soraarsitsinerusoq, naak assigiinngisitsilluni soraarsitsineq nalinginnaasumik tunngavissaqarneq ajoraluartoq erseqqissarneqarani.

Taamaalilluni eqimattat aalajangersimasut kisimik assigiinngisitsineq pillugu maannakkut aalajangersakkat atuunneranni, annikitsuinnarmik illersorneqartussaapput. Illersuinissaq ullumikkut tamat ornissinnaasaaniinnaq aammalu suliffeqarnerup iluaniinnaq anermik atuuppoq.

Inatsisini atuuttuni assigiinngisitsinermut sukumiinerusumik illersuisoqanngimmat, Kalaallit Nunaat maanna nunani tamalaani pisussaaffinnik assigiinngisitsinermut suliassaqarfinni pisussaaffiusunik naammassinninersoq, apeqquserneqarsinnaavoq.

Inatsit pingarneq, suaassuseq, naartuneq, meeravissiartaarneq, erninermi sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnittaaseq, upperisaq imaluunniit upperisaqarneq tunngavigalugit assigiinngisitsinissap pinngitsoortinnissaanik aammalu inuit tamarmik naligiissinneqarnissaannik siuarsaasussaq siunnersuutaavoq. Allattorneqarnerat tamakkiisuuvvoq.

Assigiinngisitsinermut tunngavissarititaasut suaassutsini kinaassuseqarneq aamma suaassutsimik takutitsineq, tunngavissarititaasut allanit allaanerupput, tassami taakkunani annertuumik inuup nammineq imminut qanoq misiginera tunngavigineqarmat. Tassa imaappoq, inuup nammineerluni assigiinngisitsinermut illersorneqartussaanermi pineqartunut ilaaneluni ilaanginnerluniluunniit aalajangertussaavaa.

Maanna naligiissitaanermut inatsimmi assigiinngisitsinermut taaguummi suaassutsit illuatungeriit tunngavigineqarput: angut arnarlu. Kisianni inuk angutaanini/arnaanini pissutigalugu assigiinngisinneqanngissinnaavoq, inuulli inuit suaassutsinik isiginninnerannut unammillernera pissutigalugu assigiinngisinneqarsinnaalluni. Taamaattumik suaassuseq assigiinngisitsinermut tunngavissarititaasutut naammanngilaq, taamaattumik inerteqquqteqarneq suaassutsini kinaassuseqarneq aammalu suaassutsimik takutitsineq ilaatilerlugit ilaneqassaaq.

Taamaalilluni siunnersuummi inerteqquqteqarnermi assigiinngisitsinermut tunngavissarititaasut arlallit ilaatilerlugit, Kalaallit Nunaanni assigiinngisitsinermut

illersuineq pitsangorsarneqassaaq. Peqatigisaanik illersuinissaq inuiaqatigiinniittuni tamanut atuutsilerlugu ilaneqarpoq.

Naalakkersuisut isumaqarput, assigiinngisitsinermik inerteqquteqarnermi toqqaannartumik aamma toqqaannanngitsumik assigiinngisitsineq kiisalu nakkarsaaneq, ilitsersuineq peqataanerlu pineqartunut ilaatinneqartariaqartut.

Naalakkersuisut aamma isumaqarput, assigiinngisitsineq tunngavissalimmik siunertaqarpat, toqqaannartumik toqqaannanngitsumillu assigiinngisitsisoqarsinnaassasoq.

Tunngavissalimmik siunertaq suunersoq, pisuni ataasiakkaani aalajangerneqartassaaq, kisianni assersuutigalugu inuup nammineq isumannaatsuunissaa aammalu allat isumannaatsuunissaat eqqarsaatigalugit assigiinngisitsineq tunngavissalimmik siunertaasinjaavoq.

Naalakkersuisut aamma isumaqarput, iliuusissat immikkuullarissut ajoqutissartaasut assigiinngisitsinermut tunngavissaritiaasunut inatsimmi taaneqartunut ataatsimut aralinnulluunniit atasut pitsaaliornissaannik imaluunniit naligiissinnaannik siunertaqartut atuutsinnissaannut imaluunniit akuerinissaannut inatsit akornusiissanngitsoq. Immikkut iliuuserisassat taamaattuni siunertaavoq pissusiviusuni suliaqarnermi naligiissitsinerup siuarsarnissaa.

Inuiaqatigiinniittunut tamanut assigiinngisitsinissap nalinginnaasumik inerteqqutigineqarnerata atuutsinneqarnerani, inatsisip pinerluttulerinermut inatsimmi akuliutsinnissa siunertaanngilaq. Pinerluttulerinermut inatsisip avataani pisut, inatsisisssatut siunnersuummi pineqartunut ilaatinneqarput aammalu piumasaqaatit inatsit manna malillugu saqqummiunneqartut taamaallaat inuiaqatigiinni suliassanut maleruagassat malillugit eqqartuussivinni suliakkiutigineqarsinnaassapput aammalu pinerluuteqarsimasunut suliassatut suliakkiutigineqarsinnaassanatik. Tamatumani inatsimmi § 20, aamma § 55 ilanggullugu, unioqqutitsinerit, pisarnermisut pinerluuteqartunut suliassatut maannakkutut suliarineqartussat ilaatinneqanngillat.

Naammagittaalliuutnik aalajangiisartunik pilersitsineq

Inatsisisssatut siunnersuummi naammagittaalliuutnik aalajangiisartunik (naligiissitaaneq pillugu aalajangiisartut), manna inatsimmi assigiinngisitsinissamik inerteqquteqarnerup unioqqutinneqarnera pillugu naammagittaalliuutnik suliariinnissinnaasunik, pilersitsisoqassasoq siunnersuutigineqarpoq.

Ullumi innuttaasoq Kalaallit Nunaanni assigiinngisitsivigineqarluni misiguni, taamaallaat nalinginnaasumik eqqartuussivinni misiliinissamik periarfissaqarpoq, tassami inatsisini atuuttuni arlaannaannulluunniit attuumassuteqanngitsumik naammagittaalliuutinut, assigiinngisitsineq pillugu suliassanik suliariinnissinnaasumik, aalajangiisartoqanngimmat. . Assigiinngisitsineq pillugu suliaq aatsaat innarliineq inatsisini atuuttuni malittarisassani atuuttuni allassimappat eqqartuussivinni suliarineqarsinnaavoq, assigiinngisitsinerlu inatsisini

atuuttuni allaaserineqanngitsoq suliarineqarsinnaanani. Kisiannili naammagittaalliummi pisortani oqartussat assigiinngisitsinerat pineqarpat, innuttaasoq Inatsisartut Ombudsmandiannut naammagittaalliorssinnaavoq, tassanili taarsiivigineqarnissamut assigiinngisitsinerulluunniit uppernarsarneqarnissaanut periarfissaqanngilaq.

Innuttaasup innarligaasup eqqartuussivinnukarnissaq periarfissatuarimmagu, tamanna naapertuitinngilaq. Innuttaasunummi eqqartuussiviit pisariusarput suleqatigiuminaallutillu. Eqqartuussiviit innuttaasunut amerlasuunut ungasissuupput ecarlutilu iliuuseqarfingeqarfiguminaatsut. Taamaammat Naalakkersuisut, allaffissornikkut naammagittaalliorssamut periarfissamik atuutsitsilernermi, innuttaasut sunniuteqarluarnerusumik inatsisitigut illersorneqarnissaat naapertuttoq isumaqarput.

Taamaammat manna inatsisissatut siunnersuummi siunnersuutaavoq, suliassaqarfinnut suaassuseq, naartuneq, meeravissiartaarneq, erninermi sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnittaaseq, upperisaq imaluunniit upperisaqarneq pissutigalugit assigiinngisitsinissap inerteqqutigineqarnera naapertorlugu illersugaasunut tamanut ataatsimoortumik allaffissornikkut naammagittaalliuutinut aalajangiisartunik (Naligiissitaaneq pillugu aalajangiisartut) pilersitsisoqassasoq. Naligiissitaaneq pillugu aalajangiisartut suliffeqarnermi avataanilu naammagittaalliuutinik suliarinninnissamut piginnaatitaassapput.

Assigiinngisitsinissamut inerteqquteqarneq unioqqutinneqarpat, aalajangiisartut aalajangiisinnaapput taarsiinissamillu akuersisinhaallutik. Aalajangiisartut pilersinneqarnerannut, eqqartuussivimmi suliakkiinngikkaluarlutik, assigiinngisitsinermut naammagittaalliornerup suliarineqarnissaanut innuttaasunut ataasiakkaanut assigiiarnerusumik periarfissaqalersitsinissaq siunertaavoq.

Assigiinngisitsinermut pissutaasunut tamanut aalajangiisartut ataatsimoortut aammattaaq pisut illersuinissamut tunngavissarititaasuni arlalinnik akuutitsiviusut iliuuseqarfingisinnavaat, tassa imaappoq assigiinngisitsinermut tunngavissarititaasut arlallit, assersuutigalugu suaassuseq, sumiuussuseq ukiullu, pissutigalugit assigiinngisitsivigineqarluni inuit isumaqarnerani pisut.

Naammagittaallioroq nammineerluni toqqaannartumik assigiinngisitsinermik kalluarneqarluni (tassa imaappoq inatsisitigut soqtigisat) naammagittaalliuutit aalajangiisartut suliarisinnaavaat aammalu allaffissornikkut naammagittaalliorssamut periarfissaarussimappat, naammagittaalliuutit suliarisinnaallugit. Aalajangiisartut allattoqarfeqassapput, suliassanik piareersaasussamik. Tamatumma kingorna aalajangiisartut ataatsimiinnermi suliassaq suliarissavaat. Aalajangiisartut aalajangiineri allaffissornikkut oqartussamut allamut naammagittaalliuutigineqarsinnaanngillat. Aalajangiisartut aalajangiinerat isumaqatiginngikkaanni, suli eqqartuussivinnukarnissaq periarfissaassaaq.

**Pisortat ataatsimiitaliaanni, siunnersuisoqatigiivini, isumalioqatigiissitaliaanni
assigisaannilu suaassutit katitigaanerat**

Inatsisit atuuttut

Angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi kapitali 3 naapertorlugu, ataatsimiitaliat, siulersuisut il.il. allaffissornermut aamma/imaluunniit teknikkinut tunngassutillet, inatsimmi suaassutsinik katiterinissamut piumasaqaatit avataanniippuit.

Inatsisissatut siunnersuutip imarisai

Siunnersuutaavoq aamma ataatsimiitaliat, siulersuisut il.il. allaffissornermut aamma/imaluunniit teknikkinut tunngassutillet, inatsimmi suaassutsit katitigaanerannut piumasaqaammi pineqartunut ilaatinneqassasut.

Kalaallit Nunaanni naligiissitaaneq pillugu inatsimmi siunertaq naammassiniarlugu, inatsimmi suaassutsit katitigaanerannut piumasaqaatit ataatsimiitalianut il.il. tamanut atuunnissaat aammalu maleruagassanik aalajangersaanermut piareersaasussanuinnaq imaluunniit inuiaqatigiinnut pingaarutilinnut pilersaarusiortussanuinnaq atuutinnginnissaat, pisariaqarpoq. Piumasaqaatit atuuffissaasa annertusitinnerisigut, inatsisip qaqugukkut atuunnera pillugu nalornineq paasiuminaanneralu annikillisinneqassaaq.

Naligiissitaanermut siunnersuisoqatigiit suliassaannik annertusititsineq

Inatsisit atuuttut

Angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersoq naapertorlugu, inatsit inuiaqatigiinni pissusiviusuni qanoq atorneqarnersoq malinnaaffiginissaa, Naligiissitaanermut siunnersuisoqatigiit pisussaaffigaat, ilangullugu pissusiviusuni atuutsitsilerneq qanoq ingerlanersoq.

Inatsisissatut siunnersuut malillugu sammisassanik naligiissitaaneq pillugu paasissutissanik siammerterisussanik aallartitsinissamut, peqatigisaanillu naligiissitaanermi ajornartorsiutinut atuuttunut tunngatillugu oqallitsitsinissamut, Naligiissitaanermut siunnersuisoqatigiit pisussaaffeqarput.

Naligiissitaanermut siunnersuisoqatigiit tamatuma saniatigut siunnersuisartutut atuunnissamik pisussaaffeqarput.

Tamatuma saniatigut suliassat nammineq toqqagassat arlallit inatsimmi aalajangersagaapput. Suliassat nammineq toqqagassat allattorneqarnerat tamakkiisuunngilaq, kisianni Naligiissitaanermut siunnersuisoqatigiit sulinerisa sammivissaanut malittarisassat allassimaannarlutik. Suliassat nammineq toqqagassat ilaanniippoq, Naligiissitaanermut siunnersuisoqatigiit pisortani sullissivinnit suliffeqarfinniillu naligiissitaanermut aallartitanut ikuutissasut.

Naligiissitaanermut siunnersuisoqatigiit aammattaaq naligiissitaanikkut iliuusissanut tunngatillugu oqartussanut assigisaannullu isumassarsianik siunnersuutinillu suliaqarnissaq

toqqarsinnaavaat, taamatullu Naligiissitaanermut siunnersuisoqatigiit ileqqusumik arnat angutillu tamarmik immikkut suliarisartagaannut nuanninngitsunik isummertarnerit sammissallugit toqqarsinnaavaat. Naligiissitaanermut siunnersuisoqatigiit taamatuttaaq pisortani sullissiviit imaluunniit kattuffiit, suaassutsinut attuumassutilimmik persuttaasarnermik akiuniartut suleqatigilernissaat toqqarsinnaavaat, taamatullu Naligiissitaanermut siunnersuisoqatigiit aamma sullivinni naligiissitaanerup siuarsarnissaanut, ilanngullugu naligiimmik aningaasarsiaqarneq periarfissaqarput.

Inatsisissatut siunnersuutip imarisai

Inatsisissatut siunnersuummi Naligiissitaanermut siunnersuisoqatigiit suliassai annertusitinneqarput. Inatsisissatut siunnersuut malillugu Naligiissitaanermut siunnersuisoqatigiit arlalinnik aalajangersimasunik suliassaqarput, peqatigisaanillu taassuma inuiaqatigiinni inissisimanera erseqqissarneqarluni.

Naligiissitaanermut siunnersuisoqatigiit naligiissitaaneq pillugu inatsit aamma assigiinngisitsinnginnissaq, naligiissitaanermut attuumassuteqartoq, qanoq inuiaqatigiinni atorneqarnersoq atuutsinneqarnersorlu malinnaaffiginissaannut suli inatsisissatut siunnersuut malillugu pisussaaffeqarput. Siunnersuisoqatigiit inatsisissatut siunnersuut malillugu, inatsisip tassunga tunngasortaa suliaqarnermi malinneqarnersoq, Naligiissitaaneq pillugu aalajangiisartut sulinerannit tapersorsorneqassapput.

Naligiissitaanermut siunnersuisoqatigiit sammisassanik naligiissitaaneq pillugu paasissutissanik siamarfiusussanik, peqatigisaanillu naligiissitaanermi ajornartorsiutinut attuumassutilinnut tunngasunik oqallitsitsinissamut kiisalu siunnersuisartutut atuunnissamut suli pisussaaffeqassapput. Tamatuma saniatigut inuiaqatigiinni naligiissitaaneq pillugu ilisimasanik katersinissaq, ineriartortitsinissaq paasissutissiinissarlu kiisalu naligiissitaaneq pillugu paasissutissanik tamat malinnaatinnissaat Naligiissitaanermut siunnersuisoqatigiit suliassaraat. Taamaaliornermi tamatigut naligiissitaaneq pillugu ilisimasat, politikkikkut suliniutissanut kiisalu ilisimatusarnikkut suliniuteqarnernut tunngavissatut atorneqarsinnaasut, nutarterneqartuaannarnissaat qulakkeerneqassaaq.

Tamatuma saniatigut suliassat nammineq toqqagassat inatsimmi aalajangersagaasut suli arlaqarput, taakkua aamma isumassarsianik, siunnersuutinik suliniutissanillu inuiaqatigiinni naligiissitaanermut nukittorsaasussanik suliaqarnissamut naligiissitaanermut siunnersuisoqatigiit periarfissaqarnerannik aamma imaqaartilerlugit annertusitinneqarlutik. Suliassat nammineq toqqagassat allattorsimanerat suli tamakkiisuunngilaq, kisianni Naligiissitaanermut siunnersuisoqatigiit sulineranni sammivissamut malittarisassatut allassimaannarlutik. Tamatumunnga siunertaavoq, suliassat inatsisitigut pisussaaffigineqartut naammassereerneranni, suliassat suut Naligiissitaanermut siunnersuisoqatigiit pingaarnersiuinermanni sallitissaneraat malittarisassaqarnissap qulakkeernissaa.

Siunnersuutip atuutilernerani tamatuma saniatigut Naligiissitaanermut siunnersuisoqatigiit ukiut tamaasa nalunaarusiaminnik tamanut saqqummiisassapput.

3. Pisortanut aningaasaqarnikkut allaffissornikkullu kingunerisassai

Siunnersuutip kingunerisaanik pisortani oqartussat assigiinngisitsinnginnissaq naligiissitaanerlu suliassaqarfimminni politikkikkut suliniutissaminnik imaluunniit pisusanut pilersaarutiminnik pilersaarusiorminni ingerlatsinerminnilu atuutsilertussaavaat ilannguttussaallugulu. Inatsisip ataqtigiaissaarneqarnissaata atuutsinneqalernissaatalu qulakkeersinnaanissaat siunertalaralugu naliliutaavoq sulisumik ataatsimik atorfinititsinissaq pisariaqartinneqartoq.

Tamatuma saniatigut naatsorsuutaavvoq, allattoqarfimmik naligiissitaaneq pillugu aalajangiisartunik sullisisinnaasumik, 0,5-imik sulisoqartussamik, pilersitsisoqassasoq imaluunniit annertusititsisoqassasoq.

Ilimagineqarpoq Naligiissitaaneq pillugu Aalajangiisartunik pilersitsinermi aningaasartuutit 250.000 kr.-nik annertussuseqassasut.

Ataatsimut naliliutaavoq inatsisissatut siunnersummi aningaasartuutaanerusussat, naligiissitaaneq pillugu aalajangiisartunut aningaasartuutaanerusussat ilanngulligit, 1,5 mio. koruuninik annertussuseqassasut.

Tamatuttaaq ukioq allortarlugu suaassutsinut agguakkamik aningaasarsianut naatsorsueqqissaarneq pillugu nassuaammik suliaqarnissamut aningaasartuuteqartussaavoq.

Siulersuisuni, ataatsimiititaliani il.il. suaassutsit oqimaaqtigiainnissaat pillugu aalajangersakkat atuuffissaasa annertusitinneqarnerat, pisortanut allaffissornikkut imaluunniit aningaasaqarnikkut kingunerisassaqanngitsoq naatsorsuutaavvoq, tassani siulersuisuni ataatsimiititalianilu annertussusissaliinerit siulersuisunut ilaasortaareersut qinigassangortinneqarnerat ilutigalugu naammassineqartarmata. Taamaalilluni immikkut itumik ataatsimeersuarernernut imaluunniit qinersinernut allatut ittunut aningaasartuuteqarnerulernissaq naatsorsuutigineqanngilaq.

4. Inuussutissarsiortunut aningaasaqarnikkut allaffissornikkullu kingunerisassat

Nalilerneqarpoq inatsisissatut siunnersuut inatsit naapertorlugu politikkinik nutaanik suliarinninnermi inuussutissarsiortunut aningaasarnermi allaffissornermilu ilaatigut kinguneqassasoq.

5. Avatangiisirut, pinngortitamut inuillu peqqissusaannut kingunerisassat

Kingunerisassaqanngilaq.

6. Innuttaasunut kingunerisassat

Inatsisissatut siunnersuutip assigiinngisitsinissamut illersuineq annertusitissavaa kiisalu naammagittaalliorissaanaaneq malittaasoq, innuttaasunut assigiinngisitsinermut tunngavissarititaasuni assigiinngitsuni pineqartunut ilaatinneqartunut allaffissornikkut pitsaasunik kinguneqassasoq naliliisoqarluni. Tamanna innuttaasut inatsisitigut isumannaatsuunerannik pitsanngorsaavoq.

7. Kingunerisassat annertuut allat (naliqissitsinermut tunngasunut kingunerisassat)

Inatsisisatut siunnersuutip, innuttaasunut iluaqtaasumik, Kalaallit Nunaanni assigiinngisitsinissamut illersuineq pitsanngorsassavaa ersarissassallugulu.

Kinguaassiutitigut sammivik, suaassutsini kinaassuseqarneq, suaassutsimik takutitsineq aamma suaassutsit ilisarnaataat pissutigalugit suliffeqarnerup iluani avataanilu assigiinngisitsinissamut assigiissaartumik ersarissumillu illersuisoqanngimmat, ataasiakkaat inatsimmik pisinnaatitaaffimminillu paassiumaatsitsisinnaanerat tamatuma sunniutigisinnaavaa. Peqatigisaanik assersuutigalugu tamatuma suliffeqarnermi imaluunniit nalinginnaasumik inuiaqatigiinni pinera apeqqutaanani, inuit suaassusivimminik atuinngitsut imaluunniit suaassuseqatiminoortut nakkarsarneqarlutik pinerlineqarnissaat imaluunniit assigiinngisitsiviginissaat inerteqqutaasoq, inatsimmi assigiissaartumik ersarissumillu oqariartutigineqanngilaq. Tamanna tunngavigalugu naliliutaavoq, inatsisisatut siunnersuut LGBTI-nut naliqissitaanikkut pitsasunik sunniuteqassasoq, tassami inatsisisatut siunnersummi aalajangersarneqarmat kinguaassiutitigut sammivik, suaassutsini kinaassuseqarneq, suaassutsimik takutitsineq aamma suaassutsit ilisarnaataat pissutigalugit inuup assigiinngisitsivigineqarnissaa inerteqqutaasoq.

Naartuneq, meeravissiartaarneq, ernereernerme sulinngiffeqarneq, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnittaaseq, upperisaq imaluunniit upperisaqarneq tunngavigalugit assigiinngisitsinissaq inerteqqutaasoq inatsisisatut siunnersummi aamma aalajangersarneqarmat, naliliutaavoq siunnersuut taamatuttaaq taakkununnga pitsasunik sunniuteqassasoq.

Tamatuma saniatigut inatsisisatut siunnersuut sunniuteqarluartumik inatsimmi illersuinermut atuutsitsinermullu iluaqtaassaaq, tassami Naliqissitaaneq pillugu aalajangiisartunut naammagittaallior sinnaatitsisoqarmat.

8. Oqartussanut kattuffinnullu il.il. tusarniaaneq

Naliqissitaaneq assigiinngisitsinnginnissarlu pillugit Inatsisartut inatsisiaattut ulloq 26.05.2023 tusarniaassutigalugu nassiunneqarpoq, ulloq 27.06.2023 tusarniaanermut akissuteqarnissamut killigitinneqarluni. Siunnersuut peqatigisaanik tusarniaanermut nittartakkami tamanut saqqummiunneqarpoq.

Tusarniaanermut allakkat inatsisisatullu siunnersuut kiisalu nassuaatitai oqartussanut kattuffinnullu makkununnga tusarniaassutigalugit nassiunneqarput:

Siulittaasup Naalakkersuisoqarfia, Nunanut Allanut, Inuussutissarsiornermut Niuernermullu Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut Suliffeqarnermullu Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Aatsitassanut Inatsisillu Atuutsinneqarnerannut Naalakkersuisoqarfik, Nunalerinermut, Imminut

Pilorsornermut, Nukissiuuteqarnermut Avatangiisinullu Naalakkersuisoqarfik, Ineqarnermut Attavilersuutinullu Naalakkersuisoqarfik, Meeqyanut, Inuusuttunut Ilaqtariinnullu Naalakkersuisoqarfik, Peqqissutsimut Naalakkersuisoqarfik, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, SIK, GrønlandsBANKEN, BankNordik, KNI A/S, Sulisitsisut, SISA, Kalaallit Nunaanni Naligiissitaanermut Siunnersuisoqatigiit, Kalaallit Nunaanni Inuit Pisinnaatitaaffiinut Siunnersuisoqatigiit, Kalaallit Nunaanni Meeqqat Pisinaatitaaffiinik Suliaqarfik MIO, Innarluutillit Oqaaseqartartuat Tilioq, Utoqqaat Oqaaseqartartuat, Kalaallit Nunaanni Pinerlitsaliuinermut Siunnersuisoqatigiit, Akademikernes Sammenslutning i Grønland, LGBTQ+ Greenland+, Sipineq+, Arbejdstilsynet i Grønland, Center for Arbejdsskader, ICC Greenland office,, Nunatsinni Advokatit, Kalaallit Nunaanni Eqqartuussiveqarnermut Siunnersuisoqatigiit, Kalaallit Nunaanni Politiit, Kalaallit Nunaanni Eqqartuussivik, Kalaallit Nunaanni Pinerluttunik Isumaginnittooqarfik, Inatsisartut Allattoqarfiat, Nakorsaaneqarfik, Inatsisartut Ombudsmandiat, Pisassarfik, Pituffimmi Innuttaasut Siulersuisui, Københavnimi Kalaallit Illuat, Biskoppeqarfik, Royal Greenland A/S.

Tusarniaanermi allakkiaq pillugu ilanggussaq 1 innersuussutigineqarpoq.

Siunnersummi aalajangersakkanut ataasiakkaanut nassuaatit

§ 1-imut

Aalajangersakkami inatsisip siunertaa nassuiarneqarpoq.

Assigiinngisitsinermut taaguutip inaarutaasumik nassuaassuserneqarnissaa siunertaanngilaq, tassami taaguut ineriaartortuarmat. Assigiinngisitsinermut taaguutip atituumik paasineqartussaanerani aammalu assigiinngisitsinnginnissap, siunertamut aalajangersakkami siunnersuutigineqartup, suliaqarfingineqarnerani, ajornartorsiutit nutaat siunissami inatsimmi ilaatinneqarsinnaanissaat qulakkeerneqassaaq.

Ukiut pissutigalugit assigiinngisitsinissap inerteqqutigineqarneranut tunngatillugu oqaatigineqassaaq, inerteqquteqarnermi naleqqutinngitsumik tunngavissaqanngitsumillu assigiinngisitsinerup ukiut pissutigalugit pisup pinissaa siunertaammat. Inuaqatigiinni ukiunut killigititaasorpassuit tunngavissaqarput.

Kisiannili § 1-imi assigiinngisitsinerup qanoq paasineqarnissaanut tunngaviit aalajangersimapput. Taamaalluni assigiinngisitsinerup qanoq paasineqarnissaanut tunngaviit nutaat pillugit inatsimmi naleqqussaanissaq pisariaqarpoq.

§ 2-mut

Imm. 1-imut

Aalajangersakkami inatsisip atuuffissaa nassuiarneqarpoq. Inatsit inuaqatigiinnut tunngasunut tamanut atuuppoq. Assigiinngisitsineq inuaqatigiinni sumiluunniit pisarmat, assigiinngisitsinissamut illersuineq, assersuutigalugu suliffeqarnermiinnaq atuuttussanngorlugu killilerneqassappat, tamanna naapertutissanngilaq.

Imm. 2-mut

Siunnersuutaavoq maleruagassap imm. 2-ani inatsit namminerisamut inuunermut, tassunga ilanngullugu ilaqtariittut inuunermut, atuutissanngitsoq.

Inatsit inuit namminerisaminnik inuunermi ingerlatsinernut atuutissanngitsoq aalajangersakkami imm. 2-kkut siunnersuutigineqarpoq.

Aalajangersakkami tassani inuit namminerisaminnik inuunerisa mianerineqarnissaa takutinneqarpoq.

Ingerlatsineq namminerisamik inuunermi ingerlatsinerunersoq nalilersorneqassappat, ingerlataq pineqartoq tamanut tunngatinneqarnersoq taamaannginnersorluunniit isumaliutigineqartariaqarpoq. Taamaattoqarpat ingerlatap namminerisamik inuunermi ingerlataannginneratut isumaqassaaq. Tamat imatut paasineqassaaq, inuit

aalajangersimanngitsumik amerlassuseqartut. Akerlianik ilimagineqarpoq, ingerlatani inunnik attaveqarfigisanik akuutitsiviusuni, namminerisamik inuunermi ingerlatsineq pineqartoq. Namminerisamik inuunermi ingerlatanut assersuutitut taaneqarsinnaapput, ikinngutit peqatigisartakkalluunniit toqqakkat, nammineq pigisanik atukkiussineq, tunissutit kingornussitsinerillu.

Akerlianik tamanut ingerlatsineq pisortani oqartussaasunit, inunnit ataasiakkaanit, inuttut isigineqartunit, soorlu suliffeqarfinnit, aaqqissuussaanersoq apeqqutaatinnagu namminerisamik inuunermi ingerlatsinerussanngilaq. Taamaalilluni taamatut pisoqarnera assigiinngisitsinermik inerteqquteqarnermut ilaassaaq.

Imm. 3-mut

Inatsisini allani malitassaniluunniit allani pitsaanerusumik illersuisoqanngippat inatsit atuuppoq.

§ 3-mut

Imm. 1-imut

Aalajangersakkami aalajangersarneqarpoq inatsit allanit atorunnaarsinnejarsinnaanngitsumik illersuisussaasoq. Tamatuma malitsigisaanik inuk kinaluunniit inatsimmi pineqartunut ilaatinneqartoq, minnerpaamik inatsit malillugu illersorneqarnissamut pisinnaatitaaffeqarnerminullu pisinnaatitaasoq. Aalajangersakkami siunertaavoq aamma, inuk inatsisisstatut siunnersuut manna malillugu pineqarsimanngitsoq, nipangiinnarnermini imaluunniit erseqqissumik oqaatigalugu piginnaatitaaffiminik atuerusunngitsoq, akerliliissuteqarnissanik pitsaaliuinissaq.

Aalajangersakkap atuunnerani ilaatigut, sulinermik inuussutissarsiuteqartup piffissami aalajangersimasumi naligiimmik aningaasarsiaqarsimannginnera, nipangiinnarluni imaluunniit erseqqissumik oqaatigalugu naligiimmik aningaasarsiaqarnissamut pisinnaatitaaffiminik atuerusunnginneratut, nassuiarneqarsinnaanngilaq. Pineqartoq aningaasarsiat assigiinngissuteqarnerannut iliuuseqannginnera apeqqutaatinnagu, tamanna atuuppoq.

Imm. 2-mut

Imm. 2-mi aalajangersakkat inatsimmiq unioqqutitsisut atuutinngitsut erseqqissarneqarpoq. Aalajangersakkap isumaqatigiissummi qanoq inneraluunniit apeqqutaatinnagu tamanna pissaaq. Isumaqatigiissutip atorunnaarneranik aalajangersagaq malitseqanngilaq. Aalajangersakkat ataasiakkaaginnaat, inatsimmut akerliusut, atuutinngillat.

Assersuutigalugu sulinermut, aningaasarsianullu atugassarititaasut aamma atugassarititaasut piffissamut suliffiusussamut tunngassuteqartut amerlanertigut sulisartut isumaqatigiissutaanni maleruagassiivigneqarput. Sulisartut isumaqatigiissutaanni aalajangersakkat inatsimmiq unioqqutitsisut, atuutinngillat.

§ 4-mut

Aalajangersagaq toqqaannartumik toqqaannanngitsumillu assigiinngisitsinermik inerteqquteqarnermik imaqarloq. Tamatuma saniatigut inatsimmi assigiinngisitsinermut tunngavissarititaasut aalajangersakkami allattorneqarput. Allattukkat tamakkiisuupput.

Tunngavissaqanngitsumik assigiinngisitsineq tassaavoq, inuup inuit allat inissisimaffeqataannit tunngavissaqanngitsumik ajornerusumik pineqarnera.

Suaassuseq paasineqassaaq inuup inatsisitigut suaassusaa. Maanna Kalaallit Nunaanni angutitut imaluunniit arnatut inatsisitigut suaassuseqartoqarsinnaavoq, kisianni siunissami inatsisitigut allanik suaassusertaqlissappat, aalajangersagaq itisilerneqarsinnaavoq.

Suaassutsit ilisarnaataat tassaavoq ersiutit imaluunniit ilisarnaatit suaassutsinut assigiinngitsunut ilisarnaataasut immikkoortitsisullu.

Kinguaassiutitigut sammivik tassaavoq inuup suaassuseq(-tsit) suut kinguaassiutitigut soqutigisarinera aamma/imaluunniit asannilluni misigissutsini sorlernut sammitinnerai. Inatsimmi, suaassuseqatigiinnoortuuneq, suaassuseqatiginngisamoortuuneq aamma suaassutsinut tamanoortuuneq ilaatinneqarput. Kinguaassiutitigut sammivimmi kinguaassiutitigut sammivik aamma kinguaassiutitigut atueriaaseq ilaatinneqarput. Oqaatsimi immikkut kinguaassiutitigut salliutitsinerit imaluunniit sammisaqarnerit ilaatinneqanngillat, soorlu assersuutigalugu fetichisme imaluunniit sadomasochisme.

Suaassutsini kinaassuseqarneq tassaavoq inuup suaassutsimini nammineq misigisimanera. Suaassutsini kinaassuseqarneq suaassusiviusumut naapertuussinnaavoq imaluunniit naapertuunnani.

Suaassutsimik takutitsineq tassaavoq, inuk kajumilluni kajuminanniluunniit pissusilersornermigut, atisalorsoriaatsimigut, isikkumigut, oqaatsimigut il.il. qanoq malunnartitsisarnersoq.

Erninermi sulinngiffeqarnermi eqqarsaatigineqarput, tamanna pillugu malittarisassat qaqugukkulluunniit atuuttut. Naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaat nr. 5, 24. november 2020-meersoq maannakkut atuuppoq. Taamaalilluni inuit erninermi sulinngiffeqartut amerlinissaat inatsisisstatut siunnersummi siunertaanngilaq.

Inuiaassutsimi suminngaanneerfik tassaavoq ilaatigut inunngorfik, peroriartorfik il.il. Tassani inuiaassuseq aamma innuttaassuseqarneq pineqanngillat, taamaattumik taakkua pineqartunut ilaatinneqaratik.

Inuiaassuseqarneq tassaavoq ilaatigut sumiuussuseq, ammip qalipaataa aamma oqaatsit. Oqaatsimi inuiaassuseqarneq, aamma pissutsit allat assersuutitut taaneqartunit allaanerusut ilaatinneqarsinnaapput, taamaalillunilu tamanna suli ilaartorneqarsinnaavoq.

Ammip qalipaataa tunngavigalugu assigiinngisitsivigineqartoq assersuutigalugu Kalaallit Nunaata kulturianut assinganik ilaalluni misigigaluartoq, assigiinngisitsisup pineqartoq kalaallisunngitsoq allatulli inuiattut tunuliaquteqartoq misigisinnavaoq. Naalagaaffimmi innuttaassuseqarneq sumiuussutsimi pineqartunut ilaatinneqanngilaq aammalu naalagaaffimmi innuttaassuseqalernissamut imaluunniit nunamiinnissamut akuerineqarnissamut piumasaqaatit aalajangersarneqarneranni, taamaalilluni inatsit malillugu toqqaannartumik assigiinngisitsinertut naatsorsunneqanngilaq.

Sulisitsisoq atorfimmik inuttassarsiornermut atatillugu qinnuteqartup oqaatsinik piginnaasaqarneranut piumasaqaateqarpat, tunngavissalimmik siunertanik kinaassusersiunngitsumik tunngavilersorneqanngitsunik, imaluunniit tamatuma naammassinissaanut aningaasassat naapertuugatik pisariaqaratillu, toqqaannanngitsumik assigiinngisitsisoqarsinnaavoq. Oqaatsit pillugit taamatut piumasaqaateqarnermi qinnuteqartunut oqaatsit pillugit piumasaqaatinik eqqortitsinngitsunut assigiinngitsitsisoqassaaq.

Innarluuteqarneq isumaqarpoq, timikkut, tarnikkut, sianissutsikkut misigisaatsikkulluunniit piujuartumik piginnaasakinneq, inuiaqatigiit inuuneranni aporfait assigiinngitsut ilanngullugit allat naligalugit tamakkiisumik peqataanissamut akornutaasut.

Manna inatsit innarluuteqarnermi assigiinngisitsinermut atutissappat, innarluut uppernarsarneqassaaq. Tamanna soorlu nakorsap allagarsiussaatigut, ikiorsiissutinut aningaasaliissutit uppernarsarneratigut, peqqinnissaqarfimmit imaluunniit peqqissaasunit uppersarneratigut pisinnaavoq.

Assigiinngisitsinissap inerteqqutigineqarnerani, pissusiviusuni inuit assigiinngisitsinermut tunngavissarititaasut ilaanniillutik pisut kisimik pineqaannangillat, kisianni aamma inuup taamaassorseqarluni, taamaassimasorseqarluni imaluunniit taamaaliniarluni pisoqarneri aamma pineqarlutik. Inuk assersuutigalugu arnaqatiminoortuusoq ilimagineqarnera pissutigalugu assigiinngisinneqarpat, tamanna pissusiviunersoq tamaannginnersorluunniit, naliliinermut tassa attuumassuteqanngilaq.

Imm. 2-mut

Toqqaannartumik assigiinngisitsisoqarsimassaaq, inuk assigiinngisitsinermut tunngavissarititaasut ataatsit arlallilluunniit pissutigalugit, allap taamaaqataanik inisisimasup pineqarsimaneranit imaluunniit pineqartussaagaluarneranit, ajornerusumik pineqarpat. Toqqaannartumik assigiinngisitsinermi ilaatinneqarput aalajangiinerit, iliuuseqarnerit, iliuuseqannginnerit, tunngavilersuuteqarnerit il.il.

Nassuaassut malillugu assigiinngisitsisoqarnermik nalilersuineq pissaaq, inuk innarligaalluni misigisimasoq, inuup assigiinngisitsinermut tunngavissarititaasuni taakkunani ilaatinneqanngitsup taamaaqataanik inisisimanermini qanoq pineqarneranut imaluunniit pineqartussaagaluarneranut, sanilliussinikkut.

Toqqaannartumik assigiinngisitsinermut assersuutaasinnaavoq, atorfimmut qinnuteqartoq piukkunnassuseqartoq, assersuutigalugu innarluuteqarneq, kingoqqiffik imaluunniit kinguaassiutitigut sammivik pissutigalugit itigartinneqartoq.

Toqqaannartumik assigiinngisitsinissap inerteqqutigineqarnerani aamma iliuuseqannginnerit pineqartunut ilaatinneqarput. Tassa imaappoq, assigiinngisitsineq pillugu apeqqutinik qaqsitsinnaanissamut iliuuseqarnissaq piumasaqataanngitsoq. Taamatut iliuuseqannginnermut assersuutigineqarsinnaavoq, sulisartoq innarluutilik, innarluuteqarnini pissutigalugu suliffissarsortutut oqaloqatigineqartussatut aggersarneqanngippat.

Imm. 3-mut

Toqqaannanngitsumik assigiinngisitsinermi pissutsit, iliuutsit, iliuuseqannginnerit, tunngavilersuutit il.il. arlaannaannulluunniit tunngatinneqanngitsut, kisianni inunniq aalajangersimasumi inisisimaffilinnik, allanit taamaaqataanik inisisimasunit, ajornerusumik pineqarnerit ilaatinneqarput. Pisup sunniutaa assigiinngisitsinermut tunngavissarititaasut inatsimmi taaneqartut pissutigalugit assigiinngisitsinermik malitseqassappat, suleriaatsimut pineqartumut il.il. suna pissutaanersoq apeqqutaanngilaq.

Toqqaannanngitsumik assigiinngisitsinermut assersuutitut taaneqarsinnaavoq atisalorsornermut maleruagassaq, nasartaateqarnissamik inerteqquteqarfiusoq, taamaalillunilu pisumi aalajangersimasumi taamatut inerteqquteqarnissamut tunngavissalimmik naleqquttumillu tunngavilersuutissaqanngikkaluartoq, toqqaannanngitsumik upperisamut tunngasumik nasartaateqarnissamik inerteqquteqarfiusoq.

Aalajangersakkami naggat kingulleq pissutsinik imminnut atasunik nalilersuinermik imaqrpoq. Tamassuma kinguneraa siunertap pineqartup akuerisaaneranik aningaasallu siunertamut naleqqunnersut nalilersuineq apeqqutaasut. Ataatsimut isigalugu imminnut atasunik nalilersuinermi toqqaannanngitsumik assigiinngisitsineq pinnagu toqqaannartumik assigiinngisitsinerup akuerinissaanut tunngavissaqarluassaaq.

Aalajangersakkami soraarummeernernut, ataatsimiinnernut il.il. oqaatsit aalajangersimasut atorneqarnissaannik piumasaqateqarsinnaanermut atatillugu piumasaqateqartoqanngilaq. Allamiut oqaasiinik kalaallisut elektroniskinnorlugu nutserinissamut periarfissat ineriartortinneqartillugit, § 4-mi malitassap atorunnaarsinnissaa pissusissamisuussaaq, kisiannili pissutsini isumalluutillu tamaviaarnartut taamatut piumasaqarnermut atasut pissutigalugit, aalajangersakkami taamatut piumasaqateqarnissamut maannakkut aallaaviusumik akerliussaaq.

§ 5-imut

Imm. 1-imut

Aalajangersakkami nakkarsaanerit aamma kinguaassiutitigut innimiilliiornerit suulluunniit pineqartunut ilaatinneqarput, soorlu oqalulluni, oqalunnani, digitalinngorlugu timikkullu pissusilorsorluni. Ataatsimoorluni nakkarsaaneq kinguaassiutitigullu pinngitsaaliiinarneq aamma aalajangersakkami pineqartunut ilaatinneqarput. Inuup taamatut pissusilorsornermik

akuersinnginnera imaluunniit akuersaarnera aallaavigalugu ajornerusumik pineq, aamma uumisaarinertut isigineqarpoq.

Oqaaseqarmerit apeqqutillu assersuutigalugu oqalulluni pissusilersornerusinnaapput. Oqalunnani pissusilersorneq tassaavoq, assersuutigalugu assinik takutitsineq. Kuninneq, attuualarneq assigisaanilluunniit allatigut iliuuseqarneq, timikkut pissusilersornermi pineqartunut ilaapput.

Piaaraluni nakkarsaaneq, inuup naleqassusaanik innarliinissamik siunertaqartoq, taamatullu piaarinani nakkarsaaneq, tassa imaappoq mianersuaalliorluni nakkarsaaneq, inuup naleqassusaanik innarliinissamik siunertaqanngitsoq, kisianni taamaattoq taamatut sunniuteqartoq, aalajangersakkami pineqartunut ilaatinneqarput.

Imm. 3-mut

Illuatungeriit pisumit paasinninnerat assigiinngitsorujussusoq, kinguaassiutitigut innimiilliorneq pillugu suliani ilisarnaataasarloq. Innarliisumik pissusilersornerminut (kissaatigineqanngitsumik) tunngatillugu ajunngitsumik isumaqarluni, amerlanertigut innarliisoq imminut illersorniartarpoq. Kingulleq taanna ilaatigut amerlanertigut, sullivanimi pineqartumi nalinginnaasumik ilagisartakkat persuarsiorfiunngitsoq assigisaaluunniit, nassuaatigineqartarpoq.

Kinguaassiutitigut innimiilliorneq pillugu suliassani ilisarnaataasartoq alla tassaavoq, takunnittoqarsimancerata qaqtigoortuuusarnera.

Uppernarsaatissanik nalilersuinermi suliassani taakkunani pisartumi, taamaalilluni pisut (nassuaatigineqarajuttut), innarligaasup saqqummiussinnaasai, aallaavigineqartarput. Innarligaasup oqaatigisai ilimanaateqalersinnejarsimanersut nalilersorneqarnerani, pisimasut annertuumik pingaartinneqartussaapput, tamatumalu suliani allani pisartutut pisarnera qaqtigoorpoq.

Kinguaassiutitigut innimiilliornermi pissusilersornerup pineqartup kissaatigineqanngitsumik kinguaassiutinut tunngatinneqarsimanera pingaartinneqassaaq. Tassa imaappoq, pissusilersorneq pineqartoq innarligaasumut qanoq sunniinersoq aalajangiisuuvooq aammalu innarliisup qanoq siunertaqarnera aalajangiisuunani. Ataasiakkaat inuttut killissai aallaavigalugit ataasiakkaatigut nalilersuisoqassaaq. Taamaattoq iliuuseqartoqarsimassaqaq, taannalu kissaatigineqanngitsutut misigineqarsimassaalluni. Kinguaassiutitigut innimiilliorneq pisimandersoq nalilersuinermi innarliinerup annertussusaa, inuup innarligaasup tungaanit iliuuseqannginnejq innarliisullu ajunngitsumik isumaqarnera il.il. aamma ilanggullugit isiginiarneqassapput.

§ 6-imut

Inuup assigiinngisitsinermut tunngavissarititaasut inatsimmi taaneqartut pissutigalugit immikkoortinnissaanut imaluunniit nakkarsarneqarnissaanik ilitsersuinermi taamatuttaaq

inatsimmi assigiinngisitsinissamik inerteqquteqarneq atuuttoq, aalajangersakkami erseqqissarneqarpoq.

§ 7-imut

Assigiinngisitsineq pillugu inatsimmi aalajangersakkanik unioqqutitsinermut assigiinngitsutigut peqataanerup maleruagassiiivigineqarnissaa qulakteerniarlugu, Peqataanissap inerteqqutigineqarnera inatsimmi ilaatinneqarpoq, aamma taakkua assigiinngisitsinissap inerteqqutigineqarnerini allatigut oqaasertaanni ilaatinneqanngikkaluarpataluunniit.

Assigiinngisitsinermut peqataaneq uppernarsaanissaq pillugu maleruagassat assinginik atuutsitsilertussaavoq aammalu assigiinngisitsinissap inerteqqutigineqarnerpiaatut pineqaatissiinissamut tunngavissiisinhaalluni.

Inatsisitigut isumannaatsuunissap mianerineqarnissaa pissutigalugu, peqataaneq assigiinngisitsinermik kinguneqartussaasoq, peqataasup ilisimasimasariaqarlugu imaluunniit ilisimasariaqarluarlugu pisoqarnerinut, peqataanermut aalajangersagaq malillugu akisussaaffeqarneq killilerneqarpoq. Aammattaaq piumasaqaataavoq peqataaneq assigiinngisitsinerup pinissaanut pisariaqarsimassasoq.

Assigiinngisitsinermut peqataaneq pineqassappat ajortumik sunniuteqartumik takuneqarsinnaasumik sunniuteqassaaq. Assersuutigalugu sulisussarsiortarfiup inuup tarnikkut ajuuteqarnera pillugu paasissutissiissutigippagu, sulisitsisup sulisussassiornermi paasissutissat taakku pingartinngippagit peqataanissamut inerteqquteqarnerup unioqqutinnejnarnera pineqassanngilaq. Tassa assigiinngisitsinermut peqataasoqartoqarsimaneranik oqartoqassappat, assigiinngitsitsivittoqarsimassaaq akornusersuivittooqarsimassalluniluunniit.

§ 8-mut

Imm. 1-imut

Assigiinngisitsineq aalajangersagaq manna malillugu inatsimmik atuutsitsilissaq, taanna tunngavissalimmik siunertaqarnermi kinaassusersiunngitsumik tunngavilersugaappat aammalu tamatuma naammassinissaanut aningaasassat naapertuuppata pisariaqarpatalu. Aalajangersakkami assigiinngisitsinerup inatsimmik naammassinninnissaanut, piumasaqaatit annertusiartortut tamarmik naammassineqartussat pingasut, aalajangersakkami aalajangersarneqarput. Taamaalilluni tassani pineqarpoq ataasiakkaatigut nalilersuinissaq, ataasiakkaat assigiinngisitsinnginnissamut illorsorneqarnissamik soqtigisaqarnerat pisariaqartitsinerallu, assigiinngisitsinermut tunngavilersuutaasumut sanilliullugu oqimaaqatigiissaarneqassalluni.

Inatsimmik naammassinnittumik siunertaqarneq sullivimmi assersuutigalugu tassaasinnaavoq eqqiluisaarnissamut isumannaallisaanermullu piumasaqaat imaluunniit ilisarnartuunissaq

pillugu piumasaqaat, tassani assigiinngisitsinissamut tunngavissalimmik naleqquttumillu tunngavilersuutissaqarluni.

§ 4 apeqquaatinngagu, soraarnerussutisialinnut imaluunniit innarluuteqarnermut ikiorserneqarnissamut, isumaginninnermi isumannaallisaatinut inuussutissarsiornermut attuumassutilinnut ilaatinneqartumut, periarfissaqarnermut imaluunniit pisinnaatitaateqarnermut ukiunut killiliussanik aalajangersaanissamut, imaluunniit aaqqissuussinerit taakkua killissaasa iluanni naatsorsuinerni ukiunut tunngavissarititaasunik peqqissuserlu pillugit paasissutissanik atuinissamut, inatsit manna akornusiinngilaq.

Imm. 2-mut

§ 4 apeqquaatinngagu, oqaatsinut piumasaqaatinik aalajangersimasunik aalajangersaanissamut inatsit manna akornusiinngilaq, assersuutigalugu qinnuteqartoq atorfinititsinermi kalaallisut oqalussinnaassasoq.

§ 9-mut

Imm. 1-imut

Aalajangersakkami naligiinnginnerit atuuttut naligiilersinnissaannut eqimattani ataasiakkaani pitsaasumik immikkut pineqarnissamut periarfissaqarneq maleruagassiiffigineqarpoq. Pitsaasumik immikkut iliuusissat, tamatumunnga siunertaasup naammassineqarnissaata tungaanut, atuutsinneqarsinnaassapput.

Assersuutigalugu inuuusuttunut utoqqalinersiutilinnulluunniit ukiuinut aalajangersimasunut akikillisaanerit, immikkut ajunngitsumik pineqarnertut isigineqassapput.

Siulersuisuni suaassutsit katitigaanerat pillugu maleruagassat pitsaasumik immikkut pinermet assersuutissaapput.

Imm. 2-mut

Iliuutsit aalajangersimasut imm. 1 naapertorlugu aallartinneqartut, taamaallaat iliuutsimi siunertap eqqortinnissaata tungaanut attatiinnarneqassapput. Iliuutsit tamatuma kingorna attatiinnarneqarpata assigiinngisitsisoqartoq oqartoqarsinnaavoq.

§ 10-mut

Aalajangersakkami sullissinerit inunnut aalajangersimasumik suaassusilinnut tunngatinneqarpata assigiinngisitsinissamut inerteqquteqarnerup atuutinnginnissaa malittarisassiorneqarpoq.

Qimarnguiit suaassutsinut aalajangersimasunut tunngatinneqartut imaluunniit sullissinerit taamaallaat suaassutsinut aalajangersimasunut tunngatillugit sullissinernut suaassuseq malillugu timersornermi ingerlatsinerit timersornermiluunniit pissutsit

immikkoortitaarnerannut assersuutaapput, akuerisaasumillu siunertaqarnermik tunngaveqarlutik, tamassumunngalu atorneqartut siunertap taassuma eqqortinnissaanut atorneqartut naleqquttuullutik pisariaqartuullutillu.

§ 11-mut

Aalajangersakkami sulisup upperisaa upperisarluunniit suliffeqarfimmut pingaaruteqartutut isigineqartillugu assigiinngisitsinissamut inerteqquteqarnermi atuutinnginnera malittarisassiorneqarpoq. Suliffeqarfiup upperisami isummap upperisalluunniit sammiviata aalajangersimasup siuarsarnissaanik siunertaqartuunissaa piumasaqaataavoq.

Assersuutigalugu upperisarsiornermi ingerlatsivik sulisut ingerlatsivimmi suliassanik pingaarnernik suliaqartut upperisassiornermi assigiimmik isiginneriaaseqarnissaannik piumasaqarpak akuerisaavoq. Taamaalilluni palasitut atorfimmik qinnuteqartup ilagiinni ilaasortaanissaanik imaluunniit imamip islamimik upperisaqarnissaanik piumasaqarneq assigiinngisitsinerunngillat.

§ 12-imut

Ukioqassuseq pissutigalugu assigiinngisitsinissamut inerteqquteqarneq ingerlalluartunik suliffeqarfegarnissamut pingaaruteqarpoq. Kisiannili pisut ilaanni ukiut pissutigalugit assigiinngisitsisoqarsinnaavoq, taamaammallu immikkut aalajangersagaqarnissaanik piumasaqaataalluni. Tamassumunnga assersuutissat tassaapput:

- Tamanut atuuttunik isumaqtigiiissutini aamma sulisut kattuffiisa sulisitsisullu isumaqtigiiissutaanni ukiunik killiliinermi, ukiut killingi taakku assigiinngisitsissutaassanngillat akuerisaasumillu siunertaqarnermik tunngavilersorluarneqarlutik tamassumunngalu atorneqartut siunertap pineqartup eqqortinnissaanut naleqquttuussapput pisariaqarlutillu;
- Atorfinitssinermut, akissarsianut soraarsitsinermillu tunngatillugu isumaqtigiiissutini aamma sulisut kattuffiisa sulisitsisullu akornanni isumaqtigiiissutini tamanut atuuttuni inuuusuttut 18-it inorlugit ukiullit pillugit malittarisassat immikkut ittut. Inuuusuttut 18-it inorlugit ukiullit taamaallaat aamma ukiutik pissutigalugit suliani assigiinni sulisunit inersimasunit appasinnerusumik akissarsiaqarsinnaapput.
- Atorfinitssinermut, akissarsianut soraarsitsinermillu tunngatillugu inuuusuttut 15-iy inorlugit ukiullit pillugit malittarisassat immikkut ittut atorfefarneq isumaqtigiiissutini tamanut atuuttuni aamma malitarisassaqartinneqanngippat.
- Inuttut atukkatigut isumannaallisaanermut aaqqissuussinernut tunngatillugu ukiut killingi, ilaatigut suliffeqarnermi soraarnerussutisiat tjenestemanditullu soraarnerussutisiat, aamma aaqqissuussinernut taakkununnga sinaakkutit iluanni sillimmatinik naatsorsuinermi ukioqassutsimut tunngaviup atorneqarnera.

Ukioqassutsimik tunngavimmik atuineq siuaassuseq pissutigalugu assigiinngisitsinermik kinguneqassanngilaq.

Toqqaannginngitsumik assigiinngisitsinermut sanilliullugu tooqqaartumik assigiinngisitsinerup naapertuulluartuuneranut ataatsimut isigalugu pissutissaqarluassaaq.

§ 13-imut

Pisortani oqartussat aalajangersagaq manna malillugu iliuuseqarlutik naligiissitaanerup siuarsarnissaanut aammalu assigiinngisitsinerup akiorniarnissaanut, pisussaaffeqarput. Pisussaaffeqarnerup atuunnerani pisortani oqartussat akisussaaffeqarfiup iluanni inatsimmi siunertaq naammassiniarlugu iliuuseqarlutik, siunnerfilimmik tulleriissaartumillu periaaseqarlutik sulissutiginnissapput.

Suliniutissat suut ingerlatissallugit naleqqunnersut naapertuunnersllu, pisortani oqartussat suliassaqarfinni ataasiakkaani pisunik ilungersunartunillu misissueqqissaarneq aallaavigalugu nammineerlutik naliliiffigissavaat.

Erseqqissarneqassaaq, pisortani oqartussat suliaqartuusut naligiissitaanermik assigiinngisitsinnginnissamillu suliaqarnermut akisussaasuusut arlallit ilagiinnarmagit.

§ 14-imut

Aalajangersakkami, assigiinngisitsinermut tunngavissarititaasut manna inatsimmi pineqartunut ilaatinneqartut tamaasa pillugit sulisitsisunut tamanut nalinginnaasumik ingerlataqarnissamut pisussaaffeqarneq, inatsimmi aalajangersarneqarpoq. Inatsimmi pisortani taamatullu namminersortuni sulisitsisut qanorluunniit ittut tamarmik ilaatinneqarput, taakkua tamanut iluaqutigineqartussatut kattuffiineersut, nammineq kajumissutsiminnik sulinersut, peqatigiiffiunersut allatulluunniit iluseqarnersut apeqquataatinnagu.

Sulisitsisut ingerlataqarnissamut pisussaaffeqarnerannik naammassinninneq, suliassaqarfimmi oqartussap akisussaasuusup ilitsersuineratigut ilisimasanillu paasissutissiarneratigut qulakkeerneqassaaq.

Sulinerup ilaqtariillu inuunerisa ataatsimoortinneqarnerisa oqimaaqatigiissinnera sulisitsisut sulisullu akornanni oqaloqatigiinnikkut aalajangerneqassaaq.

§ 15-imut

Aalajangersakkami, assigiinngisitsinissamut nalinginnaasumik inerteqquteqarneq suliffeqarnermut pissutsiniittunut tamanut atuuttoq erseqqissarneqarpoq.

Imm. 1-imut

Aalajangersagaq imminermini pingaaruteqanngilaq, kisianni taamaallaat §§ 4-7-imik nalinginnaasumik assigiinngisitsinissap inerteqqtigineqarneranik erseqqissaanerulluni.

Naligiimmik aningaasarsianut atugassaqartitsinissaq pillugu immikkut
 Assigiinngisitsinermut tunngavissarititaasut inatsimmi taaneqartut pissutigalugit aningaasarsiatigut assigiinngisitsisoqartoq oqartoqarsinnaalernissaanut, sulineq assigiittooq assigiimmik naleqartoq tassani pineqassaaq. Aallaaviatigut sulisitsisumi ataatsimi atorfimmi ataatsimi imaluunniit assingusumi sulisut imminnut sanilliunneqassapput. Aningaasarsiat ataatsimoortut tamarmik sanilliussinermi tunngavigineqassapput. Aningaasarsiat arlalinnik imaqpata, immikkoortui tamarmik immikkut naligiimmik aningaasarsiat pillugit piumasaqaammik naammassinnissapput. Tunniunneqartartunik ataatsimoortunik nalilersuinissaq naammanngilaq, tassami suliassaqarfimmi paasiuminartitsinissaq pingaaruteqarmat.

Sulisitsisup sulisunut qaffasinnerusumik aningaasarsialinnut tunngatillugu aningaasarsiaannik appartitsinerani, naligiimmik aningaasarsiaqarnissamut piumasaqaat naammassineqarsinnaanngilaq.

Manna inatsimmi aningaasarsianut oqaaseq nalinginnaasumik paasinnittarnermut naapertuuppoq, taanna malillugu sulinermi aningaasarsiat qanorluunniit ilusillit tamarmik pineqartunut ilaatinneqarput. Tassa imaappoq, bonusit ajunngitsorsiassallu aamma pineqartunut ilaatinneqartut. Aningaasarsianut oqaaseq aalajangersaanerup ilusaa apeqquataitinnagu atuuppoq, ilanngullugit assersuutigalugu nalunaaquattap akunneranut aningaasarsiaqarneq,akkordimut aningaasarsiaqarneq qaammammusiaqarnerlu, aammalu atorfinitseriaaseq. Sulinermut tunngasumik inuttut tapeqarneq, assersuutigalugu tapit immikkut suliassaqarnermut attuumassuteqartut imaluunniit tapit inuup immikkut piukkunnassuseqarneranut attuumassuteqartut, pineqartunut ilaatinneqarput. Aammattaaq akissarsiariitinneqartut pisussaaffitut imaluunniit nammineq kajumissutsimik tunniunneqarnersut pingaaruteqanngilaq.

Imm. 2-mut

Inatsit malillugu naammattumik illersuinissaq qulakkeerniarlugu, piumasaqaatit naligiissitaaneq imaluunniit assigiinngisitsinnginnissaq pillugit inatsit manna malillugu saqqummiunneqartut pissutigalugit soraarsitsisoqannginnissaanut illersuinissaq pisariaqarpoq.

Uppernarsaanissamut maleruagassat kapitali 8-miittut atuupput.

§ 16-imut

Imm. 1-imut

Atorfinitseriaissamut suliap ingerlanerani paasissutissanik piniarnissap inerteqqtigineqarnerata unioqquqtinneqarnera, inatsimmik immikkoortumik

unioqqutitsineruvoq. Taamaalilluni paasissutissanik taakkuninnga piumaffigineqartoq, atorfimmut toqbarneqanngitsuussasoq, tunngavissaatinneqanngilaq.

Aalajangersakkami suaassuseq pillugu paasissutissanik piniarnissaq inerteqqutigineqanngilaq. Naartuneq, meeravissiartaarneq, ilaqtariinni pilersaarusiorneq, suaassutsini kinaassuseqarneq, suaassutsimik takutitsineq aamma suaassutsit ilisarnaataat pilligit paasissutissanik piniarnissamik inerteqquteqarnermi, inatsisinik unioqqutitsilluni suaassuseq pillugu paasissutissanik piniartoqarluni pisoqartillugu, taakkununnga tunngassuteqassaaq.

Paasissutissanik piniarnissap inerteqqutigineqarnerani aamma ilaatinneqarpoq innarluuteqarneq, tassami paasissutissanik, inuup innarluutillip tunngavissaqanngitsunik atorfimmit mattunneqarnissaanut pisooqataasinjaasunik, sulisitsisup tigusaqarnissaata pinngitsoortinnissaa, siunertaammat. Peqqissutsimut tunngasut, sulinerup ingerlannissaanut annertuumik pingaarutillit, pilligit sulisartup paasissutissiinissamut pisussaaffeqarnissa, tamatumani akornuserneqanngilaq, aamma sulisitsisut aamma atorfillit akornanni Inatsisitigut pissutsit pilligit Inatsisartut inatsisaat nr. 11, 29. november 2013-imeersumi § 7 takuuk, taanna malillugu sulisartoq atorfimmik tigusinermini peqquserlunnertut ittumik pineqartumik nappaateqarnini oqaatigisimanngippagu, napparsimaneq akuerisaasumik sulinngitsoornertut isigineqarsinnaanngilaq.

Imm. 2-mut

Atorfeqarnermi paasissutissanik pissarsinissamut inerteqqummi ukioqarneq ilanngilaq, tassa assersuutigalugu akissarsianik akiliinermut pisunullu assigisaanut atatillugu ullup inuuffiup nalunaarsorneqarnissa piumasaqaataammat.

Aalajangersagaq suliffeqarfimmi oqaloqatigiinnissamik suleqatigiinnissamillu nalinginnaasumik pisariaqartitsisinnaanermut atatillugu paasineqassaaq.

Imm. 3-mut

Pisut ilaanni, timikkut, tarnikkut imaluunniit eqqarsartaatsikkut piginnaasaqarnerit aalajangersimasut sulinerup ingerlannissaanut pisariaqarsinnaanerat pissutigalugu, suliffissarsiortup innarluuteqarnera pillugu paasissutissanik piniarnissaq akuerisaasinjaavoq. Taamaalilluni suliffissarsiortup suliassani suliarisinnaagai sulisitsisup paasinarsisitsisinnaaneranut aalajangersagaq akornusiissanngilaq.

Oqaatsinik piginnaasaqarneq pillugu paasissutissanik piniarnermut tunngatillugu aamma taanna atuutissaaq, tassami assersuutigalugu oqaatsinik aalajangersimasunik piginnaasaqarnerit, atorfimmi suliassat isumaginissaannut pisariaqarsinnaammata.

Aamma sulliffeqarfik aalajangersimasumik upperisap siuarsarnissaanik siunertaqarpat, sulisullu upperisaa suliffeqarfimmut pingauteqartut isigineqarpat akuerisaassaaq.

Aalajangersagaq inatsimmi assigiinngisitsinissap inerteqqutigineqarnerani ilaatinneqanngitsut pillugit §§ 8-mut aamma 12-imut ataqatigiissillugu isagineqassaaq. Taamaalilluni atorfinititsinermi assersuutigalugu innarluuteqarneq imaluunniit oqaatsit tunngavigalugit assigiinngisitsinissaq akuerisaappat, aamma atorfinititsinnginnermi tamanna pillugu paasissutissanik piniarnissaq aamma akuerisaasariaqarpoq.

Naartuneq, meeravissiartaarneq, meerartaarnissamik pilersaaruteqarneq, kinguaassiutitigut sammivik, suiaassutsini kinaassuseqarneq, suiaassutsimik takutitsineq aamma suiaassutsit ilisarnaataat pillugit paasissutissanik sulisitsisup piniarnissaa akuerineqartassanngilaq.

§ 17-imut

Imm. 1-imut

Aalajangersagaq naartuneq, erninermi sulinngiffeqarneq imaluunniit meeravissiartaarneq pissutigalugit soraarsitsinissap inerteqqutigineqarneranut tunngassuteqarpoq.

Inerteqquteqarnermi naartunermut, erninermi sulinngiffeqarnermut meeravissiartaarnermullu attuumassuteqartut tamarmik pineqarput, tamatuma malitsigisaanik assersuutigalugu naartunermut attuumassutilimmik napparsimavimmi misissortinneq pissutigalugu sulinnginneq tunngavilersuutigalugu soraarsitsineq, aamma inatsimmik unioqqutitsineruvoq.

Sulisoq naartuneranut, erninermi sulinngiffeqarneranut imaluunniit meeravissiartaarneranut piffissatigut atatillugu, kisianni allanik pissuteqartumik, soraarsinnejarp, soraarsitsinermut naartuneq, erninermi sulinngiffeqarneq imaluunniit meeravissiartaarneq tunngavilersuutigineqartoq, sulisitsisup uppernarsassavaa.

Imm. 2-mut

Erninermi sulinngiffeqarnermut tunngasut pissutigalugit, sulinermi sulisimanerup sivisussusaata atuutsinnissaanut tunngatillugu assigiinngisitsisoqannginnissaq qulakkeerniarlugu, aalajangersagaq ilanngunneqarpoq. Tassani aningaasarsiatigut sulinerup sivisussusaa, nalliuottorsiornissamut sulinerup sivisussusaa kiisalu sulinerup sivisussusaa soraarsitsinissamut ilimasaarinerup sivisussusissaanik naatsorsuinermut tunngassuteqarneq pineqarsimasinnaapput.

Aalajangersagaq soraernerussutisiassanut tunngatillugu sulinerup sivisussusaanut tunngassuteqanngilaq, tassami soraernerussutisiassanut neriorsuutip annertussusaanut akiliutigineqartut aningaasartai apeqqutaasarmata. Sulisitsisoq naartunermi aamma erninermi sulinngiffeqarnerup nalaani aningaasarsianut soraernerussutisiassanullu akiliutissamik akiliinissamut amerlanertigut pisussaaffeqartarmat, akiliutissat akilerneqartut naapertorlugit sulisimanerup sivisussusaanik katersisoqartarpoq. Piffissani sulisitsisup sulinermik inuussutissarsiuteqartumut aningaasarsianik akiliinissamut pisussaaffeqarfiginngisaanni, sulinermik inuussutissarsiuteqartumut soraernerussutisiassanut akiliutissanik akiliinissamut pisussaaffeqarnermik tamanna malitseqanngilaq, taakkualu allatut

isumaqatigiissuteqartoqanngippat, piffissat sulinngiffeqarfiusut soraarnerussutisiassani sulinerup sivisussusaanik naatsorsuinermi ilangunneqartanngillat.

Imm. 3-mut

Aalajangersakkami angajoqqaat naartunermut, erninermi sulinngiffeqarnermut meeravissiartaarnermullu atatillugu sulinngiffeqarnissaq toqqarpassuk, taakkua tamanna pissutigalugu ajornerusumik inisisimalersinneqannginnissaat, qulakkeerneqarpoq.

Siunnersuummi sulinermik inuussutissarsiuteqartut sulinngiffeqarsinnaatitaanerminnik atuisut, suliffimminnut uternerminni sulinermi atugassarititaasut ajornerulersimannginnissaannik pisinnaatitaaffeqarnerat qulakkeerneqarpoq.

Naartuneq, erninermi sulinngiffeqarneq imaluunniit meeravissiartaarneq pissutigalugu soraarsitsinissap inerteqqutigineqarnerani, soraarsitsinerpiaannaat isigalugit soraarsitsinerit kisimik ilaatinneqanngillat, kisianni aamma sulinermi atugassarititaasut annertuumik allannguiteqarnerat, soraarsitsinermut sanilliunneqarsinnaasoq, aamma ilaatinneqarpoq. Tassunga atatillugu naliliisoqassaaq, soraarsitsinertut tamanna isigineqartussaatinnagu, sulinermik inuussutissarsiuteqartup atorfeqarnerminni atugassarititaasut qanoq allanngortinnejnarerat naammagiinnarsinnaanerai. Allannguutit annikitsut aalajangersimasut, taakkua sulinermik inuussutissarsiuteqartumut pitsaannginnerunerat apeqqutaatinnagu, atorfeqarnermut tunngasut killissaasa iluanniippu, taamaalillunilu sulinermik inuussutissarsiuteqartup naapertuutumik naammagiinnarsinnaasaasa iluanniillutik. Allannguut aqutsisutut pisinnaatitaanerup killissaasa iluanniinnersoq, allannguutip nalilorseqarnerani, tamatumunnga ilanngullugu allannguut sulinermut isumaqatigiissummi tassungalu atugassarititaasuni pineqartunut ilaasutut isigineqarsinnaanersoq pingartinneqassaaq. Taamatuttaaq ataatsimut isiginnilluni, aamma sulisunut allanut tunngassuteqartumik allanngortitsisoqarsimanersoq pingaaruteqassaaq.

Aalajangersakkami tamarmi angajoqqaat illersorneqarmata aamma meeqqap illersorneqarnissaa aamma isiginiarneqarpoq.

§ 18-imut

Naligiissitaaneq pillugu aalajangiisartunut naammagittaalliornialinnginnermi, aningaasarsianik aalajangersaanermi assigiinngisitsisoqarnersoq nammineerlutik nakkutiginissaanut, aalajangersakkami sulisartut periarfissinnejnarput.

Pisortat sulliviini aningaasarsianut atugassarititaasut sulisartut isumaqatigiissutaannit annertuumik maleruagassiivigineqartarmata, tassani pingartumik tapit nakkutiginissaat naleqqutissaaq.

Aningaasarsianut atugassarititaasunik aalajangersaanermi assigiinngisitsisoqarnersoq pasitsaassilinnginnermi, aningaasarsiani assigiinngisitsinerusinnaasoq inatsimmi assigiinngisitsinissamut tunngavissarititaasunut attuumassuteqarnersoq, sulisartup

uppernarsarsinnaasariaqarpaa. Pasitsaassineq tassunga ilanngullugu pissutsinik allanik aallaaveqartariaqarpoq. Pasitsaassinermut assersuutigalugu suleqatip suliassanik assingusunik suliaqartarnera imaluunniit assinganik nalilimmik sulisarnera imaluunniit atorfiup suussusaa assigigaa, sulisartup tunngavilersuutigisinnaavai. Taamaaqataanik sulisartup allat isumaqatiginniniareernerup kingorna aningaasarsiaminnik qaffaavigineqarsimasut paasippagu, tamanna aamma pasitsaassinermut tunngavilersuutigineqarsinnaavoq. Peqatigisaanik pasitsaassinerup naammattumik tunngavilersorneqarsimannginnera pissutigalugu, sulisitsisoq paasissutissanik tuniumaneqarani, paasissutissanik taakkuninnga pissarsinissamut killissap qaffasippallaarnissa pisariaqanngilaq, tassami tamanna aaqqiagiinngissitsilersinnaammat. Taamaattumik sulisitsisup pasitsaassineq tunngavissaqanngitsoq isumaqarnera pissutaalluni, sulisitsisoq aningaasarsianut paasissutissanik tunniussisariaqarpoq.

Sulisartut sulisup aalajangersimasup aningaasarsiaannut tunngasut pillugit paasissutissanik pisinnaanissa, aalajangersakkami siunertarineqanngilaq.

Paasissutissat sulisunut ataasiakkaanut tunngasut mianerineqarnissaat qulakkeerniarlugu, sulisartoq aningaasarsianut paasissutissanik tigusaqartup tunniussinermut atatillugu nipangiussisimanissamut uppernarsaat atsiussavaa. Tamanna pingaartumik suliffeqarfinnut minnerusunut naleqquppoq, tassani suliaqarnermi sulisup paasissutissani pineqartup kinaassusaa paasineqarsinnaatinngu nalinginnaasumik aningaasarsiat annertussusaannik tunniussisoqarsinnaasanngimmat.

Suliffeqarfik pineqartoq, kinaassutsimik ilisarnarunnaarsitsisoqaraluartoq, sulisup paasissutissani pineqartup kinaanera paasineqariaannaasoq naliliippat, sulisitsisup paasissutissat akissarsiat ataatsimut isigalugit pillugu saaffiginninnermut tunngatillugu suliarineqarnerat pillugu sulisoq pineqartoq ilisimatissavaa.

§ 19-imut

Inuit naartunermut, erninermut imaluunniit meeravissiartaarnermut atatillugu, pissutsinit inatsimmi taaneqartunit, pitsaanerusunik atugaqartinneqarnissaannut, inatsimmi aalajangersagaq akornusiinngilaq.

§ 20-mut

Imm. 1-imut

Inuk kingoqqiffik, ammip qalipaataa, inuiaassuseqarneq imaluunniit sumiuussuseq, upperisaq, kinguaassiutitigut sammivik, suaassutsini kinaassuseqarneq, suaassutsimik takutitsineq imaluunniit suaassutsit ilisarnaataat pissutigalugit kimulluunniit (immaqa akiliilluni imaluunniit atugassarititaasut kinaassusersiunngitsut allat atuutsillugit) neqeroorutigineqaraluartunit imaluunniit allatigut ammasunut mattunneqarluni, imaluunniit inuk akiliinissamut il.il. tunngatillugu atugassarititaasunit nalinginnaasumik atuuttunit sukannererusunik atugassaqartinneqarluni pisoqarnerinut, aalajangersagaq tunngassuteqarpoq.

Aalajangersagaq atituumik isigalugu sullissinermut suliffeqarfinni atuuppoq.
 Aalajangersakkami sullissinerit suullunniit imaluunniit sullississutit inuussutissarsiornissaq
 imaluunniit tamanut iluaqtigineqarnissaat eqqarsaatigalugu tamanut atugassiissutigineqartut
 ilaatinneqarput.

Aalajangersakkami assersuutigalugu, sunilluunniit tuniniaanernik, iluarsaassinerik
 sullissinernillu aaqqissuussanit sullississutit, nakorsiarnissaq kigutileritinnissarlu,
 angallassisutinik tamanut neqeroorutigineqartunik sunilluunniit angallassinissaq kiisalu
 neriniartarfinni, akunnittarfinni, pensionatinilu il.il sullinneqarnissaq ilaatinneqarput.

Inuussutissarsiutigalugu illuutinik aalaakkaasunik imaluunniit inissianik tuniniaaneq
 attartortitsinerlu kiisalu inissiaatileqatigiiffit iluanni attartortitsineq aamma
 aalajangersakkami pineqartunut ilaapput.

Imm. 2-mut

Aalajangersagaq malillugu imm. 1-imi taaneqartuni pissuteqartumik inuup sumiiffimmut,
 takutitsivimmut, saqqummersitsivimmut, katerisimaartunut assigisaannulluunniit
 nalinginnaasumik ammasunut allanullu atugassaqartinneqarluni isernissaata
 akuierumannginnera, aammattaaq aalajangersagaq malillugu uniuineruvoq. Tassani
 assersuutigalugu pineqarput nuannaariartarfiit (filmertarfiit, qitigiartarfiit, neriniartarfiit,
 imerniartarfiit, tusarnaartitsinerit il.il.), timersornermi aaqqissuussinerit il.il. tamat
 iserfigisinnaasai.

Imm. 3-mut

Aalajangersakkami unnuinerit mianersuaalliornertut isigineqarsinnaasut ilaanggillat.

Aalajangersagaq manna malillugu unioqqutitsinerit Naligiissitaaneq pillugu aalajangiisartunit
 suliarineqarsinnaasanggillat, kisianni tamatumunnga taarsiullugu eqqartuussivinni
 pinerluuteqarsimasunik suliassatut suliarineqarsinnaassallutik.

Aalajangersakkami kingoqqiffik il.il. pissutigalugit assigiinngisitsinissap
 inerteqquqtingeqarnera pillugu inatsit nr 289, 9. juni 1971-imeersoq, Kalaallit Nunaannut
 aalajangersagaasoq, ingerlateqqinnejarpooq, ilassutigineqarluni “kinguaassiutitigut sammivik,
 suaassutsini kinaassuseqarneq, suaassutsimik takutitsineq imaluunniit suaassutsit
 ilisarnaataat”.

Tamatuma saniatigut kingoqqiffik il.il. pissutigalugit assigiinngisitsinissap
 inerteqquqtingeqarnera pillugu inatsimmut tunngatillugu aalajangersakkap atuuffissaanni
 allanngortitsinissaq siunertarineqanngilaq.

§ 21-mut

Imm. 1-imut

Illersuinissamut tunngavissarititaasut, Naligiissitaaneq pillugu aalajangiisartut aalajangiisinnatitaaffiini pineqartunut ilaatinneqartut aalajangersakkami allattorneqarput. Aalajangersagaq malillugu suaassuseq, naartuneq, meeravissiartaarneq, erninermi sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnttaaseq, upperisaq imaluunniit upperisaqarneq pissutigalugu assigiinngisitsinerup naammagittaalliuutigineqarneri aalajangiisartut suliarisinnaavaat.

Naligiissitaaneq pillugu aalajangiisartut pisortat ingerlatsineranni ilaapput, taamaalillunilu pisortat ingerlatsivigalugu, inatsisisstatut siunnersummi maleruagassat saniatigut pisortat ingerlatsinerannut inatsisini maleruagassani nalinginnaasuni pineqartunut ilaatinneqarlutik, ilanngullugit pisortat suliassanik suliarinnittarnerannut inatsit.

Tamatuma atuunnerani ilaatigut Naligiissitaaneq pillugu aalajangiisartut aalajangiinerminnut tunngavilersuinissamut pisussaaffeqarput, taamatullu Naligiissitaaneq pillugu aalajangiisartut suliassamik suliarinninnerminni suliami attuumassuteqartumut tusarniaasartussaapput. Naligiissitaaneq pillugu aalajangiisartut aamma pisortat ingerlatsineranni tunngaviusumik taagorneqartut malittussaavaat, tamatumalu atuunnerani Naligiissitaaneq pillugu aalajangiisartut suliami aalajangiisoqannginnerani pisariaqartunik suliami paasissutissiinissamut pisussaaffeqarput. Tamatumani ilaatinneqarput pissutsit suliani inatsisinut taamatullu pisusiviusunut tunngassuteqartut.

Naligiissitaaneq pillugu aalajangiisartut suliassanik suliarinninneranni aningaasartuutit Naligiissitaaneq pillugu aalajangiisartut nammineerlutik akilissavaat. Aalajangiisartuni suliarinninneq taamaalilluni suliami pineqartunut akeqanngilaq. Suliami pineqartut suliamut atatillugu namminneerlutik aningaasartuuteqarsimappata, assersuutigalugu eqqartuussissuserisumut akiliuteqarsimappata, tamanna aalajangiisartut susassarissanngilaat. Naligiissitaaneq pillugu aalajangiisartut taamaalillutik aamma suliami pineqartuni ajorsartoq illuatungiusup aningaasartuutaannik taarsiinissamik pisussaafflersinnaanngilaat. Naligiissitaaneq pillugu aalajangiisartut suliassani Naligiissitaaneq pillugu aalajangiisartunut qaqinneqartuni allaffissornikkut inaarutaasumik aalajangiissapput.

Naammagittaalliuutip Naligiissitaaneq pillugu Aalajangiisartunut qaqugukkut suliassangortinnejarnissaanut piffissaliisoqanngilaq. Kisianni taarsiivigineqarnissamik piumasaqaataasinnaasoq pisoqalinerata imaluunniit suliarineqarsinnaajunnaarsillugu iliuuseqannginnerup kinguneranik atorunnaarsinnnaavoq. Inatsit manna malillugu taarsiissutissatut aalajangikkani pisoqalinissaanut piffissarititat pillugit inatsisit qaqugukkulluunniit atuuttut malinneqassapput.

Imm. 2-mut

Naligiissitaaneq pillugu aalajangiisartunut naammagittaalliorisinnaanissamut naammagittaalliortoq nammineerluni assigiinngisitsinermi, taassuma naammagittaalliutigisaanit, toqqaannartumik kalluarneqarsimassaaq.

§ 22-mut

Aalajangersagaq Naligiissitaaneq pillugu Aalajangiisartut inuttalersorneqarnerannut aammalu Naligiissitaaneq pillugu aalajangiisartunut ilaasortanik toqqaasarnermut maleruagassanik imaqarpoq.

Imm. 1-imut

Aalajangiisartut ataatsimik siulittaasoqassasut 4-nillu ilaasortaqqassasut siunnersuutaavoq.

Imm. 2-mut

Siulittaasoq Naalakkersuisunit toqqrneqassaaq aammalu Nunatta eqqartuussisuanit inassutigineqassalluni. Siulittaasoq cand.jur.-tut ilinniarsimasuussaaq. Tamatumani Naligiissitaaneq pillugu aalajangiisartuni, inatsit malillugu aalajangiisinnaatitaasussani, pisariaqartunik piginnaasaqarnissaq qulakkeerniarneqarpoq.

Imm. 3-mut

Kattuffinnit, peqatigiiffinnit, sullissivinnit il.il. inassuteqarnerit malillugit Naligiissitaaneq pillugu aalajangiisartunut ilaasortanik Naalakkersuisut toqqaassapput.

Piumasaqaataavoq inassutigineqartut assigiinngisitsinermut tunngavissarititaasut inatsimmi taaneqartut ataaseq arlallilluunniit uppermarsaatitalimmik paasisimasaqarfingissagaat. Taamaaliornermi suliassaqarfinni assigiinngitsuni Naligiissitaaneq pillugu aalajangiisartut suliaqarfingissassaattut naatsorsuutigineqartuni, atituunik ilisimasaqarnissaq qulakkeerneqassaaq.

Naligiissitaaneq pillugu aalajangiisartunut ilaasortatut aallaaviatigut inassutigineqarsinnaapput inuit kommunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit Inatsisartut inatsisaanni qinigaasinnaaneq pillugu maleruagassat malillugit kommunalbestyrelsimum qinigaasinnaasut kisimik inassutigineqarsinnaapput.

Kattuffit innuttaasullu inassuteqartut Naligiissitaanermut siunnersuisoqatigiit § 22 naapertorlugu suaassutsit naligiimmik agguarlugit katitigaasinnaanissaat qulakkeerniarlugu, suaassutsit amerlaqatigiissillugit ilaasortanik inassuteqarnissamut pisussaaffeqarput.

Imm. 4-mut

Naligiissitaaneq pillugu aalajangiisartut politikkimut attuumassuteqannginnissaat qulakkeerniarlugu, sullissivinnit siunnersuisoqatigiinniillu inassuteqartussanit inassuteqaatit malillugit ilaasortat allat Naalakkersuisut toqqaassavaat.

Toqqaanermi pingaartumik makkua pingaartinneqassapput:

- pisariaqartunik piginnaasaqarneq

- ilaasortaanermi piumasaqaatigineqartunut naapertuuttumik pissusilfersorneq, ilaasortaanerup ingerlannerani aammalu avataani
- naligiissitaaneq pillugu aalajangiisartut suliassaannik naammassinninnissamut suleqataanissaq
- inatsit manna naapertorlugu naligiissitaaneq pillugu aalajangiisartut sulineranni tunngavissarititaasunik akuersaarneq.

Naligiissitaaneq pillugu aalajangiisartunut ilaasortat allanik inuussutissarsiuteqarunik, Naligiissitaaneq pillugu aalajangiisartuni sulinermut aporaassinnaasunik, taakkua tunuartariaqarput.

Imm. 5-imut

§ 22-mi piumasaqaatit naammassineqarsimappata, piffissap ukiunik pingasunik sivisussusillip iluani ilaasortaq Naalakkersuisut tunuartissinnaavaat.

§ 23-mut

Naligiissitaaneq pillugu aalajangiisartunut ilaasortaq qanoq pisoqarnerani tunuartinneqarsinnaanersoq, aalajangersakkami maleruagassiivigineqarpoq.

Ilaasortaq inatsit naapertorlugu suliassanik suliaqarnermini annertuumik sumiginnaasimappat imaluunniit ilaasortap inatsimmi suliassanik toqqisisimanartumik suliarinninnissaanut tativinninneq annertuumik sanngiillisillugu, ilaasortaq iliuuseqarsimappat, imaluunniit ilaasortaq Naligiissitaanermut siunnersusoqatigiinnut ilaasortanit sisamanit tunuartinneqartussatut inassutigineqarpat, aammalu Naalakkersuisut misissuereernerminni isumaqarpata tunuartitsineq pissasoq, piffissap ukiunik pingasunik sivisussusillip naannginnerani Naalakkersuisut ilaasortaq tunuartissinnaavaat. Inassuteqaat allaganngorlugu tunngavilersorneqassaaq.

Naligiissitaaneq pillugu aalajangiisartut pisuni qanoq ittuni tunuartinneqarsinnaanersut ersarissumik allassimanerani, Naligiissitaaneq pillugu aalajangiisartut politikkikkut arlaannaannulluunniit attuumassuteqannginnerat, aalajangersakkami qulakkeerneqarpoq. Aalajangersagaq aamma Naligiissitaaneq pillugu aalajangiisartut siulittaasuannik tunuartitsisarnermut tunngassuteqarpoq.

Tamatuma saniatigut maleruagassami, Naligiissitaaneq pillugu aalajangiisartut ukiumut nalunaarusiortannginnerat, kiisalu aalajangiisartut suliami pitsaasumik qulakkeerinnginnerat nr. 1-ip ataaniinnerat erseqqissarneqarpoq. Tamanna aalajangiisartut suliaat naammaginartumik pitsaassuseqarnissaa kiisalu suliaat ammasumik ingerlanissaa qularnaarniarlugit. Manna maleruagassaaq naapertorlugu aalajangiussanik isumaqtigiiinnginneq pissutigalugu ilaasortamik tunuartitsineq pisinnaanngilaq. Ilaasortamik tunuartitsineq tunngavilersorluagaassaaq aamma attuumassuteqanngitsumik suliap pitsaassusaanik naliliinermik tunngaveqassaaq.

Naalakkersuisut Naligiissitaaneq pillugu aalajangiisartunut ilaasortamik tunuartitsinissaq pillugu Naalakkersuisut aalajangiinerat allaffissornikkut oqartussamut allamut naammagittaallitigineqarsinnaanngilaq.

Ilaasortaq aalajangersagaq manna naapertorlugu tunuartinneqarpat, piffissap sinneranut ilaasortamik nutaamik toqqaaneq § 22, imm. 4 naapertorlugu pissaaq.

Piumasaqaatit immikkoortuni 1-3-mi taaneqartut tamakkiisuupput.

Nr. 1-imut

Ilaasortap suliassaannik suliariinninnermi annertuumik sumiginnaaneq ima paasineqassaaq, assigiaanik kukkunerni arlalinni ilaasortaq suliassami naammattumik piukkunnassuseqanngitsoq, uppermarsaatissaqartoq. Aamma kukkunerup annertuup ataatsip ersersissinnaavaa ilaasortaq tunngaviusumik suliatigut piginnaasaqanngitsoq.

Ilaasortap suliassaannik suliariinninnermi annertuumik sumiginnaaneq aamma tassaasinnaavoq, ilaasortaq arlaleriarluni atuuttumillu tunngavissaqanngitsumik Naligiissitaaneq pillugu aalajangiisartut ataatsimiinnerinut takkuttannginneq.

Ilaasortap tungaanit aalajangersimasumik annertussusilimmik pisoqarsimatillugu aatsaat, tamanna ilaasortap tunuartinneqarneranik malitseqarsinnaassaaq. Peqatigisaanik assigiaartunik arlalinnik kukkusimassapput imaluunniit kukkanneq ataaseq annertooq, ilaasortaq siunissami isumannaatsumik ilaasortap sulineranik ingerlatsisinnaanngitsoq ilimagissallugu pissutissaqalersitsisimassaaq.

Nr. 2-mut

Ilaasortap suliassani toqqisisimanartumik suliarisinnaaneranut tatiginninneq annertuumik annikillisillugu iliuuseqarneq ima paasineqassaaq, assersuutigalugu ilaasortaq nakkarsaalluni pissusilersoneq pissutigalugu taarsiissutissamik akiliisussanngortitaasimasoq imaluunniit ilaasortaq tusagassiutini tamanit takuneqarsinnaasuni assigiinngisitsinnginnissamut tunngasunik oqaaseqarsimasoq, ilanngullugu facebookimi quppernermi.

Taamatuttaaq ilaasortaq imigassartorsimalluni assigisaanilluunniit, Naligiissitaaneq pillugu aalajangiisartut ataatsimiinneranni takkuppat, tamanna ilaasortap suliassaannik toqqisisimanartumik ilaasortaq suliaqarsinnaaneranut tatiginninneq annikilliserujussuarlugu iliuuseqarsimanerusussaavoq.

Nr. 3-mut

Ilaasortamik tunuartitsinissamut inassuteqaat allaganngorlugu tunniunneqassaaq aammalu tunngavilersoneqarsimassallunilu.

Inassuteqaat Naligiissitaaneq pillugu aalajangiisartunut ilaasortanit minnerpaamik sisamanit atsiorneqassaaq. Ilaasortat tamarmik, ilanngullugu aamma siulittaasoq, inassuteqaammut

atsiornissamut periarfissaqarput. Taamaattoq ilaasortaq inassutigineqartoq inassuteqaatip tunniunneqarneranut tunngatillugu suliamut attuumassuteqarpallaartussaavoq.

Naalakkersuisut suliami pisunik sukumiisumik misissuineranni suliap naammattumik paasissutissartaqtinnissaanut tunngaviusoq malinneqartussaavoq, tamatuma malitsigisaanik paasissutissat allaganngorlugu tunngavilersummi inassuteqaammut ilanngunneqartumi allassimasoq misissorneqartussaapput. Najoqqutassatigut eqqortumik aalajangiisinnaalernissamut annertunerusunik misissuisoqassasoq, misissuinerup malitsigippagu, Naalakkersuisut tamatuminnga pisussaaffeqarput.

Imm. 2-mut

Aalajangiisartut ukiumoortumik nalunaarusiunngippata suliassaminnilluunniit suliarinnningippata Naligiissitaaneq pillugu Aalajangiisartuni ilaasortat tunuartinnissaannut Naalakkersuisut aalajangersakkami periarfissinneqarput.

Naligiissitaaneq pillugu Aalajangiisartut inatsit malillugu pisussaaffimminnik eqqortitsinissaat aalajangersakkami qulakkeerneqassaaq.

Nr. 1-imut

Naligiissitaaneq pillugu Aalajangiisartuni ilaasortat, aalajangiisartut arlaleriarlutik ukiumoortumik nalunaarusiunngippata tunuartinnejarsinnaapput. Ukiumoortumik nalunaarusiaq aalajangiisartut sulinerisa erseqqaritsinnissaanut pingaaruteqarpoq, taamaalillunilu taassuma suliarinissaanut tunniunnissaanullu aamma pingaaruteqarluni.

Oqaatsimi uteqattaarinermi ataaseq sinnerlugu pineqarpoq.

Nr. 2-mut

Aalajangiisartut suliassat inatsimmi allassimasut suliarissavaat. Tamanna pinngippat ilaasortat tunuartinnejarsinnaapput.

§ 24-mut

Siunnersuutaavoq Naligiissitaaneq pillugu aalajangiisartut inatsisip matuma unioqqutinneqarneranut taarsiivigineqarnissaq aalajangersinnaagaat.

Naligiissitaaneq pillugu aalajangiisartut nalinginnaasumik allaffissornikkut inatsisini najoqqutassat imaluunniit pisortat ingerlatsineranni allagaatit aalajangersimasut atorunnaarsinnissaannut imaluunniit naqqiissuteqarfiginissaannut periarfissaqanngillat.

§ 25-mut

Imm. 1-imut

Aalajangersakkami imm. 1 malillugu Naligiissitaaneq pillugu aalajangiisartut naammagittaalliuutit, pisortat ingerlatsivianni oqartussamut allamut suliakkiissutigineqarsinnaasut, suliami aalajangiisoqareertinnagu, suliarisinnaanngilai.

Tamatuma atuunnerani assersuutigalugu soraarsitsineq il.il. pillugu aalajangiineq, aqutsisoqarfimmi immikkoortumi aalajangiiffigineqarsimasoq, tamatumunnga naammagittaalliorissamut periarfissaqarsimappat, Naalakkersuisoqarfik pineqartoq suliami aalajangeereertinnagu, Naligiissitaaneq pillugu aalajangiisartunut suliakkiissutigineqarsinnaanngilaq. Sullissiviit namminersortut il.il. pisortani oqartussanut naammagittaalliuutigineqarsinnaallutik pisoqartillugu, Naligiissitaaneq pillugu aalajangiisartunut naammagittaalliorsinnaalinnginnermi, naammagittaalliorissamut periarfissaq taanna atorneqareersimassaaq.

Imm. 2-mut

Suliassaq Inatsisartut Ombudsmandianni imaluunniit eqqartuussivinni suliarineqartoq, Naligiissitaaneq pillugu aalajangiisartut suliarisinnaanngilaat.

Imm. 3-mut

Suliami pineqartut suliassap Naligiissitaaneq pillugu aalajangiisartuni suli suliarineqarnerani eqqartuussivinni suliakkiisinnaanngillat. Aalajangersakkami siunertaavoq, suliassami naammagittaalliorup eqqartuussivinni suliassanngortitsineratigut, suliassap misilinneqarnissaanut aalajangiisartunik aaqqissuussinerup malitsigisaanut, naammagittaalliorup sukanninnginnerusumik periarfissaarutsinneqannginnissamut, naammagittaalliorup illersorneqarnissa. Aalajangersagaq Naammagittaalliorup naammagittaalliuutiminik tunuartitsinissaanut, tamatumalu kingorna suliassap eqqartuussivinnut suliassanngortitsinissaanut, soorunami akornusiinngilaq.

§ 26-mut

Naligiissitaaneq pillugu aalajangiisartut piginnaatitaanerminnut suliassaminnullu naapertuuttumik suleriaasertik namminneerlutik aalajangersassavaat.

§ 27-mut

Naligiissitaaneq pillugu aalajangiisartunut ilaasortat Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisaanni maleruagassat malillugit aningaasarsiaqartitaaneq, ullormusiat aamma angalanermut aningaasartuutinut ajunngitsorsiassat pillugu maleruagassani pineqartunut ilaatinneqarput.

§ 28-mut

Imm. 1-imut

Siunnersuutaavoq naligiissitsinissamut aalajangiisartut allattoqarfimmit sullinneqarnerat sumi inissinneqassanersoq Naalakkersuisut aalajangersarsinnaagaat, ilangullugu oqaaseqartartuni siunnersuisoqatigiinnilu attuumassutilinni imaluunniit pisortat aqutsisoqarfianni.

Allattoqarfimmi sullissinerup inatsit manna malillugu naammagittaalliuutnik suliarinninnissamut eqqortunik piginnaasaqartumit isumagineqarnissaa, taamaaliornermi qulakkeerneqassaaq.

Imm. 2-mut

Aalajangersagaq malillugu Naligiissitaaneq pillugu aalajangiisartut assigiinngisitsinermut naammagittaalliuutnik suliarinninnissaa allattoqarfiup piareersartussaavaa, kiisalu aalajangiisartut suliaqarnini allaganngorlugit tunngavilimmik ingerlattussaavaa.

Aalajangiisartut taamaalillutik allaganngorlugu naammagittaalliuut, assigiinngisitsinnejarsimalluni isumaqartumit suliakkiissutigineqartut, kisiisa suliarisussaavai. Taamatuttaaq piginnaatitsisummik atuuttumik saqqummiisoqartillugu, naammagittaalliuut assigiinngisitsivigineqartoq sinnerlugu suliakkiissutigineqartut, aalajangiisartut akuersaassavaat.

Allaganngorlugu tunngavilimmik suliarinninnerup pisussaanerani ilaatigut Naligiissitaaneq pillugu aalajangiisartut suliami pineqartup takunnittullu nassuaanerattut ittumik uppernarsaanissaq ingerlassinnaassanngilaat.

Suliami paasissutissiinissamik allattoqarfiup suliaqarneranut ilaatillugu allattoqarfiup suliami pineqartut suliami paasissutissiinissamut peqataaqqusinnaavai. Suliami pineqartup allattoqarfimmit kaammattorneqarnini malinnngippagu, paasissutissanik kissaatigineqartunik tunniussinissamut nutaamik piffissaliilluni nukingisaarutitut allakkiaq nassiunneqassaaq. Suliami pineqartup saaffiginninneq taanna qisuararfinginngippagu, suliassaq tunngavissat pigineqartut tunngavigalugit aalajangiiffigineqassasoq Naligiissitaaneq pillugu aalajangiisartut aalajangiisinnaassasut, nukingisaarutitut allakkiami allassimassaaq. Suliami pineqartup suliami paasissutissiinissamut peqataarusunngitsup suliassap Naligiissitaaneq pillugu aalajangiisartunut saqqummiunneqarnissaa akornusersinnaanngikkaa, aalajangersakkami qulakkeerneqassaaq. Peqataannginnerup suliassap suliarineqarnerani ajoqusiisumik sunniuteqartinneqarsinnaaneranut, aalajangersagaq takussutissaavoq.

Illuatungeriit aappaata Naligiissaaneq pillugu Aalajangiisartut aalajangigaat isumaqtiginngippagu, taassuma aalajangiineq eqqartuussivinnut suliassangortissinnaavaa.

§ 29-mut

Imm. 1-imut

Aalajangersakkap imm. 1-iani siunnersuutaavoq, suliap suussusaata tamanna pisariaqartippagu, Naligiissitaaneq pillugu aalajangiisartut suliami ilisimasalinnit uppernarsaatnik piniarnissamut periarfissaqartut. Assersuutigalugu sulisitsisup sullivimmik inummut innarluutilimmut naleqqussaanissamut pisussaaffeqarnera pillugu suliassani tamanna pisussaasinnaavoq, tassani naleqqussaanissamut ataasiakkaatigut periarfissanut atatillugu teknikkikkut apeqquteqartoqarsinnaalluni.

Naligiissitaaneq pillugu aalajangiisartut isumaqarunik assigiinngisitsinermut tunngasoq pineqartoq taanna pillugu annertunerusunik ilisimasalernissaq pisariaqartineqartoq, Naligiissitaaneq pillugu aalajangiisartut taamatuttaaq suliami ilisimasalinnit uppernarsaatnik piniarsinnaassapput, assersuutigalugu professorinit, ilisimatuunit, eqqartuussissuserisunit, oqaaseqartartutut sullissivinnit siunnersuisoqatigiinnillu imaluunniit suliani immikkut ilisimasalinnit allanit.

Imm. 2-mut

Aalajangiisartut isumaqatigiissutini aalajangersakkanik unioqqutitsineq pillugu suliassanik suliariinneranni, Naligiissitaaneq pillugu aalajangiisartut – aalajangiisoqannginnerani – isumaqatigiisummi peqataasunit pineqartunit oqaaseqaammik piniassapput.

Taamaaliornermi Naligiissitaaneq pillugu aalajangiisartut tunngavigisanut, isumaqatigiisummi aalajangersakkamut tunuliaqutaasunut, ilisimannilernissaat qulakkeerneqassaaq.

§ 30-mut

Siunnersuutaavoq, naammagittaalliortoq ilalerneqarsinnaanngitsoq ersarissutut isigineqartariaqarpat, Naligiissitaaneq pillugu aalajangiisartut suliassap suliariressaa itigartissinnaassagaat. Suliassap taamaattup itigartinneqarnera pillugu aalajangiineq aalajangiisartunut suliassangorteqqinnejarsinnaanngilaq, kisianni eqqartuussivinnut nalinginnaasunut suliakkiissutigineqarsinnaalluni.

Naligiissitaaneq pillugu aalajangiisartut aamma allatigut suliassanik eqqartuussivinni suliariqarnissamut naleqqunnerusutut nalilerneqartunik, imaluunniit allatigut Naligiissitaaneq pillugu aalajangiisartuni suliariressaanut nangaanartoqarpat, tigusiumannngissinnaapput. Pisortat suliassanik suliariinnitarnerannut inatsit malillugu naammagittaalliornermut suliassap itigartinneqarnera tunngavilersuutitaqartussaavoq.

Imm. 2-mut

Siunnersuutigineqarpoq naammagittaalliutit aalajangiisartuni suliariqarnissaat naleqqutinngitsoq naliliisoqarpat Naligiissitaaneq pillugu Aalajangiisartut allatseqarfiata itigartissinnagai. Imm. 2 naapertorlugu allaganngorlugu suliariressaq ilaatigut kinguneqarpoq, Naligiissitaaneq pillugu Aalajangiisartut akuusut ilisimannittullu nassuaanerisigut uppernarsaatnik pissarsisinnaassanngitsut. Suliariinnermi uppernarsateqavinnissaq pisariaqarpat naammagittaalliutit Naligiissitaaneq pillugu Aalajangiisartut allatseqarfiata itigartissinnaassavai. Aamma tassaasinnaapput naammagittaalliutit suliami inatsisilerinermi erseqqarissumik soqtiginaateqanngitsut.

Naammagittaalliorsinnaatitaasup itigartitsineq pillugu aalajangiinerit Naligiissitaaneq pillugu Aalajangiisartunut suliassangortissinnaavai. Taamaattoqarpat § 28, imm. 2-4-mi, § 29-mi aamma § 32-mi aalajangersakkat taamatuttaaq atutissapput.

§ 31-mut

Naligiissitaaneq pillugu aalajangiisartut suleriaasianni maleruagassanik aalajangersaasoqarsinnaavoq, taakkua malillugit siulittaasoq naammagittaalliornermut suliassani aalajangiinissamut piginnaatinneqarluni.

§ 32-mut

Imm. 1-imut

Naligiissitaaneq pillugu aalajangiisartut suaassuseq, naartuneq, meeravissiartarneq, erninermi sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnitaaseq, upperisaq imaluunniit upperisaqarneq pissutigalugit assigiinngisitsineq pillugu suliassani allaffissornikkut inaarutaasumik aalajangiissapput.

Taamaattumik Naligiissitaaneq pillugu aalajangiisartut suliaq aalajangiiffigereerpassuk, taanna tamatuma kingorna allaffissornikkut suliaqartuni allani misilinneqarsinnaanngilaq. Kisianni suliassaq Inatsisartut Ombudsmandiani aamma eqqartuussivinni misilinneqarsinnaassaaq. Naammagittaallortup suliap Inatsisartut Ombudsmandiani eqqartuussivinniluunniit suliarineqanginnerani Naligiissitaaneq pillugu Aalajangiisartunit suliarinissaa kissaatigineqartillugu nammineq aalajangissavaa, kisianni suliat Inatsisartut Ombudsmandiani eqqartuussivinniluunniit suliarineqartut Naligiissitaaneq pillugu Aalajangiisartunit suliarineqarsinnaanngillat.

Aalajangiinerit aammattaaq pisortat suliassanik suliariinnitarnerannut inatsit naapertorlugu tunngavilersuutitaqassapput. Aalajangiineq isumaqatigiilluni aalajangiinerusimanngippat, aalajangiinerit taasinerit pillugit paassisutissanik imaqqasanersut, suleriaasissami aalajangersarneqassaaq, taamaaliornermi suliimi pineqartut, suliassaq eqqartuussivinnut suliakkiissutigineqassanersoq isumaliuutersuuteqarnerminni, taasinerit inernerisa isumaliuutersuutiminni ilaatinissaannut periarfissaqassallutik.

Imm. 2-mut

Siunnersuutigineqarpoq Naligiissitaaneq pillugu Aalajangiisartut suliimi aalajangeereerpata aalajangiineq pillugu aamma suliap eqqartuussivinni suliassanngortinnejarnissaanut periarfissaqarneq pillugu allatseqarfiup illuatungeriit ilisimatittassagai.

Tamassumaní aamma tamakkiisumik tapersiilluni aalajangiineq pillugu aamma eqqartuussivinni suliassanngortitsisinnaaneq pillugu periarfissaq pillugu illuatungeriit allanngorlugu tamatigut ilisimatinneqartarnissaat qulakkeerniarneqarpoq, tassa taakku Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersumi piumasaqaataammata.

Imm. 3-mut

Siunnersuutigineqarpoq tunngaviusumik aalajangiinerit inuit kikkuunerannik malunnarunnaarsitsilluni tamanut saqqummiunneqartassasut, tassa tamanna inatsimmi pisinnaatitaaffiit pisussaaffiillu ilisimaneqalersinnissaannut sakkummat pingaaruteqartoq. Tassani Kalaallit Nunaanni pissutsit immikkut ittut mianerineqassapput, tassa inuit kinaassutsiannik tamatigut isertuussisoqarsinnaanngimmat. Taamaalilluni tamanut saqqummiussinermi inuit ataasiakkaat ilisarineqariataarsinnaanerat mianerinninnermut sanilliunneqassaaq.

Suliaq tamanit ilisimaneqareerpat, inuit ataasiakkaat ilisarineqariatarsinnaanerannik mianerinninneq annikinnerussaaq.

Suliaq tamanit ilisimaneqareernersoq nalilersorneqavissaq, kisianni suliaq inuit kikkuunerannik ilisarinissinnaajunnaarsillugu tusagassiutini saqqummiunneqarsimanersoq immikkut pingartinneqassaaq.

§ 33-mut

Siunnersuutaavoq Naligiissitaaneq pillugu aalajangiisartut ukiumut ataasiarlutik sulinertik pillugu nalunaarusiortassasut, tamannalu Naligiissitaaneq pillugu aalajangiisartut aalajangiinerik kiisalu suaassuseq, naartuneq, meeravissiartaarneq, erninermut atatillugu sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnittaaseq, upperisaq imaluunniit upperisaqarneq pissutigalugit assigiinngisitsineq pillugu suliassat annertussusaannik, ersarissititseqataassaaq.

Nalunaarummi ukiumi suliarineqartut, tunngaviusumik aalajangiinerit aammalu aningaasaqarnermut tunngasut, soorlu assersuutigalugu aalajangiisartut atuunnerannut aningaasartuutit, aningaasaliissuteqarnermut tunngasut il.il., nassuarneqassapput.

Ukumoortumik nalunaarut Naligiissitaaneq pillugu aalajangiisartut sulinerannut nalinginnaasumut tunngassuteqassaaq, taamaattumik aalajangiinerit kisimik nalunaarummi ilaassanatik, kisianni aammattaaq naammagittaalliutit tiguneqarusunngitsut assigisaallu ilaassallutik.

Nalunaarut ukiup nalunaarusiornermi pineqartup tulliani kingusinnerpaamik 1. maj saqqummersinneqassaaq.

§ 34-mut

Aalajangersagaq pisortat ataatsimiititaliaannut, siunnersuisoqatigiivinut assigisaannullu Naalakkersuisunit pilersinneqartunut tunngassuteqarpoq, suliaqartitat inatsisit naapertorlugit pilersinneqartut ilangullugit. Aamma ataatsimiititaliat, siunnersuisoqatigiit assigisaallu

allaffissornerinnarmut aamma/imaluunniit teknikkinut tunngasut, aalajangersakkap atuuffissaasa iluanniippuit. Ataatsimiitaliat inatsisit naapertorlugin allaffissornermik maleruagassanillu piareersaanermik suliaqartut, siunnersummi pineqartunut aamma ilaatinneqassapput.

Aalajangersagaq naligiissitaanermut inatsimmi atuuttumi § 7-imut, taanna malillugu ataatsimiitalianut, siunnersuisoqatigiinnut, isumalioqatigiissitanut assigisaannullu allaffissornerinnarmut tunngassutilinnut inatsit atuunnani, sanilliullugu allannguutaavoq.

Inatsimmi aalajangersakkat ilaasortangortitsinermi atorneqassanersut, taaguutit ataatsimiitaliaq imaluunniit isumalioqatigiissitat il.il. aalajangiisuuussanngillat. Aamma taaguutit allat, assersuutigalugu aalajangiisartut il.il. atorneqartillugit, suliassat siunnersummi nassuarneqartutut ittuuppata inatsit atutissaaq.

Aalajangersakkami aallaavik erseqqissarneqarpoq, tassalu ataatsimiitaliat il.il. suaassutsinit tamanit amerlaqatigiinnik inuttalersorneqartassasut. Ilaasortaat naligiinngitsumik amerlassuseqartillugit, suaassutsit aappaani amerlanerussutaasoq ilaasortaq ataasiinnaatillugu, suaassutsit arlaasa amerlanerussuteqarnerisa akuersarneqarnerat inatsisip oqaasertalerateratigut takuneqarsinnaavoq.

Ataatsimiitalianut, siunnersuisoqatigiinnut, aalajangiisartunut assigisaannullu ilaasortangortitsinermi, inuup pineqartup pisariaqartunik attuumassuteqartunillu piukkunnassuseqarnera pingartinneqassaaq.

Suaassutsit amerlineqarnerat inatsisilernermi akuerineqarpat, aalajangerikkami naleqqunnerpaamik oqaasertaliinissaq qulakkeerniarlugu inatsit nutarterneqartussaassaaq.

Suliffeqarfintti namminerni ataatsimiitaliat aalajangersakkami ilaatinneqanngillat.

Aalajangersagaq imm. 3 kiisalu imm. 4, litra b eqqaassanngikkaanni, angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi § 32-mik ingerlatitseqqinneruvoq.

§ 35-mut

Imm. 1-imut

Siulersuisuni, sinniisoqarfintti assigisaanillu ataatsimoorussamik aqutsisoqatigiinni Naalakkersuisut ilaasortanik toqqaaffigisartagaanni, angutit arnallu naligiissitaalernissaat aalajangersakkut siunertarineqarpoq. Taamaasiornikkut Naalakkersuisut siulersuisunut il.il. toqqaaneranni, suaassutsit arlaat annerpaamik ilaasortamik ataasiinnarmik arlaminnit amerlanerutillugit katitigaassasut erseqqissarneqarpoq.

Tassalu suaassutsit katitigaanerat imaassaaq: 1:1, 2:1, 2:2, 3:2, 3:3 il.il.

Suiaassutsit aappaanniittut annerpaamik ataasiinnarmik amerlanerutillugit toqqaanissamut Naalakkersuisut pisussaaffilerneqarput. Taamaattoq tamanna ilaasortanut Naalakkersuisut inassuteqaatigisinnaasaannut taamaallaat atuuppoq, ataatsimoorussamik aqutsisoqatigiinnut tamanut tunngatillugu atuumnani.

Sullissivinnut taakkununnga aningaasartuutit annertunerpaatigut Nunap karsianit akilerneqartarpata, imaluunniit aningaasaatit 50 %-ii sinnerlugit Namminersorlutik Oqartussanit pigineqarpata aammattaaq aalajangersagaq sullissivinnut imminnut pigisunut, soqutigisaqaqatigiilluni piginneqatigiiffinnut, aktiaatileqatigiiffinnut piginneqatigiiffinnulu pisortat ingerlatsinerannut ilaasutut oqaatigineqarsinnaanngitsunut atuuppoq.

Siulersuisunut, sinniisoqarfinnut assigisaanillu ataatsimoorussamik aqutsisoqatigiinnut ilaasortanngortitsinermi, inuup pineqartup pisariaqartinnejartunik naleqquettunillu suliatigut piukkunnassuseqarnera annertuumik pingaartinnejassaaq.

Imm. 2-mut.

Aalajangersagaq ingerlatseqatigiiffinnut Naalakkersuisut ilaasortanik tamanik toqqaaffigisangisaannut tunngassuteqarpoq. Taamaattoqarnerani Naalakkersuisut ilaasortaatassaminnik toqqaanerannut atatillugu, aqutsisuni tamani suiaassutsit assigiimmik agguarnissaannut tapertaasumik ilaasortanik toqqaaniarnissaat naapertuussinnaavoq.

Taamaalluni siulersuisuni pineqartuni suaassutsit ikinnerusunik sinniisuutitaqartut tamatumani amerlisinneqarsinnaappata, imm. 1-imi aalajangersagaq Naalakkersuisunit avaqqunneqarsinnaassaaq, takuuk aamma § 9.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi § 7 ingerlateeqinnejarpoq.

Suiaassutsit amerlineqarnerat inatsisilernermeri akuerineqarpat, aalajangerikkami nalequnnerpaamik oqaasertaliinissaq qulakteerniarlugu inatsit nutarterneqartussaassaaq.

§ 36-mut

Imm. 1-imut

Aalajangersagaq suliaqartitaasunut §§ 34-36-mi taaneqartunut oqartussanit kattuffinniillu inassuteqaatinut tunngassuteqarpoq. Suliaqartitaasut taakku assigiissutigaat, tamakkiisumik ilaannaasumilluunniit Naalakkersuisunit toqqarneqartarnerat. Oqartussat kattuffiillu inassuteqartut suaassutsinit tamanit amerlaqatigiinnik ilaasortassanik siunnersuuteqartassapput, tassa imaappoq inissisimaffimmut ataatsimut inassuteqarnermeri angut ataaseq arnarlu ataaseq siunnersuutigineqassapput, inissisimaffinnut marlunnut pingasunullu inassuteqarnermeri angutit marluk arnallu marluk siunnersuutigineqassapput, inissisimaffinnut sisamanut tallimanullu inassuteqarnermeri angutit pingasut arnallu pingasut siunnersuutigineqassapput, il.il.

Imm. 2-mut

Immikkut ittunik pissutissaqarpat, imm. 1-imik inassuteqarnissamut maleruagassaq avaqqunneqarnissaavoq. Assersuutigalugu, ataasiakkaatigut nalilersuineq malillugu suaassutsit naligiissillugit katitigaanissaat, suliamut immikkut ittumik ilisimasaqarnissamik piumasaqaatip ajornartikkaa, imaluunniit oqartussat, sullissivik imaluunniit ingerlatseqatigiiffik il.il. arnanit angutinillu sinniisoqarnissamik periarfissaqanngitsoq. Allattukkat tamakkiisuunngillat.

Inassuteqarnissamut pisinnaatitaasut immikkut ittumik pissutissat taamaattut Naalakkersuisunut nassuiassavai.

Imm. 3-mut

Inassuteqarnermut maleruagassat avaqqunneqarnissaannut immikkut ittumik pissutissaqanngippat, imaluunniit pissutaasutut allassimasut akuerineqarsinnaanngippata, aamma oqartussat, kattuffiit il.il. inassuteqaateqartut arnanik angutinillu inassuteqanngippata, inassuteqaat pineqartoq Naalakkersuisut malinniarnagu aalajangersinnaapput. Oqartussat kattuffiilluunniit §§ 34-36-mi maleruagassanut naapertuuttumik toqqagassanik inassuteqanngitsut, nutaamik inassuteqassapput. Suliaqarfiiit §§ 28-30-mi pineqartunut ilaatinneqartut ilai, suliaqarfimmi pineqartumi immikkut aallartitaqarnissaq qulakteerniarlugu, inatsisitigut pilersinneqarput inatsisinilu aalajangersagaasumik inuttalersugaallutik. Oqartussaq imaluunniit suliaqarfik toqqagassanik kukkusumik inassuteqartoq, nutaamik inassuteqassasoq atuutsilerneratigut, suliaqarfimmi pineqartumi inatsisini aalajangersagaasumik inuttalersuinissamut tunngavigineqartut eqqarsaatigineqassapput.

§§ 34-34-mi siunertarineqartut piviusunngortinniarlugit imm. 3-mi aalajangersagaq atuutsinneqalerpoq.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi § 8 ingerlateqqinnejarpooq.

§ 37-mut

Siunnersuutaavoq Naatsorsueqqissaartarfik suaassutsinut agguagaasumik aningaasarsianut naatsorsueqqissaarneq pillugu nassuaammik suliaqassasoq.

Suaassutsinut agguagaasumik aningaasarsianut naatsorsueqqissaarneq pillugu paasissutissanik nalunaarsukkanik katersinissap qulakteernissaa, aalajangersakkami siunertaavoq, taamaalilluni aningaasarsiat assigiinngissuteqarnerat pillugu ilisimasat katersorneqarsinnaassallutik aammalu suliffeqarnerup suaassutsinut agguagaasup malitsigisinnaasai immikkut ilungersornartut naleqquttimik isumagineqarsinnaassallutik. Tamatuma ingerlaavartumik ukkatarineqarnissaata inatsimmi qulakteerneqarnerani, ilungersornartut taakkua pakkersimaarnissaannut sakkussat eqqortut atorneqarsinnaanissaat qulakteerneqassaaq.

§ 38-mut

Inatsisimmi suaassutsinik naligiissitsinermut tunngasut inuiaqatigiinni pissusiviusuni qanoq atuutsinneqarnerat, inatsisissatut siunnersuut malillugu Naligiissitaanermut Siunnersuisoqatigiit nakkutigisussaavaat, pissusiviusuni atuutsitsilerneq qanoq ingerlanneqarnersoq ilanngullugu. Tamatuma kingorna innuttaasut imaluunniit oqartussat inatsisip suleriaatsikkut malinneqannginneranik misigisaqarsimasut saaffiginnissutigisimasinnaasai pillugit tamanut saqqummiussisinnaalissapput.

Naligiissitaanermut siunnersuisoqatigiit inatsisissatut siunnersuut malillugu sammisassanik naligiissitaaneq pillugu paasissutissanik siammarterisussanik, aamma naligiissitaanermi ajornartorsiutinut attuumassutilinnut tunngasunik oqallitsitsinissamut pisussaaffeqarput.

Naligiissitaanermut siunnersuisoqatigiit pisortat ingerlatsiviinut aammalu sullissiviinut tamanut kiisalu suliffeqarfinnut namminersortunut siunnersuisartutut atutissapput. Naligiissitaanermut siunnersuisoqatigiit aamma sullivinnit aammalu inuiaqatigiinni ataasiakkaanit saaffiginnittooqarnerani siunnersuissapput.

Siunnersuummi naligiissitaanermut siunnersuisoqatigiit aammattaaq inuiaqatigiinni naligiissitaaneq pillugu ilisimasanik katersissapput, ineriertortitsissapput paasissutissiissallutilu kiisalu naligiissitaaneq pillugu paasissutissanik tamat malinnaatissallugit. Taamaaliornermi tamatigut naligiissitaaneq pillugu ilisimasat, politikkikkut suliniutissanut kiisalu ilisimatusarnikkut suliniuteqarnernut tunngavissatut atorneqarsinnaasut, nutarterneqartuaannarnissaat qulakkeerneqassaaq.

Naligiissitaanermut siunnersuisoqatigiit aamma avataani peqataasunit il.il. misissuinernut inniminniinernik akilertinnissamut periarfissaqassapput.

Tamatuma saniatigut suliassat nammineq toqqarneqarsinnaasut arlaqartut inatsimmi aalajangersarneqarput. Tamatumunnga siunertaavoq suliassat inatsisitigut pisussaaffiusut naammassereernerisa kingorna, Naligiissitaanermut Siunnersuisoqatigiit suliassanik sorlernik salliutitsisaneranut malittarisaqarnissaata qulakkeernissaa. Suliassanik toqqarneqarsinnaasunik allattukkat tamakkiisuunngillat, kisianni Naligiissitaanermut Siunnersuisoqatigiit sulinerannut sammivissamut malittarisanik takutitsisuuginnarlutik.

Suliassat toqqarneqarsinnaasut tassaapput pisortat sullissiviini suliffeqarfinnilu naligiissitaanermut sinniisunut Naligiissitaanermut Siunnersuisoqatigiit ikuuttussaanerat. Maluginiarneqassaaq Naligiissitaanermut Siunnersuisoqatigiit siunnersuinissamut pisussaaffeqarmata, kisianni toqqaannartumik ikorsiinissaq nammineq toqqagassaalluni. Aammattaaq iliutsinut naligiissitaanermut tunngasunut isumassarsianik siunnersuutinillu oqartussaasunut assigisaannullu suliaqarnissaq Naligiissitaanermut Siunnersuisoqatigiit toqqarsinnaavaat, taamatullu arnat angutillu tamarmik immikkut suliarisartagaannut nuanninngitsumik isummertarnerup samminissaa Naligiissitaanermut siunnersuisoqatigiit

toqqarsinnaallugu. Taamatuttaaq pisortat sullissiviinik imaluunniit kattuffinnik suaassutsimut attuumassuteqartumik persuttaasarnermik akiuiniarnermik suliaqartunik suleqateqarnerup aallartinnissa, Naligiissitaanermut Siunnersuisoqatigiit toqqarsinnaavaat, soorlu aamma sullivinni naligiissitaanerup siuarsarnissaanut Naligiissitaanermut Siunnersuisoqatigiit aamma periarfissaqarlutik, naligiimmik aningaasarsiaqarneq ilanngullugu.

Imm. 5-imut

Siunnersuutaavoq naligiissitaanermut siunnersuisoqatigiit ukiumut ataasiarlutik suliaqarnertik pillugu nalunaarummik saqqummiisassasut, tamanna siunnersuisoqatigiit sulinerannik ersarinnerulersitseqataassalluni. Ukiumoortumik nalunaarut naligiissitaanermut siunnersuisoqatigiit nalinginnaasumik suliaqarnerannut tunngassuteqassaaq, kisianni aamma naligiissitaanermut siunnersuisoqatigiit siunnersuinermik suliaqarnerannut assigisaannullu tunngassuteqassalluni.

Aalajangersagaq imm. 3, imm. 4, litra b kiisalu imm. 5 eqqaassanngikkaanni, angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi § 27-mik ingerlatsitseqqiineruvoq.

§ 39-mut

Imm. 1-imut

Naligiissitaanermut siunnersuisoqatigiit allattoqarfipuk ukiumoortumik aallussivigisassai suliniuteqarfifigisassalaal aalajangersassavaat. Tamatumani atituumik suliatigut inuaqatigiinnilu ilisimasanut tunngavissat allattoqarfipuk sammivianut aallussineranullu aallaavigineqarnissaat qulakkeerneqassaaq.

Ukiumoortumik aallussivissat suliniuteqarfissallu § 38 naapertorlugu Naligiissitaanermut siunnersuisoqatigiit suliassai inatsimmi aalajangersagaasut aallaavigalugit aalajangersarneqassapput.

Imm. 2-mut

Naligiissitaanermut siunnersuisoqatigiit naligiissitaanermut suliassaqarfimmi periusissianik allattoqarfik ineriartortitsinermik ikiussavaat. Soorlu tassaasinnaapput naligiissitaaneq pillugu periusissiat, attaveqaqatigiinneq aammalu ilisimasanik siammerterineq.

Naligiissitaanermut siunnersuisoqatigiit naligiissitaanermut suliassaqarfimmi periusissianik ineriartortitsinermut sunniuteqarnissaat, aalajangersakkami qulakkeerneqarpoq.

§ 40-mut

Aalajangersakkami erseqqissarneqarpoq Inatsisartut, Naalakkersuisut, kommunit allallu pisortani oqartussat apeqqutini tamani nalinginnaasunut tunngasuni, inuaqatigiinni naligiissitaanermut pingaaruteqartuni naligiissitaanermut siunnersuisoqatigiinnik

isumasiuusinnaasut, ilaatigut naligiissitaanermi soqutigisat inuiaqatigiinni pilersaarusiornermi isiginiarneqartarnissaat qulakkeerniarlugu.

Aalajangersagaq malillugu politikkikut suliaqarfiit taamatullu pisortat ingerlatsivii saaffiginnissinnaapput. Politikkikut suliaqarfiit aamma pisortat ingerlatsivii, qaqugukkut saaffiginninnissaq naleqqunnersoq, nammineerlutik aalajangissavaat.

§ 41-mut

Naligiissitaanermut siunnersuisoqatigiit apeqqutit suliassaqarfiannut tunngassuteqartut pillugit killilersugaanngitsumik oqaaseqarsinnaapput.

Oqaaseqaat kimut tunngatinneqassanersoq Naligiissitaanermut siunnersuisoqatigiit namminneerlutik aalajangissavaat. Oqaaseqarfingineqartoq assersuutigalugu tassaasinnaavoq pisortani ingerlatsiviit assigiinngitsuni inissisimasut, kattuffit namminersortut, niuernermik ingerlataqartut il.il. Naligiissitaanermut siunnersuisoqatigiit taamaalillutik assersuutigalugu tamatigut ingerlatsivinnut oqaaseqaatimik tunngatinnissaannut pisussaaffeqanngillat, kisianni sulianni tamanna naapertuunnerusorineqarpat namminersortunut, tusagassiorfinnut il.il. saaffiginnissinnaallutik.

Naligiissitaanermut siunnersuisoqatigiit namminneerlutik kissaatigisaattut oqaaseqaateqarsinnaapput.

Naligiissitaanermut siunnersuisoqatigiit taamaalillutik isummatik sunniuteqarluarnerpaatut saqqummiussinnaavaat, assersuutigalugu tusagassiutitigut nalunaaruteqarnermikkut, oqalugiarnikkut, apersuinikkut aammalu oqallinnerni aamma raatiumi TV-milu aallakaatitassiani peqataanermikkut.

Oqaaseqaatit inatsisitigut pisussaaffiliinngillat, tassa imaappoq taakkua aalajangiinernut tunnganngillat, kisianni tigusisussamut ilitsersuinerullutik.

Pissutsit eqqartuussivinni aalajangiiffingineqarpata imaluunniit suliassaq eqqartuussivinni imaluunniit Naligiissitaaneq pillugu aalajangiisartuni suliarineqarluni ingerlanneqartillugu, pissutsit inatsisink naammassinninnerat pillugu Naligiissitaanermut siunnersuisoqatigiit oqaaseqarsinnaanngillat. Naligiissitaanermut siunnersuisoqatigiit aamma suliami pasisaasoqarpat imaluunniit unnerluussaasoqarpat, suliassani politiinit misissorneqartuni oqaaseqarsinnaanngillat.

Naligiissitaanermut siunnersuisoqatigiilli pissusiviusuni inatsisitigullu inissisimanerit, Naligiissitaaneq pillugu aalajangiisartut imaluunniit eqqartuussiviit aalajangiineranni imaluunniit politiit misissuineranni qulaajarneqartut, isornartorsiorsinnaavai.

§ 42-mut

Naligiissitaanermut siunnersuisoqatigiit toqqaanerup ingerlanneqareernerani inuttalersorneqassapput, siunnersuisoqatigiit ataatsimoortut suliassaqarfinni pingaarutilinni naligiissitaanermut tunngassutilinni atituumik paasisimasaqarnissaat qulakkeerneqartussanngorlugu.

Suliassaqarfinni taakkunani pineqartunut ilaatinneqarput suliffeqarnermi, meeqqat inuusuttullu pisinnaatitaaffiini soqutigisaannilu kiisalu suaassutsit inooqatigiinnermi inuaqatigiinnilu inisisimanerinut tunngassutillit.

Kalaallit Nunaanni Naligiissitaanermut siunnersuisoqatigiinni ilaasortangortitsinermi pingoartinneqartariaqarpoq ilaasortangortussat:

- pisariaqartunik piginnaasaqartut
- inissismaffimmi pisariaqartumik ataqqinassuseqartumik pissusilersussasut, suliaqarnerup ingerlannerani avataanilu
- naligiissitaanermut siunnersuisoqatigiit suliassaannik naammassinninnissamut iliuuseqarluni peqataassasoq
- piumasaqaatini naligiissitaanermut siunnersuisoqatigiit inatsit manna naapertorlugu sulinerminni aallaavigisaanni ilaassasoq
- naligiissitaanermut siunnersuisoqatigiinni sulinerminnut aporaassinnaasunik allanik suliaqarunik, naligiissitaanermut siunnersuisoqatigiinnit tunuassasut.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi § 28 ingerlateqqinnejarpooq.

Kalaallit Nunaanni Naligiissitaanermut siunnersuisoqatigiit politikkikkut arlaannaannulluunniit attuumassuteqanngillat, tamatumalu kingunerisaanik siunnersuisoqatigiit naalakkersuisoqarfinni sulisut nalinginnaasumik qaffasissutsitut inissitsiternerisa avataaniillutik. Tassa imaappoq, manna inatsisissatut siunnersuummi aalajangersarneqartut saniatigut naalakkersuisoqarfiup qullersatut pisinnaaffii atorneqarsinnaanngitsut. Taamaalillutik Kalaallit Nunaanni Naligiissitaanermut Siunnersuisoqatigiit suliatik inatsisitigut sinaakkusiussat iluini namminneq aalajangersassallugit pisinnaatitaaffigaat. Taamaaliornikkut Naligiissitaanermut siunnersuisoqatigiit sulineranni politikkikkut anguniakkanit allanit sunnerneqannginnissaat qulakkeerneqassaaq.

§ 43-mut

Aalajangersagaq naligiissitaanermut siunnersuisoqatigiinnut ilaasortassanik inassuteqarernut tunngassuteqarpoq. Naligiissitaanermut siunnersuisoqatigiit politikkikkut arlaannaannulluunniit attuumassuteqannginnissaat qulakkeerniarlugu, kattuffiit, sullissiviit il.il. inassuteqarneri malillugit ilaasortat tamaasa, siulittaasoq ilanngullugu Naalakkersuisut toqqassavaat.

Imm. 2-5-imikattuffiit assigiinngiaartut sisamat allattugaapput, tassaallutik suliffeqarneq, meeqqat inuusuttullu, ilinniartitaaneq ilisimatusarnerlu kiisalu suaassutsit inissisimaffii. Kattuffiit, sullissiviit il.il. tamarmik, suliassaqrfinnik taakkuninnga suliaqartut imaluunniit taakkuninnga sullisisut, naligiissitaanermut siunnersuisoqatigiinnut ilaasortassanik inassuteqarnissamut pisinnaatitaapput.

Toqqagassatut inassutigineqartut suliffeqarnermi pissutsinik, sulinermik inuussutissarsiuteqartut aamma sulisitsisut pisinnaatitaaffii, pisussaaffii soqtigisaalu, meeqqat inuusuttullu pisinnaatitaaffii soqtigisaalu ilanngullugit, atugarissaarnermut, ineriartornermut ilinniartitaanermullu tunngasut imaluunniit suaassutsit inooqatigiinnermi inuiaqatigiinnilu inissisimaneri ilanngullugit, suaassutsit ataasiakkaat pisinnaatitaaffii, pisussaaffii soqtigisaalu ilanngullugit paasisimasaqassapput.

Kattuffinnit assigiinngiaartunit ataasiakkaanit tamanit ilaasortamik ataatsimik marlunnilluunniit toqqaanissamut Naalakkersuisut pisussaaffeqarput. Taamaasiornikkut siunnersuisoqatigiit tamatigoortut, inuiaqatigiit pisariaqartitaannut ineriartortuartunut tulluarsarneqarsinnaasut pilersinnissat qulakteerneqassaaq.

Naalakkersuisut aaqqissuuussaanernit innersuutaanngitsunik ilaasortanik allanik toqqaanissamut Imm. 7-imiperiarfissinneqarput. Ilasortat taakku naligiissitaanermut tunngasunut sinnisuussapput.

Naligiissitaaneq pillugu aalajangiisartunut ilaasortatut aallaaviatigut taamaallaat inassutigineqarsinnaapput inuit kommunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit Inatsisartut inatsisaanni qinigaasinnaaneq pillugu maleruagassat malillugit kommunalbestyrelsimum qinigaasinnaasut.

Kattuffiit, sullissiviit, peqatigiiffiit il.il. inassuteqartut, suaassutsit naligiimmik agguarlugit naligiissitaanermut siunnersuisoqatigiit inuttalersorneqarnerat qulakteerniarlugu, suaassutsinit tamanit ilaasortassanik amerlaqatigiinnik inassuteqarnissamut pisussaaffeqarput.

Naalakkersuisut, kattuffiit, peqatigiiffiit, sullissiviit il.il. sorliit naligiissitaanermut siunnersuisoqatigiinnut toqqagassanik inassuteqarnissamut pisinnaatitaanersut pillugu maleruagassanik erseqqinnerusunik aalajangersaaffiusumik, nalunaarusiorissamut piginnaatinneqarput, tamatumunnga kattuffiit qanoq ataavartitsinissaannut pitsaassutsikkut piumasaqaatit, pilersitsinermi tunngaviusut, inassuteqarsinnaatitaanissamut tunngavigisat il.il. ilanngullugit. Taamatut piginnaatitsissuteqarnermut pissutaavoq, inassuteqarnerup ingerlanerata eqaatsumik ingerlaannarnissaata qulakteernissaa, taamaasillunilu inuiaqatigiit ineriartornerannut malinnaasinnaanissaq.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi § 29 ingerlateqqinnejarpooq.

§ 44-mut

Aalajangersakkap malitsigisaanik, piumasaqaatit taaneqartut naammassineqarpata, Naalakkersuisut naligiissitaanermut siunnersuisoqatigiinni ilaasortamik piffissaliussap ukiunik sisamanik sivisussusillip qaangiutinnginnerani tunuartitsisinnaapput. Aalajangersagaq aamma siulittaasumik tunuartitsinermut tunngassuteqarpoq.

Aalajangersagaq naligiissitaanermut siunnersuisoqatigiit politikkimut attuumassuteqannginnissaannik qulakkeerinneqataassaaq, tassami ersarissumik allassimavoq pisuni qanoq ittuni ilaasortaq tunuartinneqarsinnaanersoq. Peqatigisaanik aalajangersakkap malitsigisaanik, sukanninngitsumik aalajangersimanngitsumillu ilaasortanik taarsiinissamut periarfissaqanngilaq, taamaaliornikkut naligiissitaanermut siunnersuisoqatigiit ingerlalluarsinnaassusaat politikkikkullu attuumassuteqannginnera illersorneqarluni.

Piumasaqaatinut allattuiffimmi allattorneqartut tamakkiisuupput.

Nr. 1-imut

Ilaasortap suliassaminik suliarinninnermini annertuumik sumiginnaasimanera ima paasineqassaaq, assigiaanik arlalinnik kukkunikku imaluunniit ataatsimik annertuumik kukkunikku, ilaasortaq naligiissitaanermut siunnersuisoqatigiinni ilaasortaanissamut naleqqutinngitsoq, uppernarsarneqartoq.

Ilaasortap tungaanit sakkortuumik pisoqarsimalluni pisimasut kisimik, ilaasortap tunuartinneqarneranik malitseqarsinnaasussaapput. Peqatigisaanik kukkunerit assigiaat arallit imaluunniit kukkuneq annertooq ataaseq, ilaasortap siunissami isumannaatsumik suliaqarnerminik ingerlatsisinnaannginneranik ilimatsaassinermut tunngavigneqassapput. Ilaasortap suliassaannik suliarinninnermi annertuumik sumiginnaaneq aamma ima paasineqassaaq, ilaasortaq atuuttumik tunngavissaqarani naligiissitaanermut siunnersuisoqatigiit ataatsimiinnerannut takkutinngitsoortoq.

Tamatuma saniatigut maleruagassami, Naligiissitaanermut siunnersuisoqatigiit ukiumut nalunaarusiunngippata kiisalu siunnersuisoqatigiit suliaminni naammaginartumik siuariartungippata nr. 1-ip ataaniittut erseqqissarneqarpoq. Tamatuma naligiissitaanermi suliap ingerlaannarnissaa kiisalu siunnersuisoqatigiit ammasumik ingerlanissaat qularnaarniarlugu.

Naligiissitaanermut siunnersuisoqatigiit sulinerat naammaginanngitsoq Naligiissitaanermut Siunnersuisoqatigiit ukiumoortumik nalunaarusiaanni takuneqarsinnaatillugu aalajangersakkap 1-ip ataaniinera erseqqissarneqarpoq, Tamassumani naligiissitaanermut siunnersuisoqatigiit sulinerisa ingerlaavartunissaa siunnersuisoqatigiillu sulinerisa erseqqissuunissaa qulakkeerniarneqarput.

Nr. 2-mut

Ilaasortap suliassaasa toqqisisimanartumik ilaasortap suliarisinnaagai tatiginninneq annertuumik annikillisillugu iliuuseqarsimaneq ima paasineqassaaq, ilaasortaq nakkarsaasumik pissusilfersorsimaneq pissutigalugu taartisiassamik akiliinissamut pisussaaffilerneqarsimasoq. Taamatuttaaq ilaasortap naligiissitaanermut siunnersuisoqatigiit ataatsimiinnerannut imigassartorsimalluni imaluunniit aangajaarniutinik atuisimalluni takkunnera, ilaasortap suliassanik toqqisisimanartumik suliarinnissinnaaneranik tatiginninneq annertuumik annikillisillugu iliuuseqarnerusussaavoq. Aamma ilaasortaq siunnersuisoqatigiinni ilaasortaanerup ingerlannissaanut naleqqutinngitsumik pissusilfersorsimanera tassani pineqarsinnaavoq.

Nr. 3-mut

Ilaasortap tunuartinneqarnissaanut inassuteqaat allaganngorlugu tunniunneqassaaq aammalu tunngavilersorneqassalluni. Inassuteqaat minnerpaamik naligiissitaanermut siunnersuisoqatigiinni ilaasortanit sisamanit atsiorneqarsimassaaq. Ilaasortat tamarmik, aamma siulittaasoq, inassuteqaammut atsiornissamut periarfissaqarput. Taamaattoq ilaasortaq inassutigineqartoq, inassuteqaammik tunniussineq pillugu suliamut attuumassuteqarpallaartussaavoq.

Naalakkersuisut suliami pisunik sukumiisumik misissuineranni suliap naammattumik paassisutissartaqartinnissaanut tunngaviusoq malinneqartussaavoq, tamatumalu malitsigisaanik paassisutissat allaganngorlugu tunngavilersuutigineqartumi inassuteqaammut ilanngunneqartumi allassimasut misissorneqartussaapput. Misissuinerup malitsigisaanik, najoqquqtassatigut eqqortumik aalajangiisoqarsinnaalinnginnerani, annertunerusunik misissuisoqartussaasimappat, Naalakkersuisut tamatuminnga pisussaaffeqarput.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi § 30.

§ 45-mut

Naligiissitaanermut siunnersuisoqatigiit suleriaasissamik suliaqassapput. Aalajangersakkami naligiissitaanermut siunnersuisoqatigiit inatsisip killissaasa iluanni sulinerminnik nammineerlutik aaqqissuussinissamut periarfissinneqarput. Suleriaasissaq assersuutigalugu ataatsimiinnerit amerlassusissaat, aammalu ataatsimiinnerit qanoq ilimasaarutigineqartassanersut pillugit aalajangersakkanik imaqarsinnaapput. Taanna taamatuttaaq siunnersuisoqatigiit siulittaasup tullianik toqqaanissamut periarfissaqarnerannut tunngasunik aalajangersakkanik imaqarsinnaavoq.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi § 31 ingerlateqqinnejarpod.

§ 46-mut

Aalajangersagaq manna malillugu Naligiissitaanermut siunnersuisoqatigiit allattoqarfimmik pilersitsissapput, aammalu allattoqarfimmi sulisuni atorfinitisiniissamut soraarsitsinissamullu piginnaatitaallutik. Taakkunani tamani naligiissitaanermut siunnersuisoqatigiit nammineerlutik aammalu arlaannaannulluunniit attuumassuteqaratik inisisimanerat erseqqissarneqarpoq. Allattoqarfiup naligiissitaanermut siunnersuisoqatigiit ulluinnarni sulinerat isumagisarissavaa.

Tamatuma saniatigut Naligiissitaanermut siunnersuisoqatigiit allattoqarfiani sulisunut atorfinitisiniermut soraarsitsisarnermullu atugassarititaasut aalajangersakkami maleduagassiivigineqarput. Sulisunut atugassarititaasut Namminersorlutik Oqartussani pisortani sulisunut maleduagassanut isumaqatigiissutinullu sukkulluunniit atuuttunut naapertuitissapput.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi § 32 ingerlateqqinneqarpoq, taamaattoq allattoqarfik nammineertuussasoq piumasaqaataajunnaarluni. Naligiissitaanermut siunnersuisoqatigiit siunnersuisoqatigiinnik, aalajangiisartunik, oqaaseqartartunik il.il. allattoqarfimmit sullinneqarnissaat pillugu siunnersuisoqatigiit suleqateqarsinnaanermut periarfissillugit, allannguummi ammaassisooqarpoq.

§ 47-mut

Oqaatigineqassaaq Naligiissitaanermut siunnersuisoqatigiinni ilaasortatut sulineq Namminersorlutik Oqartussat Qinikkatut Pisortanillu Toqqakkatut suliaqarneq il. II. Pillugu nalunaarutaat nr. 30, 1. septembarimeersup atuuffissaanni pineqartunut ilaatinneqanngitsut.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi § 34 ingerlateqqinneqarpoq.

§ 48-mut

Aalajangersakkami siunertaavoq, siunnersuisoqatigiit sulinerannut aningaasaliissutit qanoq annertutigisut aningaasanut inatsisissatut siunnersummi ilanngunneqassanersut, nallilersuinissamut Naalakkersuisut tunngavissinneqarnissaat.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi § 35 ingerlateqqinneqarpoq.

§ 49-mut

Imm. 1-imut

Aalajangersakkami Naligiissitaanermut siunnersuisoqatigiit immikkut naatsorsuutinut kukkunersiuinermullu pisussaaflerneqarput. Ukiumoortumik naatsorsuutit suliarineqartut kukkunersiusumit kukkunersiorneqassapput. Kukkunersiusut arlaat atorneqassanersoq Naligiissitaanermut siunnersuisoqatigiit nammineerlutik toqqassavaat. Kukkunersiusumut aningaasartuutit Naligiissitaanermut siunnersuisoqatigiinnut ukiumoortumik aningaasaliissutit iluanniitinneqassapput.

Aalajangersakkami angutit arnallu naligiissitaanissaat pillugu Inatsisartut inatsisaat nr. 3, 29. November 2013-imeersumi § 36 ingerlateqqinnejarpooq.

Imm. 2-mut

Ukiumoortumik naatsorsuutit kukkunersioriikkat ukiut tamaasa kingusinnerpaamik 1. Septemberimi Naalakkersuisunut tunniunneqassapput.

Tamatumani qulakteerneqarpoq, aningaasaliissutit qanoq atorneqarnersut Naalakkersuisut paasitinnissaat.

§ 50-imut

Inatsimmi aalajangersakkat malillugit taarsiivigineqarnissap akuerineqarnissaanut periafissaq aalajangersakkami atuutsinneqalerpoq. Akiliut Naligiissitaaneq pillugu Aalajangiisartuni imaluunniit eqqartuussivinni aalajangersarneqarsinnaavoq.

Tamanna assersuutigalugu isumaqarpoq, inuk kinguaassiutitigut innimiilliorfigitinneqarsimasoq, imaluunniit pissusiviusuni pisoqarsimasoq toqqaannartumik imaluunniit toqqaannangitsumik assiginngisitsisoqartoq ilimagissallugu pissutissaqalersitsisumik, upernarsarsimallugu, assiginngisitsinnginnissamut tunngaviusoq malinnejarsimanngitsoq ilumuunnginnerarlugu sulisitsisup upernarsarsinnaanngippagu, taarsiivigineqartussaatitaavoq, takuuk siunnersuummi § 50.

Taarsiinissamut maleruagassat nalinginnaasut malillugit taamatuttaaq pineqartup taarsiivigineqarnissaa, aalajangersakkami akornuserneqanngilaq. Inuk eqqunngitsumik pineqarnerminut atatillugu aningaasaqarnikkut annasaqaruni, suli taarsiivigineqarnissaminik qinnuteqarsinnaavoq. Peqatigisaanik inuk inatsit manna naapertorlugu taarsiivigineqarnissaa akuerineqarsinnaavoq. Assersuutigineqarsinnaavoq sulinermik inuussutissarsiuteqartoq nakkarsaaneq pissutigalugu napparsimalersimasoq. Sulinermik inuussutissarsiuteqartoq taamatut pisoqarnerani inatsit manna naapertorlugu taarsiivigineqarsinnaatitaassaaq. Suliffimmit napparsimalluni nalunaarutiginninnermi taamaallaat napparsimanermi ullormusiaqarsinnaatitaagaanni, sulilluni aningaasarsiassanik annasaqarneq pillugu piumasqaateqartoqalersinnaavoq, nalinginnaasumik taarsiisarnermut maleruagassat malillugit matussuserneqartussatut qinnutigineqarsinnaasunik.

Taarsiivigineqarnerup annertussusaa allanngorartinneqarsinnaassaaq aammalu eqqartuussivinni suleriaatsimut atatillugu aalajangersarneqassalluni, taamaalillunilu inuaqatigiinni inerriartorneq malinneqassalluni.

§ 51-imut

Aalajangersagaq sulinermik inuussutissarsiuteqartunut, naartuneq, erninermi sulinngiffeqarneq meeravissiartaarnerlu pissutigalugit soraarsitsinnginnissap illersorneqarneranut tunngassuteqartumik, unioqqutitsilluni soraarsinnejqarsimasunut, taarsiissutissap annertussusissaanut tunngassuteqarpoq.

Taarsiissutissap annertussusissaanik naatsorsuinermi allatigut soraarsinnejqartup piffissaq suliffigisaa aammalu pisut allat taarsiissutissap annertussusaanut sunniuteqartussat, sillimaffigineqassapput. Pisut taamaattut assersuutigalugu tassaapput erninermi sulinngiffeqarnerup sivisussusaa aammalu soraarsitsinermut tunngatillugu pisut.

Taarsiissut Naligiissitaaneq pillugu Aalajangiisartunit aamma eqqartuussivinnit aalajangersarneqarsinnaavoq.

§ 52-imut

Aalajangersagaq sulinermik inuussutissarsiuteqartup aningaasarsiaanni § 15 unioqqutinnejqarsimatillugu taarsiissutissap annertussusissaanut tunngassuteqarpoq. Sulisitsisup naligiimmik aningaasarsiaqartitsinissaq naligiimmillu aningaasarsianut atugassaqartitsinissaq pillugit maleruagassat malinnagit aningaasaqarnikkut iluanaaruteqannginnissaa qulakkeerniarlugu, taarsiissutissap angissusaa aningaasarsiat assigiinngissutaannut aalajangersarneqarpoq.

Naligiimmik aningaasarsianut atugassaqartitsisoqarsimanani pisoqarsimatillugu, aningaasarsianut atugassaritaasut taarsiissutissap naatsorsorneqarnerani aningaasaqarnikkut nalilerlugit naatsorsorneqassapput. Assersuutigalugu sulinermik inuussutissarsiuteqartoq sulisutut ajunngitsorsiassatut akeqanngitsumik internetseqarpat, atuisuunerup aningaasaqarnikkut nalinga katillugit aningaasarsiani naatsorsuinermi ilanngunnejqassaaq.

Piumasaqaatit Naligiissitaaneq pillugu Aalajangiisartunit aamma eqqartuussivinnit aalajangersarneqarsinnaavoq.

§ 53-imut

Sulinermik inuussutissarsiuteqartunut, aalajangersakkat § 12-imi taaneqartut naapertorlugit equnngitsumik soraarsinnejqarsimasunut, taarsiissutissanik naatsorsuinermi soraarsitsinermi piffissaq suliffigisap sivisussusaa sillimaffigineqassaaq.

Tamanna attuumassuteqarpoq, tassami piffissaq suliffigisaq pineqartup soraarnissaata ilimasaarutigineqarnerani sivisussusissamut sunniuteqarmat.

Tamatuma saniatigut suliami pisut allat taarsiissutissap angissusaanut sunniuteqarsinnaapput. Assersuutigalugu soraarsitsineq naligiimmik aningaasarsiaqarnissamik imaluunniit naligiimmik aningaasarsianut atugassaqartinneqarnissamik piumasaqaateqarneq pissutigalugu pisimappat, soraarsinneqartoq aningaasarsiat assigiinngissutaannik imaluunniit aningaasarsianut atugassarititaasut aningaasaqarnikkut nalingannut naapertuuttumik taarsiivigineqarnissamik pisinnaatitaassaaq.

Piumasaqaatit Naligiissitaaneq pillugu Aalajangiisartunit aamma eqqartuussivinnit aalajangersarneqarsinnaavoq.

§ 54-imut

Aallaaviatigut Kalaallit Nunaanni inatsisit malillugit toqqaannartumik uppernarsaasoqartussaavoq. Tamatuma malitsigisaanik piumasaqaateqarsinnaalluni oqariartuuteqartup, piumasaqaateqartussaanini uppernarsartussaavaa.

Uppernarsaatinik naliliinissaq aallaaviatigut killilersugaanngilaq, tamannalu isumaqarpoq eqqartuussisoq pineqartoq qaqugukkut uppernarsaasoqarsimanersoq naliliinissamut nammineerluni aalajangiisussaasoq. Tamatuma malitsigisaanik uppernarsaanerit assigiinngitsut qanoq pingartinneqassanersut, eqqartuussisoq nalinginnaasumik nammineerluni aalajangiisissaavoq. Taamaaliornermi eqqartuussisup toqqaannartumik uppernarsaanissaq pillugu tunngaviusoq naleqqussarsinnaavaa.

Imm. 1-imut

Aalajangersagaq toqqaannartumik uppernarsaanissaq pillugu aallaaviusumut naleqqussaaneruvoq. Tassani inuk inatsimmi aalajangersakkanit innarligaasimasutut imminut isigaluni pisoqartillugu uppernarsaanissaq avitaavoq. Inatsisip atuutsinneqarnissaa eqqarsaatigalugu naleqqussaaneq atuutsinneqalerpoq, tassami suaassuseq, naartuneq, erninermi sulinngiffeqarneq, kinguaassiutitigut sammivik, suaassutsini kinaassuseqarneq, suaassutsimik takutitsineq, suaassutsit ilisarnaataat, kingoqqiffik, ammip qalipaataa, inuiaqatigiinni, inooqatigiinnermi imaluunniit inuianni pinngorfik, innarluuteqarneq, ukiut, politikkikkut isiginnttaaseq, upperisaq imaluunniit upperisaqarneq tunngavilersuutigalugit inatsisinik unioqqutitsilluni assigiinngisitsinerup uppernarsinissaa, eqqunngitsuliorfigineqartumut ajornakusoorsinnaammatt.

Taamaalilluni eqqunngitsuliorfigineqartup uppernarsaanissa qasukkartinneqarpoq, tassami pineqartoq assigiinngisitsisoqarsimasoq uppernarsaasussaajunnaarmat, kisianni piissusiviusuni pisut, inatsisinik unioqqutitsilluni assigiinngisitsisoqarsimasoq ilimatsaassinermk malitseqartut, kisimik uppernarsisussaallugit.

Killormoortumik uppernarsaanissaq pillugu maleruagassat qasukkarneqartoq Europap EU-mi eqqartuussiviini sulisaatsikkoortumik, tamatumalu kingorna EU-p malittarisassiaata 97/80/EF, 15. december 1997-imeersup atuutilernerani, atuutsinneqalerpoq. EU-mi maleruagassat ilusilersorneqarneranni naligiimmik pinissamut tunngaviusumik atuutsilsilernermut sunniuteqarluartitsinissap eqqarsaatigineqarnera tunngavigineqarpoq. EU-mi suliassaqarfimmi eqqartuussineq siulleq naligiimmik aningaasarsiaqarnissamut tunngassuteqarpoq (Suliaq 109/88), tassani aalajangersarneqarluni, suliffeqarfiup aningaasarsianik aalajangersaariaaseq paasiuminaalluinnartoq atorpagu, sulisup arnap inummut najoqqutassat annertuit tunngavigalugit uppernarsarpagu arnanut sulisunut agquaqatigiissillugu aningaasarsiat angutit aningaasarsiaannit appasinnerusut, aningaasarsianut politikki ingerlanneqartoq assigiinngisitsinermut takussutissaanngitsoq, sulisitsisup uppernarsartussanngorlugu.

Assigiinngisitsinermut suliani pineqartup sanngiinnerusup illersornissaa pillugu taamatut eqqarsariaaseqarnerup, Europami inatsisini arlalinni uppernarsaanissaq pillugu maleruagassat sunnerpai, tamannalu angutit arnallu naligiissineqarnissaasa, inuaassutsini assigiinngisitsinerup aamma innarluuteqarneq pissutigalugu naligiissitaanerup iluanni Europami eqqartuussivinni suleriaaseqarnermi aalajangersimasumik ilaatinneqartoq takuneqarsinnaavoq.

Imm. 2-mut

Aalajangersagaq imm. 1-imu maleruagassamut ilaatisinnginnermut tunngassuteqarpoq. Allaaviatigut inuk naligiimmik aningaasarsiaqarnissamik imaluunniit naligiimmik aningaasarsianut atugassaqartinneqarnissamik piumasaqaammik saqqummiussinini pissutigalugu eqqunngitsumik soraarsinneqarluni isumaqartoq, ilaatigut uppernarsaasussaassaaq, imm. 1-imut nassuaatit takukkit.

Aalajangersakkap malitsigisaanik sulinermik inuussutissarsiuteqartoq naligiimmik aningaasarsiaqarnissamik imaluunniit naligiimmik aningaasarsianut atugassaqartinneqarnissamik piumasaqaammik saqqummiussinermi kingorna ukioq ataaseq tikillugu qaangiunnerani soraarsinneqarluni pisoqartillugu, killormoortumik uppernarsasoqartussaavoq.

Oqaatsip killormoortumik uppernarsaanissap malitsigisaanik, soraarsitsinerup piumasaqaatit saqqummiunneqartut pissutigalugit pisimanerata ilimagineqarnerani, taamaattumik sulisitsisup uppernarsartussaavaa soraarsitsineq assigiinngisitsinnginnissamut tunngaviusumik unioqqutitsinerunngitsoq.

Sulinermik inuussutissarsiuteqartut eqqunngitsumik taamatut soraarsinneqarnissamut illersorniarlugit aammalu sulisitsisut assigiinngisitsinnginnissaq pillugu piumasaqaammik saqqummiussineq pissutigalugu tunngavissaqanngitsumik soraarsitsineq, allamik tunngavilimmik soraarsitsinermut tunngasunngortillugu, assigiinngisitsinnginnissamut tunngaviusumik avaqquataarinissaat pinngitsoortinniarlugu, ilaatisinnginnej atuutsinneqalerpoq. Sulisut tunngavissalimmik pissuteqartumik soraarsinneqangajalerlutik

pasitsaassineq pissutigalugu, aalajangersagaq manna malillugu soraarsitsinissamut illersuineq atorluarniarlugu, naligiimmik aningaasarsianut atugassaqartinneqarnissaq pillugu piumasaqaammik saqqummiussisut, illersorneqarnissaat aalajangersakkami siunertaanngilaq. Tamanna atuutissaaq, sulisoq naligiimmik aningaasarsianut atugassarititaasut pilligit piumasaqaammik saqqummiussinissaq sioqqullugu ataasiarluni arlaleriarluniluunniit uppernarsarneqarsinnaasumik mianersoqqusummik tigusaqarsimappat.

Imm. 3-mut

Sulisoq naartunini imaluunniit erninermi sulinngiffeqarneq pillugu sulisitsisoq nalunaarfigereerlugu soraarsinneqarpat, tamatumani taamatuttaaq killormoortumik uppernarsaanissaq malinnejartussaavoq.

Oqaatsip killormoortumik uppernarsaanissap malitsigisaanik, naartuneq imaluunniit erninermi sulinngiffeqarneq pissutigalugu soraarsitsisoqartoq ilimagisaqarnermi, taamaattumik sulisitsisup uppernarsartussaavaa soraarsitsineq assigiinngisitsinnginnissamut tunngaviusumik unioqqutitsinerunngitsoq.

Sulisoq taamatut eqqunngitsumik soraarsinneqannginnissamut illersorniarlugit aammalu inatsisip atuutsinneqarnissaa qulakkeerniarlugu, ilaatisinnginnej atuutsinneqalerpoq.

§ 55-imut

Aalajangersakkami, kingoqqiffik il.il. pissutigalugit assigiinngisitsinissap inerteqqutigineqarnera pillugu inatsimmi nr. 289, 9. juni 1971-imeersumi, Kalaallit Nunaannut peqqussutaasumi, pineqaatissiinissat ingerlateqqinnejqarpuit.

Kingoqqiffik il.il. pissutigalugit assigiinngisitsinissap inerteqqutigineqarnera pillugu inatsimmut tunngatillugu pineqaatissiinissamut periarfissani allanngortitsinissaq siunertarineqanngilaq.

Imm. 1-imut

Aalajangersagaq malillugu § 20-mik unioqqutitsineq akiliisitsinermik imaluunniit qaffasinnerusumik pineqaatissiinermik pinerluttulerinermi inatsit naapertorlugu malitseqarsinnaavoq.

Imm. 2-mut

Aalajangersakkami aamma inatsisit malillugit inuttut isigineqartut, soorlu assersuutigalugu ingerlatseqatigiiffiit, peqatigiiffiit pisortanilu oqartussat, inatsimmik unioqqutitsinerannut akiliisinneqarnissamik pineqaatissinneqarsinnaanerat, inatsimmi tunngavissalerneqarpoq.

§ 56-imut

Imm. 1-imut

Aalajangersagaq Inatsisartut inatsisaata atuutilernissaanut tunngassuteqarpoq. Inatsisartut inatsisaat Inatsisartut inatsisaata akuerineqannginnerani pisunut atuutinngilaq.

Imm. 2-mut

Angutit arnallu naligiissitaanerat pillugu Inatsisartut inatsisaat nr. 3, 29. november 2013-imeersoq maannakkut atuuttoq aalajangersakkakut atorunnaarsinneqarpoq.

Imm. 3-mut

Ammip qalipaataa il.il. pissutigalugit immikkoortitsinerup inerteqqutigineqarnera pillugu inatsisip Kalaallit Nunaannut atuutilersinneqarnera pillugu peqqussut nr. 27, 4. Februar 1972-imeersoq, peqqussutip imarisataa inatsisisstatut siunnersummi § 20-mi ilanngunneqarnera pissutigalugu Kalaallit Nunaannut atuukkunnaartutut atorunnaarsinneqarpoq

Assigiinngisitsinnginnissaq pillugu suliaqarneq Namminersorlutik Oqartussani tiguneqarnikuunera pissusissamisoortutut isagineqarpoq, tassa assigiinngisitsinnginnissaq pillugu isumaqatigiissutit suliamut attuumassuteqartut inatsimmi aamma pineqartut Kalaallit Nunaata akuerinikuummagit. Kalaallit Nunaata inuit pisinnaatitaaffiinik suliaqarneq ingerlatereermagu ilaatigut Kalaallit Nunaanni Inuit Pisinnaatitaaffi pillugit inatsit (Inatsisartut inatsisaat nr. 11, 22. november 2018-imeersoq, Meeqqat Oqaaseqartartuat (Meeqqat Oqaaseqartartuat aamma Meeqqat pillugit Siunnersuisoqatigiit Inatsisartut inatsisaat nr. 11, 22. november 2011-meersoq (aamma Innarluutillit Oqaaseqartartuat Tiliaoq (Innarluutillit Oqaaseqartartuat pillugu Inatsisartut inatsisaat nr. 1, 29. maj 20217-imeersoq).

Tamassumunnga ilanngunneqassaaq, raci pissutigalugu assinngisitsinissamik inerteqquteqarneq pillugu inatsisip Kalaallit Nunaannut atuutilersinneqarnera pillugu peqqussut nr. 27, 4. Februar 1972-meersoq aamma pinerluttulerineq pillugu inatsit eqqaassanngikkaanni, immikkoortumi Danmarkimi inatsisiortoqarnikuunngitsoq. Allatut oqaatigalugu suliassaqarfik Namminersornerunerup equnneqarnerata kingorna Danmarkimiit inatsisiornissaq pisariaqartutut isumaqarfigineqanngilaq. Akerlianik suliaqarfip Kalaallit Nunaanni Namminersorlutik Oqartussanit tiguneqarnikuuneratut maannamut isumaqarneq pissutissaqartutut isikkoqarpoq. Ilaatigut raci, ammip qalipaataa, upperisarsiorneq upperisarluunniit, politikkimik isiginneriaaseq, atoqateqariaaseqarneq, ukioqarneq, innarluuteqarneq imaluunniit inuiaqatigiissuseqarneq, inuuqatigiinnermut immikkullu inuiaassuseqartunit pinngorneq pissutigalugit suliffeqarnermi assigiinngisitsinissamik inerteqquteqarneq pillugu inatsimmi inatsisip Kunngip peqqussutaatigut atuutilersitsinissamik periarfissiisoqarnikuunngilaq.

Kisianni immikkoortup tiguneqarnerata ullua eqqortoq suli nalorninarpoq. Tamannali pingaaruteqanngitsutut nalilerneqarpoq, tassa Inatsisartut akuersineranni inatsimmi uani immikkoortup tiguneqarsimanera ersarissumik oqaatigineqarmat.

Imm. 4-mut

Naligiissitaanermut Siunnersuisoqatigiit maannamut atuuttut, Inatsisartut inatsisaat atorlugu siunnersuisoqatigiit nuaat ulloq 1. juli 2024 toqqarneqarnissaasa tungaanut atuutissasut aalajangersakkami siunnersuutigineqarpoq.

Ilanngussaq 1

Tusarniaaneq pillugu allakkiaq

Tusarniaanermi piffissarititap naanerani ukuninnga tusarniaanermi akissutiniq tigusaqartoqarpoq: Kalaallit Nunaanni Suliffinnik Nakkutilliisoqarfik, SISA, Kalaallit Nunaanni Inuit Piginnaatitaaffii pillugit Siunnersuisoqatigiit, Kalaallit Nunaanni Meeqqat Piginnaatitaaffiinik Suliaqarfik (MIO), Ineqarnermut Attavilersuutinullu Naalakkersuisoqarfik, Kommuneqarfik Sermersooq, Kalaallit Nunaanni Naligiissitaaneq pillugu Siunnersuisoqatigiit, GrønlandsBanken, Sulisitsisut, Utoqqaat Oqaaseqartartuat, Atuisartoqarnermut Unammilleqatigiinnermullu Aqutsisoqarfik, Sipineq+, Kommune Kujalleq, Justitsministeriet, Inuit Pisinnaatitaaffiinut Institutti, Akademikernes Sammenslutning i Grønland, Innarluutillit Oqaaseqartartoqarfiat Tilioq aamma Meeqqanut, Inuuusuttunut Ilaqtariinnullu Naalakkersuisoqarfik.

Avataanut tusarniaanermi tusarniaanermi akissutit tiguneqartut ataani allaaserineqarput. Oqaatigineqassaaq tusarniaanermi akissutit pingaaruteqarnerannik nalilersuineq tunngavigalugu pingaarnersiorlugit issuarneqartut.

Tusarniaanermi akissutit tiguneqartut naleqqutsillugu ilanngunneqarput.

Tusarniaanermut akissutinut oqaaseqaatit *uingasunngorlugit* allanneqarput.

Kalaallit Nunanani Sullivinnik Nakkutilliisoqarfik aamma Akademikernes Sammenslutning i Grønland inatsisisstatut siunnersummut oqaaseqaatisqaanngillat.

SISA: SISA oqaaseqaateqarpoq toqusoqarneranut, sulisinnaajunnaarnermut perulunnartumillu napparsimanermut sillimmasiinermut atatillugu peqqissuseq pillugu paasissutissat mianerineqarnissaannut akornutissaqartariaqanngitsoq, tassa ukioqassutsimut tunngavittuulli sillimmasiisarnermik naatsorsuinermi ilaasunik peqqissuseq pillugu paasissutissaqarmat.

Siunnersuut nassuaatini ilanngunneqarpoq.

Meqqat Pisinnaatitaaffiinik Suliaqarfik MIO:

MIO siunnersuuteqarpoq § 4-mi taaguut innarluut” erseqqissarneqassasoq, taamaalilluni allaqqassalluni “timmikkut tarnikkullu innarluuteqarneq”.

Siunnersuut ilaannakortumik ilanngunneqarpoq, tassa taarsiullugu aalajangersagaq timikkut tarnikkullu innarluuteqarnermut atuuttoq oqaaseqaatini erseqqissarneqarmat.

MIO oqaaseqaateqarpoq meeqqat illorsorneqarnerat pillugu tunngavilersuut aamma § 14-imilanganneqartariaqartoq.

Siunnersuut ilanngunneqarpoq.

MIO aamma oqaaseqaateqarpoq, Naligiissitaaneq pillugu Aalajangiisartuni aamma Naligiissitaanermut Siunnersuisoqatigiinni ilaasortut paarlakaajaallugit taarsineqartarsinnaassasut, taamaalilluni ilisimasat ingerlaavartuunissaat ingerlateqqinnissaallu qulakkeerniarlugu ilaasortat nutaat ataatsikkut affaannarisassallugit.

Siunnersuut ilanngunneqanngilaq, tassa siunnersuisoqatigiinni ataatsimi ilaasortat paarlakaajaallugit toqqarneqartarnissaat allaffisornermi nanertuutaassammat. Nalilerneqarpoq siunnersuummi ingerlaavartuunissaq qulakkeerneqassanngitsoq, akerlianilli ilaasortat akulikippallaamik taarneqartarpata siunnersuisoqatigiit aalajangiisartullu sulinerat ajortumik sunnerneqassasoq.

MIO oqaaseqaateqarpoq, suaassutsit marluk pillugit aalajangersakkami inatsisisstatullu siunnersuummi allani oqaasertalerneqarnera eqqunngitsoq qanganisaasorlu. Oqaatigineqarpoq naligiissitaaneq aamma assiginngisitsisoqarnissaa pillugit inatsimmi suaassuseq siamasinnerusumik paasineqartariaqartoq, taamaalilluni inatsit nammineq LGBT+-inut tunngatillugu naggataatigut assiginngilersitsisussaammat. Inatsimmi lu siunissami inatsisisit malillugit suaassutsinik allanik pilersoqarpat, annertusisitsinissaq inissaqartinneqartoq, tamannali nassuaatini allaqqanani inatsisip oqaasertaani namminermi allaqqasariaqarpoq.

Siunnersuut ilanngunneqanngilaq. Taaneqartup inatsisimmi namminermi ilanngunnissaa naleqquppallaanngitsutut isigineqarpoq, tassa tamanna sapinngisamik eqqortuussammat inatsisisillu atuuttut aallaavagineqassammata. Angutit arnallu pinnagit inatsisisit malillugit suaassutsit allat maannakkut toqqarneqarsinnaanngillat. Taamaammat suaassutsinik taaguutit suli aalajangerneqanngitsut ilanngunnissat ersernerlutsitsinermik kinguneqarsinnaavoq.

Suaassutsimi inatsisisit malillugit maannakkut suaassutsit marluk pineqararluartut, inatsisilerinermi ullumikkut sinaakkutit iluanni sapinngisamik siamasinnerpaamik illersuinissaq qulakkeerniarlugu suaassutsimi kinaaneq, suaassutsimik takutitsineq

suaassutsimullu ilisarnaatit tunngavigalugit assigiinngisinneqarnissamut inatsimmi aamma illersuisoqarpoq.

Isumaqtigineqarporli, inatsit malillugit suaassutsit amerlippata suaassutsimi annertunerpaamik ataatsimi peqataaneq pillugu oqaasertaliineq naleqqutissanngitsoq. Taamaammat inatsisit malillugit suaassutsit amerlissappata inatsit nutarterneqartariaqassasoq §§ 31-mut aamma 32-mut (maannakkut §§ 34 aamma 35) oqaasertaliineq ilanngunneqarpoq.

Kalaallit Nunaanni Inuit Pisinnaatitaaffii pillugit Siunnersuisoqatigiit (IPS):
IPS-ip inatsisissatut siunnersuut pillugu tusarniaavagineqannginnini tupigusuutigaa.

IPS tusarniaaffigineqartunik allattuivimmiippoq, inatsisissatullu siunnersuut pillugu tusarniaaffigineqarluni.

IPS § 5, imm. 3 pillugu siunnersuuteqarpoq digitalinngorlugu pissusilersortarneq aalajangersakkami ilanngunneqartariaqartoq, tassa internetikkut kissaatigineqanngitsumik iluuseqarneq timikkut kissaatigineqanngitsumik iliuuseqarnertut ajoqsiisinnaatigimmat.

Siunnersuut ilanngunneqarpoq

Naligiissitaaneq pillugu Aalajangiisartuni ilaasortat nammineq piumassuseq tunngavigalugu sulinissaat IPS-ip ernummatigaa. Aamma allaqqavoq allatseqarfik Naalakkersuisut aalajangiinerisigut oqaaseqartartuni imaluunniit siunnersuisoqatigiinni atuuttuni inissinneqarsinnaasoq, tassungalu atatillugu allatseqarfip pineqartup suliassaasa Naligiissitaaneq pillugu Aalajangiisartuni suliassat annertunerannit sunnerneqarsinnaanerat ernumassutigineqartoq. Aamma oqaatigineqarpoq, Naligiissitaanermut Siunnersuisoqatigiit allatseqarfiat allatseqarfimmi atutereersumi inissinneqarsinnaanera siunnersuutigineqartoq, allatseqarfiullu taassuma siunnersuisoqatigiiffinnik sullisinnissaa naleqquttuunersoq isumaliutigineqartariaqartoq. IPS-ip inassuteqaatigaa nuna tamakkerlugu inuit piginnaatitaaffiinik suliaqarfik IPS-imi inissinneqarluarsinnaanera suliniutigineqassasoq.

Naligiissitaaneq pillugu Aalajangiisartuni ilaasortat inatsisissatut siunnersuummi § 27 malillugu akissarsiat pillugit inatsit malillugu sulinermi akissarsiaqassapput taartisiaqarlutillu. Aamma oqaatigineqassaaq, allatseqarfip pisortat aqutsisoqarfianni inissinneqarsinnaanera ammaaffigineqartoq, peqatigitillugulu siunnersuutip aningaasatigut kingunissaani allaqqavoq Naligiissitaaneq pillugu Aalajangiisartunik pilersitsinermi allaffimmi aalajangiisartut allatseqarfiaita inissinneqarfissaani sulisut amerlineqarnissaat ilimagineqartoq.

Siunnersuisoqatigiit il.il. assigiinngitsut tamassuminnga soqutiginnippata nuna tamakkerlugu inuit pisinnaatitaaffinnut institutimik pilersitsinissaq Naalakkersuisut ajornasaarfiginngilaat.

Eqqorpoq Naligiissitaaneq pillugu Siunnersuisoqatigiit allatseqarfimmit sullinnejnarerat siunnersuisoqatigiit, oqaaseqartartut assigisaallu suleqatigalugit inissinneqarnissaanut periarfissaq inatsimmi ammaanneqartoq. Tamanna nuna tamakkerlugu pisinnaatitaaffiinik suliaqarfii akimorlugit siamasinnerusumik suleqatigiinnikkut ataatsimut nuna tamakkerlugu inuit pisinnaatitaaffiinut institutimik suleqatigiinnerunissaq IPS-ip inassuteqaataanut naapertuuppoq.

Inatsisissatut siunnersuummi siuaaqatigiit marluk atorneqarnerat naloqquttuunersoq IPS-ip aamma apeqquserpaa.

MIO-p tusarniaanermi akissutaanut oqaaseqaat innersuussutigineqarpoq.

Ineqarnermut Atortulersuutinullu Naalakkersuisoqarfik

Ineqarnermut Attavilersuutinullu Naalakkersuisoqarfip oqaatigaa, allatseqarfik aqutsisoqarfimmi inissillugu naammagittaalliuutinik aalajangiisartunik atuutilersitsineq pisortat allaffisornerannik annertusisitsissasoq, suliaq tamassuma kingorna eqqartuussivinni suliarineqassappat, innuttaasup aalajangiinissaq sivisunerusumik utaqgisariaqalersiinnarlugu. Taamaammat allatseqarfik pisariaqartunik isumalluuteqarnissaa qulakkeerneqartariaqarpoq.

Ilimagineqarpoq naammagittaalliuutinik aalajangiisartut allatseqarfiami ukiumut suliffimmik affarmik sulisoqalissasoq, pilersitsinermullu aningaasartuutit 250.000 kr.-ussasut. Isumalluutit amerlineqarnissaat pisariaqartinneqartoq paasinarsissappat, aningaasanut inatsisip ukiumoortumik isumaqatiginiutigineqarnerani oqallisigineqarsinnaavoq.

Atuisoqarnermut Unammilleqatigiinnermullu Aqutsisoqarfik (AUA)

AUA siunnersuiteqarpoq, naammagittaalliuutit taarsiullugu Naligiissitaanermut Allatseqarfimmi inatsisilerituumit suliarineqartassasut. AUA-p isumaa malillugu aaqqiissutaasinnaavoq, tassani innuttasut pitsaanerpaamik inatsisitigut innarlitsaaliugaassallutik naammagittaalliutaallu innuttaasut qaninnerpaajullugit suliarineqarsinnaasut.

AUA oqaaseqaateqarpoq, aalajangiisartut katitigaanissaannut siunnersuummi, inatsisilerituumit ataatsimit suliamillu ingerlatsisunit 4-nit / inatsisilerituujunngitsunit aalajangiisoqarpat inatsisilerineq pinnagu tunngaviit allat aallaavigalugit aalajangiisartut aalajangeeriaannaasut.

Siunnersuut ilanngunneqanngilaq. Naligiissitaaneq pillugu Aalajangiisartuni ilaasortat soorunami pisariaqartunik piginnaasaqassapput. Naligiissitaanermut allatseqarfip taamaallaat ataatsimik inatsisileritooqartup innuttaasut pitsaanerpaamik inatsisitigut innarlitsaalisaanissaat innuttaasunullu qanoq ittuunissaq qulakkeersinnaassangilaa. Nalilerneqarpoq aalajangiisartut suliamik assigiinngitsunik piginnaasaqarfiginerani inuiaqatigiit pitsaanerpaamik sinniisuuffiginissaat qulakkeerneqassasoq. Inatsisissatut siunnersuummi aaqqissuussaanissamik siunnersuutigineqartumi ilaasortat

siamasinnerusumik katitigaanissaat qulakkeerneqassaaq, tassanilu sulianik nalilersuinermi inatsisilerineq kisiat pinnagu suliamik ingerlatsinermi piginnaasaqarnerit allat atorneqarsinnaapput. Taamaaliornikkut ilaasortat allat siulittaasup inatsisilernermi piginnaasaanut tapersiisinnappa. Tamassumunnga ilanngunneqassaaq, inatsisilerinerinermi sulisussanik sulisussarsiortarneq annertuumik ajornartorsiutaasoq. Tamanna pissutigalugu aalajangiisartut taamaallaat inatsisilerituujullutik periuseq Danmarkimi Norgemilu atorneqartoq Kalaallit Nunaanni maannakkut atorneqarsinnaanngilaq. Aaqqissuussaaneq inatsimmi siunersuutigineqartoq ilaatigut Akileraartarneq pillugu Siunnersuisoqatigiinni atorneqarpoq, taamaammallu misilinneqarnikuulluni periuserlu ingerlalluartuulluni.

Piffissaq toqqagaaffik ukiuni 3-unani ukiut 4-nut sivitsorneqarnissaa pillugu siunnersuut pillugu oqaatigineqassaaq, immikkoortoq Naligiissitaaneq pillugu Aalajangiisartut suliaqarfissat annertuumik ineriertorfiusoq pineqartoq, taamaammallu ukiut pingasukkaarlugit taarsiisoqartarnissaa nalequttoq. Tamassumunnga ilanngunneqassaaq, ilaasortatut toqqarneqaqqinnissaq periarfissaasoq.

AUA siunnersuuteqarpoq, ukiumut suliffik affaq pinnagu ukiumut suliffimmik ataatsimik sulisoqartitsisoqassasoq.

Siunnersuut ilanngunneqanngilaq. Naliliisoqarpoq ukiumut suliffik affaq naammattoq. Suleriaatsip allaanerunera paasinarsissappat, tamanna nalilersoqqinnejarsinnaavoq.

AUA siunnersuuteqarpoq, Naligiissitaaneq pillugu Aalajangiisartut namminneq nittartagaqassanngitsut.

Siunnersuut ilanngunneqarpoq.

AUA-p oqaatigaa, Naligiissitaaneq pillugu Aalajangiisartut aallarnisarneranni annertunerusunik aningaasaliisoqassasoq.

Siunnersuut inatsisisstatut siunnersuutip aningaasatigut kingunissaani ilanngunneqarpoq.

AUA Oqaaseqaateqarpoq, inunnut inatsit naapertorlugu taarsiivigineqartunut taarsiissutinut akilerneqartunut aningaasartuutit inatsisisstatut siunnersummi ilanngunneqassanngitsut. AUA siunnersuuteqarpoq, taarsiissutinut missingersuutini immikkoortitsisoqassasoq, inatsillu naapertorlugu taarsiissutit matussutissaattut aningaasanut inatsimmi immikkut kontomik pilersitsisoqassasoq.

Siunnersuut ilanngunneqanngilaq. Aamma Namminersorlutik Oqartussat taarsiissutinut aningaasartuuteqarnissaat inatsimmi siunertaanngilaq. Inatsisit allat malillugit innarliisup tamassumunnga aningaasartuutit akilissavai.

AUA siunnersuuteqarpoq, aalajangiisartut aalajangiineri malinneqanngippata Naligiissitaaneq pillugu Aalajangiisartut aalajangiinitik eqqartuussivinni misilitsisinnaanerannut atatillugu aningaasanik immikkoortitsisoqassasoq.

Siunnersuut ilanngunneqanngilaq. Naligiissitaaneq pillugu Aalajangiisartut aalajangikkaminnik namminneq suliniuteqarnermikkut eqqartuussivinni misilitsitisinnaanerat maannakkut siunertaanngilaq. Taamaammat aalajangiineq malinneqanngippat naammagittaallioroq suliamic eqqartuussivinnut suliassanngortitsisinnaavoq. Kisianni Naligiissitaaneq pillugu Aalajangiisartut inatsisissatut siunnersuummi § 28, imm. 5 malillugu naammagittaalliorup tamassumunnga atatillugu suliaqarnermut akiliisinneqannginnissa inassuteqatigisinnavaat.

AUA siunnersuuteqarpoq inatsisip atuuffia annertunerusumik killilerneqassoq, taamaalilluni assersuutigalugu Kalaallit Nunaanni danskit oqartussaaffianni sulisup Naligiissitaaneq pillugu Aalajangiisartunut siunnersuuteqarnissaa, danskit oqartussaaffianni pisoq tunngavigalugu Nunatta Karsiata taarsiissutinik akiliinissaanik kinguneqartussaq pinngitsoorneqassalluni.

Siunnersuut ilanngunneqanngilaq. Oqaatigineqassaaq nunap karsia inatsit malillugu taarsiissutinut aningaasartuuteqartussaanngitsoq, taamaalilluni inatsimmik unioqqutitsisup taarsiissutinut aningaasartuutit akilertussaassavai.

AUA siunnersuuteqarpoq § 16, imm. 3 erseqqissarneqassasoq, taamaalilluni paassisutissat taamaattut piumasarineqarpata oqaaseqatigiit sulisussasiorneq pillugu allagarsiussami ilanngunneqarneqassallutik.

Siunnersuut ilanngunneqanngilaq. Taamatut erseqqissaaneq piumasarineqartoq maannakkut naammagittaalliutigineqarsinnaappat Naligiissitaaneq pillugu Aalajangiisartunut pisariaqanngitsumik suliaqarnerulersitisinnaavoq. Tamanna sulisussasiorneq pillugu allagarsiussami allaqqannginnea pissutigiinnarlugu, sulisitsisoq inatsit malillugu pisussaaffiginnigisamik paassisutissanik qinnuiviginippat, innuttaasoq inatsit malillugu suli illersorneqassaaq.

AUA aamma siunnersuuteqarpoq, immikkoortuni assersuutigalugu upperisarsiornermi palasinik atorfinitssinermut tunngatillugu ilanngunneqarnissaa naleqquassinnaasoq, aamma oqaaseq immikkut inuaassuseqarneq oqaatsinik piginnaasunut killilerlugu allanngortinneqassanersoq isumaliutigineqassasut.

Siunnersuut ilanngunneqarpoq.

AUA siunnersuuteqarpoq inatsisissatut siunnersuummi § 11 erseqqissarneqassasoq, taamaalilluni atuutinneqartussaanngitsoq pillugu oqaatsit pillugit piumasaqaat akuerisaasumik siunertaqarneq siunertallu taassuma eqqortinneqarnissaanut atortut naleqquttuunerannik pisariaqarnerannillu kinaassusersiorani tunngavilersuisoqassalluni.

Siunnersuut ilanngunneqanngilaq. Nalilerneqarpoq taamatut aalajangersakkami ilanggussinissaq pisariaqanngitsoq, tassa akuerisaasumik siunertaqarnissamik taamatut piumasaqaat siunnersuummi § 4, imm. 3-mi inatsisisstatut siunnersuummi tamarmi atuuttoq, erseqqarissumik allattaqareermat.

AUA siunnersuuteqarpoq, eqqartuussivinni misilitsitsinissamik periarfissaq taamaallaat nassuaatini nalinginnaasuni oqaatiginagu inatsisip oqaasertaani allaqqassasoq.

Siunnersuut § 28, imm. 4-mi ilanngunneqarpoq.

AUA siunnersuuteqarpoq, ukioqassuseq pillugu atuutsinneqanngitsut, inatsisip oqaasertaani toqqaannartumik allanneqassasut.

Siunnersuut inatsisisstatut siunnersuummi § 12-mi tamakkernagu ilanngunneqarpoq.

AUA siunnersuuteqarpoq innarluuteqarnermut atatillugu uppermarsaanissamik § 4-mi piumasaqaat peerneqassasoq.

Siunnersuut ilanngunneqarpoq. Taarsiullugu taaguummut innarluuteqarneq nassuaat nassuaatini § 4-mut ilanngunneqarpoq.

AUA siunnersuuteqarpoq meeravissiartaarneq inuunermillu isiginneriaaseq inatsimmi assiginngitsitsinermut tunngavinni ilanngunneqassasut.

Siunnersuut meeravissiartaarneq ilanngullugu ilaannakortumik ilannginneqarpoq.. Inuunermik isiginneriaaseq ilanngunneqanngilaq, tassa qanoq issusiata tunngaviullu taamaattup imarisaata paasinarsaqqinnissaat pisariaqarmat. Tamannali pisariaqartinneqartut allangorneranni tunngaviit annertunerususut ilanngunneqarsinnaannginnerinut takussutissaanngilaq.

AUA siunnersuuteqarpoq peqqussut nr. 27, 4. februar 1972-meersoq, § 53-imut nassuaatini taaneqartoq inatsisip oqaasertaani aalajangersakkamik nutaamik ilanggussinikkut atorunnaarsinneqassasoq.

Siunnersuut ilanngunneqarpoq.

Kommuneqarfik Sermersooq:

Kommuneqarfik Sermersooq § 23, imm. 1, nr. 3 pillugu oqaaseqaateqarpoq, ilaasortap ataatsip siunnersuisoqatigiinnit soraarsinneqarnissaanik ilaasortat sisamat inassuteqaateqarnissaat piumasaqaataammat ilaasortat marluk illersoqatigiissinnaasut.

Siunnersuut tusaatissatut tiguneqarpoq, aalajangersagarlu ilaasortani sisamanit pingasunut allangortinneqarpoq.

Kommuneqarfik Sermersooq oqaaseqaateqarpoq, ombudsmandip aalajangiinera tamassuma kingorna naligiissitaaneq pillugu Aalajangiisartunut suliassanngortinnejarsinnaanersoq, § 32, imm. 1, 2-mi allaqqanngitsoq.

§ 32, imm. 1-im iimmikkoortoq 2-qanngilaq. Aalajangersakkami pineqarpoq, Naligiissitaaneq pillugu aalajangigai allaffissornermi oqartussanut allanut illuatungaanuunngitsoq, suliassanngortinnejarsinnaasut.

Kommuneqarfik Sermersooq oqaaseqaateqarpoq, Naligiissitaaneq pillugu Aalajangiisartut § 50 malillugu taarsiisunngortitsisinnaanerat aalajangiisartunit oqaaseeqaatit § 41 malillugu peqatigitillugu missingersuutaannaappata nalornissutigineqarsinnaasoq,

§ 50-im Naligiissitaaneq pillugu Aalajangersaartut pineqartut, akerlianillu § 41-mi Naligiissitaanermut Siunnersuisoqatigiit pineqarlutik. Taamaalilluni siunnersuisoqatigiit/aalajangiisartut ataatsit aalajangersakkammi pineqanngillat.

Kalaallit Nunaanni Naligiissitaanermut Siunnersuisoqatigiit:

Kalallit Nunaanni Naligiissitaanermut Siunnersuisoqatigiit kaammattuuteqarput, inatsisisstatut siunnersummi assigiinngisitsinermut sinaakkutit nalinginnaasunut malinneqassasut, taamaalilluni naartuneq aamma erninermi sulinngiffeqarneq taakku suaassutsinik assigiinngisitsinermi ilaasutut nalinginnaasumik isigineqarmata inatsisisstatut siunnersummi assigiinngisitsinermut tunngavinnit peerneqassasut.

Siunnersuut ilanngunneqanngilaq. Assigiinngitsinnginnissamut sinaakkutit nalinginnaasut suunersut ersarluppoq. Inatsisisstatut siunnersummi assigiinngisitsinermut tunngavinnik aalajangiinermi, Norgemi inatsisit isumassarsivigineqarput, tassani naartuneq aamma erninermi sulinngiffeqarneq toqqaannartumik oqaatigineqarlutik. Naliliisoqarpoq assersuutigalugu naartuneq aamma erninermi sulinngiffeqarneq tunngavigalugit assigiinngisitsinissamik toqqaannartumik inerteqquteqarneq taakku assersuutigalugu suaassuseq tunngavigalugu assigiinngitsinermut ilanerannik isumaqaannarnermit pitsaanerusumik illersuutaasut.

Naligiissitaanermut Siunnersuisoqatigiit oqaaseqaateqarput, inatsimmi minnerpaamik illersuinissaq siunnersuuteqanngitsoq.

Siunnersuut § 2, imm. 3-mi ilanngunneqarpoq.

Naligiissitaanermut Siunnersuisoqatigiit oqaaseqaateqarput, Arnat angutillu naligiissitaanerat pillugu inatsimmut maannakkut atuuttumut sanilliullugu isumaqatigiissut tamarmiusut atorsinnaannginnerannut tunngatillugu, siunnersummi inatsisikkut sukaterisoqartutut isikkoqartoq. Naligiissitaanermut Siunnersuisoqartigiit siunnersuuteqarput § 3-mi aalajangersakkat ataasiakkaat atorsinnaanngitsutut isigineqartunut tunngatillugu inatsimmi oqaasertat erseqqissarneqassasut.

Siunnersuut ilanngunneqarpoq.

Naligiissitaanermut Siunnersuisoqatigiit oqaaseqateqarput, “sulinerup ilaqtariittullu inuunerup ataqtigiissinnissaannut periarfissaqarneq” pillugu § 14-imi oqaasertaliussaq sulisitsisut sulisut ilaqtariinni inuunermik sulinermillu namminneq ataqtigiissarnissaannut periarfissaannut naleqqutinngitsumik sunniuteqarnerannik kinguneqarsinnaasoq, aalajangersakkamilu sulisut ataatsimut isigalugu namminneq kiffaanngissuseqarnerat annikillisinneqartoq. Naligiissitaanermut Siunnersuisoqatigiit kaammattuippup suna eqqarsaatigineqarnersoq erseqqissarneqassasoq.

Siunnersuut § 14-imut nassuaatini ilanngunneqarpoq.

Naligiissitaanermut Siunnersuisoqatigiit immikkut inuiaassuseqarnerup oqaatsillu § 16-imi akulerunneqarnerat ernumassutigalugu oqaatigaat.

Oqaaseq immikkut inuiaassuseqarneq oqaatsit pillugit piumasagaammik taarserneqarpoq.

Naligiissitaanermut Siunnersuisoqatigiit Aningaasaqarnermut Naligiissitaanermullu Naalakkersuisoqarfimmut kaammattuippup, § 34 siulersuisut il.il. tamaasa, tassa tassunga ilanngullugu Naalakkersuisut siulersuisunik il.il.toqqaannginnissaat, ilanngullugit annertusineqassanersoq isumaliutigineqassasoq.

Siunnersuut ilanngunneqanngilaq. Aalajangersagaq siulersuisunut il.il. tamannut atuuttussanngortillugu annertusineqartariaqartoq, Naalakkersuisut tunngaviusumik isumaqatigaat. Siulersuisut il.il. Naalakkersuisunit toqcarneqartut pillugit malittarisassat eqqortumik sammivilimmik alloriarnerusut Naalakkersuisut isigaat. Tamassuma saniatigut aktiaateqarluni ingerlatseqatigiiffit piginneqataassuteqarlunilu ingerlatseqatigiiffit pillugit inatsisip Kalaallit Nunaannut atuutilersinneqarnera pillugu peqqussummi nr. 486, 18. maj 2018-imeersumi ingerlatseqatigiiffinni arnat angutillu katitigaanerat pillugu malittarisassaqarnera uparuunneqassaaq. Namminersorlutik Oqartussat taamaalillutik immikkoortumi tessani tamakkiisumik piginnaatinneqanngillat, tassa EU/EØS-imi nunani niuerneq pillugu malittarisassaqartinnejartuni peqqussummi naalagaaffiup ingerlatseqatigiiffii, ingerlatseqatigiiffinit piginneqataassuteqarfigineqartut, imaluunniit pappilissanik nalilinnik allanik aningaasaqarnermilu suliffeqarfiit angisuut ilaat pillugit peqqussummi malittarisassaqartinnejarmata kissaatigineqartup kingusinnerusukkut atuutilersinneqarnissaa Naalakkersuisut itigartinngilaat.

GrønlandsBanken:

GrønlandsBanken § 18, imm. 2 pillugu oqaaseqaateqarpoq, sulisut inuttut paasissutissanik paasissutissiisanersut, aningaaserivik paasissutissiisanersoq, taakku suliffimmi akissarsiat pillugit paasissutissanik allaganngorlugu naatsorsuinernut atatillugu sulisumut aallamut tunniunneqassanersut ersarinngitsoq.

Siunnersuut ilanngunneqarpoq. § 18-imni siunertaavoq, akissarsiat ataatsimut isigalugu qaffasissusiannik atorfinni salliuinneqarsinnaasuni akissarsiatigut atugassaritinneqartunik aalajangiinermut tunngavinnik paasiaqartoqassasoq. Taamaalilluni paasissutissat inuit kikkuuneri ilisarnarunnaarsarlugit tunniunneqassapput. Imm. 2-mi Aalajangersagaq inuit kikkuunerinik paasinarsaajunnaartitsisoqarluartoq, paasissutissat inunnut aalajangersimasunut suli tunngatinneqarsinnaappata isumannaallisaatitut tamassuma kingorna atorneqassaaq. Pissuseq aalajangersakkamut nassuaatini erseqqissarneqarpoq.

Sulisitsisut (GE):

Isumaqtigiiissutit il.il. tamarmik § 3 malillugu atorsinnaangitsutut isagineqarnersoq GE-p apeqquserpaa.

Kalaallit Nunaanni Naligiissitaanermut Siunnersuisoqatigiit tusarniaanermi akissutaannut akissut innersuussutigineqarpoq.

GE aamma erseqqissaavoq immikkut inuaassuseqarneq § 16-imit peerneqartariaqartoq.

Kalaallit Nunaanni Naligiissitaanermut Siunnersuisoqatigiit tusarniaanermi akissutaannut akissut innersuussutigineqarpoq.

Utoqqaat oqaaseqartartuat:

Utoqqaat oqaaseqartartuat oqaaseqaateqarpoq kalaallisut oqaasillit suliffissarsiortunik oqaloqateqarnermi peqataanissamut periarfissaqanngippata ataatsimiinnernilu danskisut oqaaseqarfiusuni peqataassagunik inatsisisstatut siunnersummi § 4 malillugu assigiinngisitsisoqassasoq. Utoqqaat oqaaseqartartuat isumaqarpoq kalaallisut oqaasillit taamaalillutik kalaallisut soraarummeernissamut, suliffissarsiortunik oqaloqateqarnermi peqataanissamut periarfissinneqartariaqartut aamma ataatsimiinnerni nammineq oqaatsitik atorlugit peqataanissamut periarfissinneqartariaqartariaqartut.

Siunnersummi soraarummeernernut, ataatsimiinnernut il.il. atatillugu oqaatsit aalajangersimasut pilugit piumasaqaateqarsinnaanera maannakkut siunnersuutaanngilaq. Allamiut oqaasiinik kalaallisuumut elektroniskinngorlugu nutserisarnissamik peerfissaqarnissaq ineriartortinneqartillugu, inatsisip naleqqussarnissaata misissornissaa pissusissamisuussaaq, kisiannili ajornartorsiutit isumalluutinillu atuineq pissutigalugit, oqaatsit pillugit aalajangersimasunik maannakkut piumasaqaateqartoqarsinnaanngilaq. Tamanna § 4-mut nassuaatini erseqqissarneqarpoq. Aamma immikkoortunut inatsisini taamatut naleqqussaasoqarluarsinnaavoq.

Sipineq+:

Sipineq+-ip inatsisisstatut siunnersummi suaassutsit marluk atorneqarnerat aamma apeqquserpaa.

Meeqqat pisinnaatitaaffiinik suliaqarfiup MIO-p tusarniaanermi akissutaanut akissut innersuussutigineqarpoq.

Sipineq+ oqaaseqaateqarpoq, danskisut oqaatsimik “formand” atuineq pisoqalinikuusoq. Inassuteqaatigineqarpoq taarsiullugu taaguut “forperson” danskisuuanı atorneqassasoq.

Siunnersuut ilanngunneqarpoq.

Sipineq+ § 5 pillugu oqaaseqaateqarpoq, digitalinngorlugu pissusilersortarneq tamassumalu qanoq iliuuseqarfingeqarnissaa pillugit aamma tamat ornittagaanni internetikkullu assigiisitsinerup akiornissaanut periusissiamik ilanngussisoqartariaqartoq.

Siunnersuut ilaannakortumik ilanngunneqarpoq. § 5, imm. 3-mi erseqqissarneqarpoq aalajangersagaq digitalinngorlugu pissusilersortarnermut aamma atuuttoq. Periusissiorneq aamma assigiinngisitsinerup iluuseqarfinginissaa suliniutaapput pingaaruteqartut. Tamannali inatsisisstatut siunnersuummut matumunnga sinaakkutit avataaniippoq, naalakkersuisoqarfinnilu tamassuminnga attuumassuteqartuni immikkut suliaqartoqartariaqarpoq.

Sipineq+ oqaaseqaateqarpoq, Naligiissitaaneq pillugu Aalajangiisartut aamma Kalaallit Nunaanni Naligiissitaanermut Siunnersuisoqatigiit pillugit inatsisisstatut siunnersuummi kapitalini ilaasortat qanoq pissusilersortassanersut inatsisisstatullu siunnersuummi siunertamik qanoq malinnissanersut pissusilersortarnermut malittarisassat amigaataasut.

Siunnersuut ilanngunneqanngilaq. Pissusilersortarnermut malittarisassat inatsisisstatut siunnersuummi suut malittarisassiorneqassanersut sinaakkutit avataaniippot.

Sipineq+ oqaaseqaateqarpoq kukkunersiuisoq allaannarnagu kukkunersiuisoq naalagaaffimmit akuerisaasoq § 49-mi allassimasariaqartoq.

Siunnersuut ilanngunneqanngilaq. Kalaallit Nunaanni kukkunersiuisumik naalagaaffimmit akuerisaasumik tamatigut pissarsisoqarsinnaannginnerata aamma kukkunersiuisumik naalagaaffimmit akuerisaasumik atuineq annertuunik aningaasartuutaasinnaaneranik mianerinninneq aallaavigalugit aalajangersakkap kukkunersiuisumut naalagaaffimmit akuerisaasumut killilernissaa siunertaanikuunngilaq.

Sipineq+ naggiisullugu oqaaseqaateqarpoq, Naligiissitaanermut Siunnersuisoqatigiit nittartakkaminni siunertani taamaallaat angutit arnallu taaneqartut.

Tamanna inatsisisstatut siunnersuummut attuumassuteqanngilaq, oqaaseqaalli tusaatissatut tiguneqarpoq.

Kommune Kujalleq:

Kommune Kujalliuup immikkut inuaassutsip § 16-imı atorneqarnera naleqqunnersoq apeqquserpaa

Kalaallit Nunaanni Naligiissitaanermut Siunnersuisoqatigiit tusarniaanermi akissutaannut akissut innersuussutigineqarpoq.

Akademikernes Sammenslutning i Grønland (ASG):

ASG oqaaseqaateqarpoq immikkoortumi inatsisiliorneq pitsasutut isigineqartoq.

Innarluutillit Oqaaseqartartuat Tilioq:

Tilioq oqaaseqaateqarpoq, pingaartumik inatsisip oqaasertaani immikkoortoq kingulleq naligiissitaaneq imatut paasineqartoq, suiaassutsit akornanni naligiissitaaneq, tassani immikkoortumi siullermi § 4, imm. 1-imi kikkut tamarmik ikinnerussuteqartut taaneqartut naligiissitaanerattut paasineqarluni. Naligiissitaanermut siunnersuisoqatigiit ikinnerussuteqartut tamarmik immikkoortut taakku siunnersuisoqatigiit sulineranni puigorneqannginnissaat qulakkeerniarlugu kikkut tamarmik pineqarnerat qulakkeerneqartariaqarpoq.

Kalaallit Nunaanni Naligiissitaanermut Siunnersuisoqatigiit maannakkut suliassaat tassaavoq suaassutsit akornanni naligiissitaanerup siuarsarnissaq. Tamanna Kalaallit Nunaanni Inuit Pisinnaatitaaffii pillugit Siunnersuisoqatigiinni, Innarluutillit Oqaaseqartartuanni, Meeqqat oqaaseqartartunni il.il. aamma atorneqarneranut sanilliunneqarsinnaavoq. Siunnersuisoqatigiinnut suaassutsit akornanni naligiissitaanermik suliaqartunut suli naleqquutuuneratut nalilerneqarpoq.

Tilioq inassuteqaateqarpoq, Naligiissitaaneq pillugu Aalajangiisartut aamma Kalallit Nunanani Naligiissitaarnermut Siunnersuisoqatigiit pillugit aalajangersakkat nalunaarutitigut immikkoortinneqassasut.

Siunnersuut ilanngunneqanngilaq. Pissutaasoq tassaavoq aalajangiisartut nutaat taarsiisitsinissamik piginnaatinneqartut pineqarnerat, aalajangiisartut pillugit aalajangerakkami toqqaannartumik allassimanera maannakkut naleqquunnerpaajuvoq. Inatsisisstatut siunnersuutip isumaa attatiinnarniarlugu naliliisoqarpoq Naligiissitaanermut Siunnersuisoqatigiit pillugit aalajangersakkat inatsisisstatut siunnersuummi aamma allaqqassasut.

Tiliup innarluutillit pillugit uppermarsaasoqarnissaanik inatsisisstatut siunnersuummi piumasaqaateqartoqartariaqarnersoq apeqquserpaa.

IPS-ip tusarniaanermi akissutaanut akissut innersuussutigineqarpoq.

Tilioq siunnersuuteqarpoq, inatsisisstatut siunnersuummi § 2 allanngortinneqassasoq, taamaalilluni inatsisip kikkunnut atuunnera aalajangersimasumik allanneqassalluni.

Siunnersuut ilanngunneqanngilaq. Inatsisisstatut sinnersuummi siunertaavoq inuiaqatigiinni immikkoortuni tamani atuutissasoq. Inatsisip kikkunnut atuunneranik aalajangersimasumik allaaserinninneq, atuuffiata siunertaangitsumik allassimanera killilerneqariaannaavoq.

Atuuffiata imm. 2-mi atuutinnginnissaata toqqarneqarnera inatsisip taamaallaat namminerisamik inuunermi ingerlatsinernut atuutissappat, ajornakusoorsinnaaneranik annertuujunissaatalu nassuerutiginninnermik pissuteqarpoq, taamaammat ingerlatsinerit taakku inatsisip atuuffmanut ilangunneqanngillat.

Tilioq siunnersuuteqarpoq, inatsisisatut siunnersummi § 13 aamma naligiissitaanermik immikkoortitsinermillu suliaqartussaatitaanerup pisortat aqtsineranni nalinginnaasumillu ingerlatsinermi aamma oqartussani kattuffinnilu sulisitsisunut inunnullu tamanut nioqqtissanik sullississutinillu pilersuisunut pisortani namminersorlutillu inuussutissarsiorunit pissarsiarineqarsinnaasunik pisortanut namminersortunullu inuussutissarsiatini aamma atuutissasoq, tassunga ilangullugit namminerisamik ilaqtariinnilu inunerup avataani neqeroorutigineqartut tassungalu atatillugu nuussinerit.

Siunnersuut ilangunneqanngilaq. Naligiissitaarnermik immikkoortitsinnginnissamillu kikkut tamarmik suliaqavittariaqarnerat Naalakkersuisut isumaqatigaat. Nalilerneqarpoq suleqatigisat siunnersuutigineqartutut taamatut pisussaaffilernerat maannakkut piviusorsiortuunngitsoq, kisiannili immikkoortumi ineriarneq peqatigalugu isumaliutigeqqinneqartariaqarpoq. Naliliisoqarporli pisortani oqartussat ineriarnermi tassani siuttuunissamik immikkut pisussaaffeqartut, taamaammat inatsisisatut siunnersuut malillugu taamatut pisussaaffeqavipput.

Tilioq oqaaseqaateqarpoq, inatsisisatut siunnersummi § 16, imm. 2-mi atuutsitsinnginnejnq inatsisunut allanut atuuttunut akerliunnginnissa qulakteerneqassasoq.

§ 16, imm. 2-p sumut akerliusinnaanera tusarniaanermi akissummi allaqqanngilaq. Siunnersummik suliaqarnermut atatillugu inatsisit allat aalajangersakkamut akerliusinnaanerat paasineqarsinnaanikuunngilaq, taamaammat aalajangersakkami allannguisoqanngilaq.

Tilioq aamma oqaaseqaateqarpoq, paasissutissanik qinnuiginnissaanerup atuutinnginnera § 16, imm. 1-imut nassuaatigineqareersoq, taamaammat aalajangersakkami imm. 2-p peerneqarnissaa inassutigineqarpoq.

Siunnersuut ilangunneqanngilaq. Sulisup peqqissuseq pillugu paasissutissanik § 16, imm. 1-imut nassuaatini allaqqasutut paasissutsiisussaatitaanera sulisup § 16, imm. 2-mi paasissutissanik qinnuiginninnissamut periarfissaqarneranut sanilliunneqarsinnaanngilaq. Taamaammat sulisitsisup pissutsit inatsisissamut inatsisisatut siunnersummi § 4-imi ilaagaluartunik paasissutissani qinnuiviginissinnaaneranut atuutinngitsut § 16, imm. 1-imut nassuaatini allaaserineqartutut taamatut pisoqarnerani ilangunneqarsinnaanngilaq, tassa sulisup suliap suliarineqarnissaanut pingaaruteqarluinnartunik peqqissutsimik paasissutissiisussaatitaasinnaanera § 1-imi pineqarmat, sulisullu paasissutissanik taakku ilaannik qaqtiguinnaq pissarsiaqarsinnaanera pineqarani.

Innarluutip § 13-imut (maannakkut § 17-imut) nassuaatini ilanngunneqannginnera Tiliup tupigusuutigaa, tassa inuit innarluutillit piginnaasat annikillinerannik pissuteqartumik piffissami sivisuumi napparsimaneq pissutigalugu ullunut 120-nut malittarisassaq ajornartorsiutigisinnaammassuk.

Siunnersuut ilanngunneqanngilaq. Ullunut 120-nut malittarisassaq Sulisitsisut aamma atorfillit akornanni Inatsisitigut pissutsit pillugit Inatsisartut inatsisaanni malittarisassaqartinnejqarpoq. Inatsisip taassuma naleqqussarnissaa kissaatigineqarpat, taamaalluni inuit piginnaasaasa annikillinikut malittarisassami tassani ilaatinneqassanatik, immikkoortumut inatsisini pisariaqarpoq.

Tilioq oqaaseqaateqarpoq, innarluut § 20-mi taaneqanngitsoq, inassuteqaatigalugulu maannakkut allattuineq pinnagu § 4-mut innersuussisoqassasoq.

Siunnersuut ilanngunneqanngilaq. Innarluutip § 20-mi taaneqannginneranut pissutaavoq, tamassuma kingunerani pissutsini aningaasaqarnermilu ilungersornartunik qualaajaasoqarnikuunnginnera. Inuit innarluutilli inuit allat assigalugit assigiinngisinneqarnissamut illersorneqartut siunnersuulli taamatut ittoq immikkoortumut inatsisini ilanngunneqartariaqarpoq. Inuup innarluuteqarnera pissutigalugu inuit itigartinneqarpat, tamanna immikkoortitsinissamik ataatsimut isigalugu inerteqqutaanermut ilaanissaa inatsisissatut siunnersuummi quakkeerneqarpoq.

Tilioq inassuteqaateqarpoq tikinnejqarsinnaaneq inatsisissatut siunnersuummi ilanngunneqassasoq.

Siunnersuut ilanngunneqanngilaq. Inatsisissatut siunnersuummi siunertaq tassaavoq sinaakkutaasumik inatsisiornissaq, tassani assigiinngisitsinissamut ataatsimut isigalugu inerteqquteqarluni. Naliliisoqarpoq ilaatigut tikinnejqarnissaaneq inatsimmi matumani annertusinissaa inatsimmi annertusitinnejqassanngitsoq. Isumaqatigiissutaavoq tikinnejqarsinnaannginnermi assigiinngisitsisoqarnera pineqarsinnaasoq, tamannali immikkoortumi inatsisini aaqqinniarneqartariaqarpoq.

Tilioq oqaaseqaateqarpoq, illuatungerisap sinniisoqarnera, aalajangiinerlu kinguartitsissutaanissaa pillugu aalajangersakkat ilanngunneqartariaqartut.

Siunnersuut ilanngunneqanngilaq. Illuatungerisap sinniisoqarnera eqqarsaatigalugu taamatut aalajangersagaq pisariaqassanngilaq, tassa Naligiissitaaneq pillugu aalajangiisartut aqutsinermi oqartussaammata, aamma tak. § 21-mut nassuaatit. Naligiissitaaneq pillugu Aalajangiisartut taamaallutik Pisortat ingerlatsineranni suliassat suliarineqartarnerat pillugu Inatsisartut inatsisaanni ilaassapput, tassani § 8-mi allaqqavoq, illuatungerisaq allanit qaqugukkulluunniit sinniisoqarsinnaasoq ikiorneqarluniluunniit.

Nammagittaalliutteqarneq tunngavigalugu aallaaviusumik kinguartitsisoqarsinnaanngilaq, taamaammallu Naligiissitaaneq pillugu Aalajangiisartunut naammagittaalliutteqarneq

pissutigalugu aalajangersakkamik ilanngussinissaq pisariaqanngitsutut nalilerneqarneqarpoq.

Tilioq siunnersuuteqarpoq inatsisissatut siunnersuummi pisoqalineqarneranut piffissarititaq pillugu aalajangersagaq ilanngunneqassasoq.

Siunnersuut § 21-mut nassuaatini ilanngunneqarpoq, tassani allaqqavoq, pisoqalineqarneranut piffissarititami inatsimmi matumani pisoqalisoqarnera pillugu qaqugukkulluunniit malittarisassat malinneqartassasut.

Tilioq § 22, imm. 3 siunnersuuteqarpoq piginnaasat apparnikuugaluartut imaluunniit allatigut innarluuteqarnermik ilaatigut ilisimasaqartumik aalajangiisartuni minnerpaamik ataatsimik ilaasortaqassasoq.

Siunnersuut ilanngunneqanngilaq. Inatsisissatut siunertaavoq suliamik pisariaqartumik ingerlatsisinnaanissaq qulakkeerniarlugu § 22, imm. 3-mi kikkut Naligiissitaaneq pillugu Aalajangiisartunut toqqarneqarsinnaanerannut sinaakkusiinissaq. Aalajangiisartunut toqqaanermi inuit pinnaasaat apparsimasut suliamik ingerlatsinermi akuutinnissaat pissusissamisuussaq, kisianni inuit inunni immikkoortut aalajangersimasut aalajangiisartunut siumut ilaasortaanissaat naleqquuttut isigineqanngilaq.

Tiliup aamma § 22, imm. 4-mi immikkoortunut allani assingusumik tunngaveqanngimmat aalajangiisartunut ilaasortat pillugit suaassutsit pillugit tunngaveqartoqarnerata tunngavilersornera apeqquserpaa. Tiliup tamassuma saniatigut inassuteqaatigaa, suaassutsit taakku marluk amerlaqatigiissillugit siunnersuisartunut inassuteqaateqarnissaq pillugu nassuaatini piumasaqaat peerneqassasoq, tassa tamanna amerlanerit soqtigisaqarfiiisa avataaniissammatt.

Immikkut malittarisassat annertunerpaamik pisariaqartitsiviusuni atuuttariaqarput. Tunngaviit inatsisissatut siunnersuummi § 4-mi taaneqartut pissutigalugit siulersuisunut il.il. toqqarneqannginneq, ataatsimut isigalugu assigiinngisitsinissamik inerteqquteqarnertut tamatigut paasineqartarput. Suaassutsit katitigaaneranni amerlaqatigiinnissaat pillugu malittarisassat akerlianik assigiinngisitsinissamik inerteqquteqarnermik erseqissaanerupput, taamaallaat suaassutsinut atuuttut siulersuisuni il.il. siaassutsit appaanit amerlavallaartutut isigineqarajuttartut. Suaassuseqarneq innersuussisup soqtigisaataa avataaniinneranik Tiliup oqaaseqaataa pillugu oqaatigineqassaaq, suaassutsit ataatsit siulersuisuni i.il. taakkunani aaqqissuussaanermi amerlanerunnginnissaasa qulakkeernissaat inuiaqatigiit tamarmik soqtigisarigaat.

Tilioq inassuteqaateqarpoq, assigiinngisitsineq tungavigalugu soraarsitsinernik aalajangiisartut atorunnaarsitsisinjaasut § 24-mi ilanngunneqassasoq, aamma inassuteqaatigineqarpoq, suliani taarsiivigitinneqarfiusuni Naligiissitaaneq pillugu

Aalajangiisartut suliat suliareqqitassanngorlugit suliaqarfimmut siullermut utertitsisinnaatitaassasut.

Aalajangiisartunik nutaanik pilersitsineq pineqartillugu aalajangiisartut annertuumik piginnaatinneqarnissaat killifimmi tassani naleqquttutut isigineqanngilaq.

Tilioq oqaaseqaateqarpoq inatsisissatut siunnersuummi kapitali 8-imi sulisup akissarsiaqartinnerata annertussusaa kisimi pineqarmat ernumanartutut isigineqartoq, taarsiinerlu suliffeqarnerup aamma avataaniittooq.

siunnersuut § 50, imm. 3-mi ilanngunneqarpoq.

Tilioq aamma inassuteqaateqarpoq, aalajangiisartuni ilaasortat pisaassuseq aalajangiisartunilu ilaasortat ilaasortaaginnartinnissaat qulakkeerniarlugit akissarsiaqarsinnaatinneqassasut.

Siunnersuut ilanngunneqanngilaq. Aalajangiisartuni ilaasortat akissarsiat pillugit inatsit malillugu sulinermanni akissarsiaqartinneqarput, soorlu aamma Meeqqat pillugit Siunnersuisoqatigiinni, Akileraartarnermut Siunnersuisoqatigiinni Kalaallit Nunaanni Inuit Pisinnaatitaaffiinut Siunnersuisoqatigiiffinni ilaasortanut atuuttoq.

Inatsimmi ataatsimut isigalugu pineqartoq assigiinngitsinnginnissap taamaallaat ikinnerussuteqartunut inatsimmi ataatsimut isigalugu atuunnera (uani suaassutsit naligiisinneqarnissaat) ataatsimik kapitaleqartinneqarnera naleqqutinngitsutut Tiliup isigaa. Tamanut atuuttutut inassuteqaatigineqarpoq, immikkoortunut tamanut atuuttumik kapitaliorqassasoq imaluunniit immikkoortut tamarmik kapitali 7-imi ilanngunneqassasut imaluunniit kapitali 7 ataatsimut inatsimmi peerneqassasoq suaassutsillu naligiissitaanissaat pillugu immikkut inatsisiliunneqassasoq. Pingaartumik inassuteqaatigineqarpoq, naligiissitaanermut siunnersuisoqatigiit suliaqarfianni taamaallaat suaassutsit akornanni naligiissitaaneq pineqarnersoq paasinarsarneqassasoq. Inassuteqaatigineqarpoq siunnersuisoqatigiit taakku naligiissitaaneq aamma assigiinngitsinnginnissaq pillugu inatsimmi piginnaatitsisoqarluni siunnersuisoqatigiit taakku pilersinneqarpata ikinnerussuteqartut tamaasa § 4, imm. 1-imi taaneqartut pillugit siunnersuisoqatigiit taakku suliaqassasut.

Siunnersuut ilaannakortumik ilanngunneqarpoq, tassa Naligiissitaanermut Siunnersuisoqatigiit suaassutsit naligiissitaanissaannik suliaqartut inatsisissatut siunnersuummi § 38-mi erseqqissarneqarmat,

Kapitali 7 pillugu oqaatigineqassaaq, angutit arnallu naligiissitaanerat pillugu Inatsisaannik nr. 3, 29. november 2013-imeersumik nutarterinissamik pisariaqartitsisoqarnikuusoq.

Tassunga atatillugu isumaqartoqarpoq ataatsimoortut allat illersorneqarnissaat naleqqutissasoq, tamassumalu kingorna aalajangerneqarpoq, ataatsimut inatsisiliortoqassasoq, tassani suaassutsit naligiissitaanerat imikkoortunilu allani assigiinngitsitsineq malittarisassiuunneqarlutik. Immikkoortut allat kingusinnerusukkut

ilanngunneqarnissaannut tamanna takussutissaanngilaq, kisianni inatsisisap piareersarnerani taamatut malittarisassaqarnissaq pisariaqartinneqartoq oqaatigineqarnikuunngilaq. Kissaatit piffissami tusarniaavimmi saqqummertut, immikkoortumut inatsit inatsisisatullu siunnersuut una ataatsimoortinnejassanersut ukiuni aggersuni isumaliuteqarnermi ilaassaaq.

Tiliup oqaatigaa, Naligiissitaaneq pillugu Aalajangiisartut aqutsinermi suliaqarfimmuit inissinneqarnera erseqqissarneqassasoq, tassa inatsimmi § 32-mi allaqqammat, aalajangiisartut inaarutaasumik aalajangiisassasut, § 24-li malillugu atorunnaarsitsinissamik imaluunniit inatsisini malittarisassat aqutsinermilu pappiliaatit naqqinnissaannik periarfissaqanngitsut.

Pissutsit assigiinngisitsinerunersut pillugu Naligiissitaaneq pillugu Aalajangiisartut inaarutaasumik aalajangiisinnaaneranni, aalajangiisartut aamma atorunnaarsinnissamut aalajangiisinnaanernillu allannguisinnaanermut piginnaatinnejeqarnissaat pisariaqanngilaq.

Tiliup aamma uparuarpaa, suliap Ombudsmandimut suliassanngortinnginnerani Naligiissitaaneq pillugu Aalajangiisartunit suliarineqarsimassanersoq ersarinngitsoq.

Siunnersuut ilanngunneqarpoq. Tamanna § 32-mut nassuaatini erseqqissarneqarpoq. Peqatigitillugu oqaatigineqassaaq, tamanna § 25, imm. 3-mut nassuaatini aamma allaqqasooq.

Tiliup oqaatigaa, pineqaatissiinerit kapitali 8-mit immikkoortinneqartariaqartut immikkullu kapitaliliunneqarlutik, tassa innarliisumut pineqaatissiineq pineqarmat, taarsiinermilu innarlerneqartoq pineqarluni.

Siunnersuut ilanngunneqanngilaq. Taarsiissutit pineqaatissiinerillu kapitali ataatsimi ataatsimoortinneqarpata naleqqunnerpaajusoq nalilerneqarpoq. Immikkoortup assingani inatsisit allat takugaanni, assersuutigalugu suliffeqarnermi assigiinngisitsinermik inerteqquqteqarneq pillugu Danmarkimi inatsit /LBK nr. 1001, 24/08/2017-imeersoq) aamma Naligiissitaaneq aamma assigiinngisitsinermik inerteqquqteqarneq pillugit Norgemi inatsit /LOV-2017-06-16-51), taarsiissutit pineqaatissiinnerillu kapitalimi ataatsimi aamma ataatsimoortinneqarput.

Inatsimmi minnerpaamik illersuinissamik siunnersuuteqartoqannginnera Tiliup aamma apeqquserpaa.

Naligiissitaanermut Siunnersuisoqatigiit tusarniaanermi akissutaannut akissut innersuussutigineqarpoq.

Tilioq siunnersuuteqarpoq, immikkoortitsinermut tunngaviit ilanngullugit inatsit annertusineqassasoq, tassani ”pissutsit allat suulluunniit” ilanngullugu.

Siunnersuut ilanngunneqanngilaq. Assersuutigalugu pissutsit allat suulluunniit ilanngunnerat naleqqutinngilaq, tassa Naligiissitaaneq pillugu Aalajangiisartut eqqartuussiviillu pissutsit suut ilanngunneqassanersut suliani ataasiakkaani aalajangertassammatigit. Naliliisoqarpoq annertuallaassasoq atuutitinneqarneralu pisariusorujussuussasoq akisullunilu. Inatsisisstatut siunnersuummi assigiinngitsitsinermut tunngaviit ilaapput, maannakkullu nalilerneqarpoq, tamanna naleqquttuusoq naammattumillu paasinarsarneqartoq, kisiannili pisariaqartitsinerit allanngorneranni tunngaviit amerlineqarsinnaannginnerinut mattussinerunngitsoq.

Tiliup inatsisisstatut siunnersuummi § 32, imm. 2-p, naggat kingulleq, erseqqissarneqarnissaa ujartorpaa.

Siunnersuut aalajangersakkamut nassuiaatini ilanngunneqarpoq.

Inatsisisstatut siunnersuummi § 7-imi taaguutip peqataaneq erseqqissarneqarnissaa Tiliup ujartorpaa.

Siunnersuut aalajangersakkamut nassuiaatini ilanngunneqarpoq.

Tiliup siunnersuutigaa, Naligiissitaaneq pillugu Aalajangiisartut suliami aalajangiigaangata, aalajangiineq pillugu suliallu eqqartuussivinni suliassanngortinnissaanut periarfissaqarneq pillugu allatseqarfiup illuatungeriit ilisimatittassagai inatsisisstatut siunnersuummi § 32-mi ilanngunneqassasoq.

Siunnersuut ilanngunneqarpoq.

Inuit Pisinnatitaaffiinut Instituti:

Inuit Pisinnatitaaffiinut Instituti inassuteqaateqarpoq, assigiinngitsitsinissamik inertequteqarneq inatsisisstatut siunnersuummi atuutinngitsut inatsisip oqaasertaani erseqqissarneqassasut, inassuteqatigineqarlunilu suaassuseq imaluunniit immikkut inuiaassuseq pissutigalugit toqqaannartumik assigiinngisitsineq inatsimmi § 8-mi ataatsimut isigalugu ilaatitsisoqannginnera malillugu illorsorneqarsinnaanngitsoq erseqqissarneqassasoq.

Siunnersuut ilanngunneqarpoq.

Inuit Pisinnatitaaffiinut Institutip immikkut inuiaassuseqarneq pillugu paassisutissanik pissarsisoqarsinnaanissaa apeqquserpaa.

Kalaallit Nunanani Naligiissitaanermut Siunnersuisoqatigiit tusarniaanermi akissutaannut akissut innersuussutigineqarpoq.

Inuit Pisinnatitaaffiinut Instituti inassuteqaateqarpoq, taarsiineq, uppermarsaasiorneq pineqaatissiinerillu pilligit inatsisisstatut siunnersuummi aalajangersakkat nuunneqassasut, taamaalilluni taarsiullugu Naligiissitaaneq pillugu Aalajangiisartut pilligit inatsisisstatut siunnersuummi kapitali 6-imi allaqqassallutik.

Siunnersuut inatsisilerinermi teknikkimik isumaliutit pissutigalugit ilanngunneqanngilaq. Aamma oqaatigineqassaaq, taarsiinissaq pillugu Naligiissitaaneq pillugu Aalajangiisartut aalajangiineri pillugit aalajangersakkat, Naligiissitaaneq pillugu Aalajangiisartut pilersinneqarnerat pillugu aalajangersakkat sioqqullugit allanneqarnerat naleqqutissanngitsoq.

Inuit Pisinnaatitaaffiinut Instituti inassuteqaateqarpoq, erninermi sulinngiffeqarneq aamma ernereerermi sulinngiffeqarnissamik nalunaaruteqarneq inatsisissatut siunnersuummi § 54, imm. 3-mi ilanngunneqassasut.

Siunnersuut ilanngunneqarpoq.

Inuit Pisinnaatitaaffiinut Institutip tikinnejqarsinnaanerup inatsisissatut siunnersuummi ilanngunneqarnera aamma apeqquserpaa.

Tiliup tusarniaanermi akissutaanut akissut innersuussutigineqarpoq.

Inuit Pisinnaatitaaffiinut Institutip naggasiullugu erseqqissarpaa, Naligiissitaaneq pillugu Aalajangiisartut nammattunik aningaasalersorneqarnissaat pingaaruteqartoq.

Atuisoqarnermut Unammilleqatigiinnermullu Aqutsisoqarfíup tusarniaanermi akissutaanut akissut innersuussutigineqarpoq.

Justitsministeriet:

Justitsministeriet oqaaseqaateqarpoq, assigiinngisitsinnginnissaq pillugu inatsit pillugu suliassaqarfik tiguneqarnikuunersoq imminnut ersarinngitsoq.

Kalaallit Nunaanni Namminersorlutik Oqartussat assigiinngissitsinnginnissaq pillugu immikkoortoq tamaat pillugu aalajangiisinnaaneq tigunikuugaat Justitsministeriep tamassuma kingorna akuersaarpana.

Meeqyanut, Inuuusuttunut Ilaqtariinnullu Naalakkersuisoqarfik (MIIN):

MIIN kaammattuivoq meeravissiartaartut angajoqqaarsiallu inatsisissatut siunnersuummi § 17, imm. 3-mi ilanngunneqassasut.

Siunnersuut ilanngunneqanngilaq. Meeravissiartaarneq aalajangersakkami toqqaannartumik allaqqavoq. Aamma aalajangersakkap kinguneraa, Naartunermut, erninermi suliffeqarnermut meeravissiartaarnermullu atatillugu sulinngiffeqarneq pillugu Inatsisartut inatsisaat atuuttoq naapertorlugu piumasaqaateqarnermi aamma illersorneqartoqartoq. Taamaalilluni nalilerneqarpoq meeravissiartaartut angajoqqaarsiallu aalajangersakkami illersorneqareersut.

MIIN siunnersuuteqarpoq, § 4, imm. 3 allanngortinneqassasoq, taamaalilluni Naartunermut, erninermi suliffeqarnermut meeravissiartaarnermullu atatillugu sulinngiffeqarneq pillugu Inatsisartut inatsisaat atuuttoq malillugu kikkut sulinngiffeqarsinnaatitaanersut nalornissutigineqalissanani.

Siunnersuut § 4-mut nassuaatini ilanngunneqarpoq.

MIIN-ip innarluutit inatsisissatut siunnersuummi § 20-mi ilanngunneqartariaqarnersut aamma naleqquttumik naleqqussaaneq tикинneqarsinnaanerlu inatsimmi allaqqasariaqarnersut aamma apeqquserpaa.

Tiliup tusarniaanermut akissutaanut akissut innersuussutigineqarpoq.

§ 21, imm. 2-mi suliffeqarnermi illuatungeriit isumaqatigiissutaat inatsisissatut siunnersuummi malittarisassiorneqarsinnaannngitsut MIIN-ip oqaatigaa.

Tusaatissatut tiguneqarpoq, aalajangersakkamilu imm. 2 peerneqarluni. Innuttaasorli sulisitsisut sulisullu kattuffiisa ataatsimut isumaqatigiissutaanni assigiinngissitsisoqarnera pillugu inatsisissatut siunnersuut manna naapertorlugu suli naammagittaalliorsinnaavoq. Taamatut pisoqarnera inatsisissatut siunnersuummi § 21, imm. 1-imi pissusissamisoortumik ilaavoq.

MIIN Siunnersuuteqarpoq, § 22, imm. 3-p oqaasertaani aalajangiisartut tamarmik inatsimmi assigiinngitsitsinermut tunngavinnik tamanik ilisimasaqassasut ilanngunneqassasoq.

Siunnersuut ilanngunneqarpoq.

MIIN-ip suaassutsit inatsimmi aalajangersakkani arlalinni illuatungiinnarsiorluni isiginiarneqarnerat naleqquttuunersoq aamma apeqquserpaa. MIIN-ip inatsisissatut siunnersuummi § 38, imm. 1 nr. 3-5 aamma § 43, imm. 1-8 immikkut oqaatigai.

Tiliup tusarniaanermi akissutaanut akissut aamma Kalaallit Nunaanni Naligiissitaanermut Siunnersuisoqatigiit suaassutsit naligiissitaanerannik immikkut akissuteqarneri innersuussutigineqarput.

MIIN oqaaseqaateqarpoq, inatsisissatut siunnersuummi kapitali 8 pillugu marloqiusamik malittarisassiorneq pineqanngitsoq qulakkeerneqassasoq.

Inatsisini allani marloqiusamik malittarisassaqarsimasinnaanera tusarniaanermi akissummi ersinngilaq. Aamma marloqiusamik malittarisassiornerup peqarsimasinnaanerata inatsisissamik siunnersuummik suliaqarnermi paasineqarsinnaanikuunngilaq, taamaammat tamanna ilanngunneqanngilaq.

MIN-ip oqaaseqatigiinni ”assigiinngisitsinerni assigiinngitsuni tamani assigiinngisitsinermut aallaaviusumik assigiimmik illersuisoqartariaqarpoq” suna pineqarnersoq nalornissutigineqartoq.

Oqaaseqatigiit naleqqussarneqarput, taamaalilluni illersuinerit assigiinngitsut allaqqanani illersuinermi tunngaviit allaqqalerluni. Assigiinngisitsinermut tunngaviit tamarmik illersorneqartariaqarnerat taamaalilluni siunissami assigiimmik illersuineqartarnissaq oqaaseqatigiinni siunnersuutigineqarpoq.

Oqaaseqatigiinnut ”Maanna naligiissitaanermut inatsimmi assigiinngisitsinermut taaguummi suaassutsit illuatungeriit tunngavigineqarput: angut arnarlu. Kisianni inuk angutaanini/arnaanini pissutigalugu assigiinngisinneqanngissinnaavoq, inuulli inuit suaassutsinik isiginninnerannut unammillernera pissutigalugu assigiinngisinneqarsinnaalluni. Taamaattumik suaassuseq assigiinngisitsinermut tunngavissarititaasutut naammanngilaq, taamaattumik inerteqquteqarneq suaassutsini kinaassuseqarneq aammalu suaassutsimik takutitsineq ilaatislerlugit ilaneqassaaq.” atatillugu MIIN kaammattuivoq inuttut nammineq siuaassuserinngisamik inuup suaassuseqarnera tunngavigiinnarlugu inuup assigiinngisinneqarnera allaqqanngimmat. Inatsisissat siunnersuummi suaassuseqarneq suaassutsimillu takutitsineq ilanngunneqarnerani illersuutaasinnaasut pitsaanerpaat qulakkeerneqarnissaat siunertaavoq, taamaammallu naliliisoqarpoq, assigiinngisitsinermi tunngaviit inatsimmi erseqqissarneqarluarneqarpata pitsaanerussasoq.

MIIN oqaaseqatigiit paatsoorsimagunarpai, tassa inuttut nammineq siuaassuserinngisamik inuup suaassuseqarnera tunngavigiinnarlugu inuup assigiinngisinneqarnera allaqqanngimmat. Inatsisissat siunnersuummi suaassuseqarneq suaassutsimillu takutitsineq ilanngunneqarnerani illersuutaasinnaasut pitsaanerpaat qulakkeerneqarnissaat siunertaavoq, taamaammallu naliliisoqarpoq, assigiinngisitsinermi tunngaviit inatsimmi erseqqissarneqarluarneqarpata pitsaanerussasoq.

MIIN kaammattuivoq, siunnersuummi innarluutillit pillugit inatsimmi kinaassusersiorani siunertap suuneranik assersuusiutaasussaasut siunnersuummi immikkoortut pingarnerit pillugit imm. 2-miittut allanngortinnejassasut.

Siunnersuut ilanngunneqarpoq.

Innarluutip inatsisissatut siunnersuummi nassuaaserneqannginnerra MIIN-ip apeqquserpaa aamma innarluutillit pillugit uppermarsaasiornissamik piumasaqaat ernumassutiga.

Tiliup tusarniaanermi akissutaanut akissut innersuussutigineqarpoq.

MIIN kaammattuivoq oqaaseqatigiit ”Oqaatsimi immikkut kinguaassiutitigut salliutitsinerit imaluunniit sammisaqarnerit ilaatinneqanngillat, soorlu assersuutigalugu fetichisme imaluunniit sadomasochisme” allanngortinnejassasooq.

Siunnersuut ilanngunneqanngilaq. Naliliisoqarpoq kinguaassiuutitigut sammisaqarnerit inuit namminerpiaq inuunerannut ilaasut.

Oqaatsinik piginnaasat immikkut inuaassuseqarnermut ilaanersut MIIN-ip apeqquserpa.

§ 16, imm. 2-mit peerneqarpoq.

Inuit allanit sinniisoqarnissamik periarfissinneqarnerat MIIN-ip apeqquserpaa.

Tiliup tusarniaanermi akissutaanut akissut innersuussutigineqarpoq.